

# APASOL

## Bi Jiysis Minim Dand Amemb Gok Yerer Giyak Kesim Minim Nind Niņep

Baybol buk day “Apasol” apun biy, bi Luk, bi Jiysis minim dand amemb gok, giyak giyak rek kesim dey niņep gak rek tikak. Nuk nep Jiysis Krays minim tep “Luk” apun ak kunep tikak.

### **Minim Ar Keykey Mindip Rek:**

Jiysis Nop ker amning angak minim ak mindip, chapta 1:1-14.

Jiwdas kumek bi kisen bap tip nup dak minim ak mindip, chapta 1:15-26.

Jerusalem mindeyak Gor Kawnan nuk yokek kuyip ker owak minim ak mindip, chapta 2:1-8:3.

Jiysis nup minim ak miñmon Jiwdiya yip, Samariya yip angñiyak minim ak mindip, chapta 8:4-12:25.

Pol Gor nup wong gak minim ak mindip, chapta 13:1-28:31.

A. Pol nind girangyng Gor minim angñak minim ak mindip, chapta 13:1-14:28.

B. Pol, Banabas yip, bi biynimb Krays ker Jerusalem kond mindeyak gok sek mitiyņ yomb ak giyak minim ak mindip, chapta 15:1-35.

C. Pol namb ak girangyng Gor minim angñak minim ak mindip, chapta 15:36-18:22.

- D. Kisen am girangyng Gor minim angñak minim ak mindip, chapta 18:23-21:16.
- E. Pol Jerusalem amek, nup kalambis ay dand Sisariya amey kor niñiy, kisen dand Rom amniyak minim ak mindip, chapta 21:17-28:31.

<sup>1-2</sup> Mam Tiyopiylas. Yand nip minj nind tiknik ak; Jiysis nup tikey yomb giy, tikjak wong gi mind dand amiy, wong yerip yerip gak, minim yerip yerip biynimb gok kuyip angñak ak, nip angnik. Kisen nuk Nop miñmon amning, Nop Kawnan ak gos ñakniñ, bi minim nup dand amemb gok kuyip angñirep giy amnak. <sup>3</sup> Pen kumiy tikjakiy, binuk gok mindyakniñ, ñin kuñaynep misen giy, kuyip Gor biynimb diy kond mindeningamb minim ak angñiyngip. Pen nuk yerer gak ak niñiy, ak Jiysis nep kumiy tikjakip angiy, niñrep giyak. Pen kumiy tikjakiy, ñin jiwiy andikiy onep kanjol piskind (40) ak man ar biy mindiy, aranjak semb biyong amnak.

<sup>4</sup> Pen kumiy tikjakiy, man ar biy mindyngip ñin kun gok, ñin bap ap binuk gok yip mindiy angak, “Nimbip nind angnik rek, Bapiy Kawnan nuk ak nimbip yokningamb ak mey; miñmon Jerusalem biy nep kond mindenimimb. <sup>5</sup> Jon bi ñing pikñemb ak, nimbip ñing anep pikñak ak pen; Bapiy nimbip Kawnan nuk ak yokningamb. Ñin kun ak mañ mindip, kond mindenimimb angak.”

*Jiysis Nop Miñmon Aranjak Amnak*

<sup>6</sup> Pen ñin bap, Jiysis binuk gok mindeyak siñak misen gek, nup angyak, “Biyomb. Nand miñiy kiyñ chin mindey, miñmon Yisrel biy tip ak key kond mindiy, miñmon gunap kond mindiy giniñgambun?”

<sup>7</sup> Angeyak, kuyip angak, “Kond min-deniñgambim ñin kun ak, tap nimbik niñep rek niñnimimb; Bapiy nuk key gek niñniñgambim.

<sup>8</sup> Pen Bapiy Kawnan ak ap nimbip kond mindakniñ; nimb am Jerusalem biynimb, Jiwdiya biynimb, Samariya biynimb, biynimb miñmon okok mañgiysek, yand yerer gipiyn ak kuyip angniniñgambim angak.”

<sup>9</sup> Kun angakniñ, Nop nup dand aranjak semb biyoñ amnak. Binuk gok niñmindyakniñ, semb band ak ap nup yiwgak.

<sup>10</sup> Pen kun giy kuyonñiy niñmindyakniñ, bi chech tund tep yimb yimrik omiñal ap mindeyak mañ siñak misen giy, angrik, <sup>11</sup> “Galiyliy biynimb. Yenen semb biyoñ niñmindpim? Jiysis andkind winiñgamb ñin ak, giy amimb rek nep winiñgamb angrik.”

### *Jiwdas Kumek Matayas Nup Diyak*

<sup>12</sup> Bi omiñal kun ak, kun angyi amnirikniñ, kiyk miñmon Oliyp dum mindeyak ak kirgiy, Jerusalem amniyak. <sup>13-14</sup> Am mindiy, Gor nup angniniñg, kinyiñgipay korip ar biyoñ miñgan ak nan-giy, Gor nup angninyiñgipay. Biynimb kun gok mey: Piyta, Jon, Jemis, Enjriw, Piyliyp, Tomas, Batlomiwiw, Matyiw, Alpiyas ñinuk Jemis ak, Saymon Selot ak, Jemis ñinuk Jiwdas ak, Jiysis

nonim Mariya ak, Jiysis numam sikop ak, biyn gunap sek.

<sup>15</sup> Pen ñin kun siñak, biynimb wan handret tiwendiy rek ap nan-giyakniñ, Piyta tikjakiy kuyip angak, <sup>16</sup> “Mam ay sikop niñim. Gor Kawnan ak wosrey Depiyt nup gos ñek, Jiwdas bi Jiysis nup mimuñg niñak anup giniñgamb rek angiy tikek, miñiy angak angak rek nep gisap. <sup>17</sup> Jiysis bi Jiwdas kun ak dek chin yip mindiy, Gor wong ak jimñiy giyiñgipun ak pen; <sup>18</sup> kisen nuk Jiysis nup mimuñg niñiy, maniy dak ak dand amiy, mankumb bap tawiy, mind dand amiy, ñin bap apyap pikek, kongiy nup ak pikjakiy, simbwur gok limiñg mis amek kumak. <sup>19</sup> Kun giy kumek, Jerusalem biynimb mañgiysek niñiy, mankumb tawiy kumak kun ak, yimb Akeldama angyak. Akeldama angyak minim kiñiñ ak, likañ yowak miñmon angyi angyak. <sup>20</sup> Pen Piyta angak, “Depiyt wosrey Baybol buk day Sam apay ak tikiy angak, ‘Biynimb gunap miñmon nuk kun ak, ma am min-deniygiy angak.’ ” Minim bap pen angak, ‘Wong nuk ak, bi bap pen dinimuñ angak.’ <sup>21-22</sup> Angak kun ak, chin bi bap niñiy dinjun. Bi kun ak bi yikop bap mer; bi chin yip per tangiy, Jon Jiysis nup ñiñg pikñak ak niñiy, mind dand amiy, Jiysis kumiy tikjak semb biyon amek niñak bi bap niñiy dinjun. Bi kun ak rek don mey, Biyomb Jiysis kumiy tikjakak minim ak, angnirep giniñgamb angak.”

<sup>23</sup> Piyta kun angek, binak Matayas yip, Josep Jastas yip kuyip angyak. Pen Josep nup ñin gunap ‘Basabas’ angyiñgipay. <sup>24-25</sup> Bi omiñal kun

ak, kun giy anğay, Jiysis nup anğniñiy anğyak, “Biyomb. Jiwdas nind timey giy kumak ak, tip nup ak an dinimun anğiy bi omiñal biy anğaypun. Kun ak nand biynimb manğiysek gos niñiy gipay rek niñban ak mey, nip anğniñsipun! Nand key ‘Bi ak anğey,’ niñiy dinjun anğyak.”<sup>26</sup> Kun anğiy, sandiw rek giy, Matayas wiyn giy, Jiwdas tip nup ak dak.

## 2

### *Gor Kawnan Owak*

<sup>1</sup> Biynimb Jiysis nup gosimb niñyak gok, Pendiynos ñin yomb ak miñiy wip anğiy, ap korip miñgan nokom bap mindeyak. <sup>2</sup> Kun giy mindyakniñ, giw yomb ak semb ar biyon anğiy, yingen rek diy, korip mindeyak ak apek, manğiysek niñyak. <sup>3</sup> Pen won kun anep mon manlan biñ rek ak apiy, kuyip jun ar keykey amnakniñ, <sup>4</sup> Gor Kawnan ak kuyip bak ayek, minim yimb ar keykey anğyak.

<sup>5</sup> Ñin kun ak, Jiwda biynimb wikan keykey ap Jerusalem nan-gi mindeyak ak mey, <sup>6</sup> giw yomb kun ak angek niñiy, yergip anğiy, biynimb kuñaynep kasek korip kun ak apiy niñyak: minim yimb ar keykey yipund giy nep anğeyak. <sup>7-8</sup> Kiyk niñiy, wal anğiy anğyak, “Biynimb guniy manğiysek Galiyliy nimb ak pen; yergiy minim yimb chin keykey apun rek yipund giy aspay? <sup>9</sup> Chin gunap Patiya nimb, gunap Miydiya nimb, gunap Yilam nimb, gunap Mesopotemiya nimb, gunap Jiwdiya nimb, gunap Kapadosiya nimb, gunap Pontas nimb, gunap Esiya nimb, <sup>10</sup> gunap

Priysiya nimb, gunap Pampiyliya nimb, gunap Yijip nimb, gunap miñmon yomb Liybiya, Sayriyniy gol okok nimb. <sup>11</sup> Chin gunap Jiwda yipund giy yimb; gunap miñmon Rom nimb winuk ak pen, Jiwda biynimb gipay rek ak gipun. Gunap Kriyt nimb, gunap Areybiya nimb. Pen Gor kuyip key yimb gek, minim yimb chin keykey mindip rek ak angey niñsipun angyak.” <sup>12</sup> Kun angyi, gos kuñay niñyiq, pen angniek, pen angniek giy angyak, “Key yimb gisap kun ak yerginiñg gisap angyi,” gos kuñay yimb niñyak. <sup>13</sup> Pen biynimb gunap angyak, “Ak ñiñg wayn kuñay ñimbiy, sakiy ay aspay angyak.”

### *Piyta Minim Anğñak*

<sup>14</sup> Kun angeyak, Piyta bi Jiysis minim dand amemb gunap yip tikjakiy, meñg miñgan dand araniy anğak, “Nimb Jiwda biynimb diy, Jiwda biynimb mer gok diy, Jerusalem mindpim gok, minim aspiyn ak niñim. <sup>15</sup> Chin minim yimb keykey aspun ak, ñiñg wayn ñimbiy ma aspun. Ñiñg wayn ak pumb kisen owip won ak ma ñimbay; dungep won anep ñimbay. <sup>16</sup> Chin pen minim yimb keykey anğambun niñsipim kun biy, bi Gor minim anğep Jowel, wosrey angyi tikak rek nep gip. <sup>17</sup> Nuk minim kun ak tikiy anğak:

‘Gor anğip, “Ñin kisen ak biynimb mañgiysek okok biyn piñ, bi paranj, biyn yomb, biyomb gok kuyip; Kawnan yand ak yokniñgayn. Bi paranj gok day niñniñgambay. Biyomb gok wisin niñniñgambay. Ñi, pañ gok, minim tep

yip ak misen angyikningambay. <sup>18</sup> Ñin kun ak, biyn bi yip wonḡ giñimbay gok kuyip, Kawnan yand ak yoken, minim tep yip ak biynimb okok kuyip anḡningambay. <sup>19</sup> Pen semb biyon tap key yimb gunap giy, man ar biy tap mageprek gunap key giningayn. Pen likañ giy, mon yiniy, sikum yomb giy giningamb. <sup>20</sup> Takin ak likañ giy, pumb ak melik ma giningamb. Kun gek, kisen mey, ñin yand Biyomb yimb mindiy winingayn ak winingamb. <sup>21</sup> Pen biynimb yip anḡniḡningambay gok, kuyip diningayn anḡip” anḡak.”

<sup>22</sup> Piyta Jewel tikak minim kun ak anḡjiwi y anḡak, “Nimb Yisrel biynimb. Minim anḡniḡ gispiyn biy niḡnimimb. Jiysis bi Nasaret nimb ak, bi yikop mer; Gor nep nup yokek owak. Ñiyand ak yoken, tap mageprek gek niḡiy, Gor Ñinuk nep anḡningambay anḡiy, yokek apiy, tap mageprek gok gek niḡbim. <sup>23</sup> Nuk giningambim rek niḡiy, Ñinuk Jiysis nup di ñin ar nimbip ak ayek; dam biynimb Gor minim ma niḡbay gok kuyip ñembik, mon kiros bak biyon ñanḡbirik ayey kumak. <sup>24</sup> Yiwur yomb diy kumak ak pen, pisnep lum namb okok mindiy, kuyiḡ yownimuy rek ma ayak. Nop gek tip ak tikjakak. <sup>25</sup> Pen Depiyt wosrey Jiysis nup minim ak tikiy anḡak:

‘Bapiy yand. Yip per ay mindpan rek, tap bap yip ginimuy rek ma ayip. <sup>26</sup> Kun gip ak, yip tep gek, miñmiñ yimb gipiyn. Kumniḡ kunep ma pirikpiyn.

<sup>27</sup> ‘Yip anḡiy “Ñi suḡ-tep yand ak biynimb kumbay

gok yip mindiy ma kuyiᅅg yowniᅅgamb apan” ak, yip tep gip. <sup>28</sup> Permindep kin-jeᅅ ak yip yomnak rek, nand yip perper mindiy, miñmiñ giniᅅgayn angak.’”

<sup>29</sup> Piyta minim kun ak anᅅiy angak, “Mam ay sikop. Nimb key niᅅrep gipim. Basind yes chin Depiyt, bi minim tikak kun ak kumek, komyak kaw miᅅgan ak, miñiy kunep niᅅbun. Kun ak nuk key ma angak. <sup>30</sup> Pen nuk bi Gor minim anᅅep ak mey, nuk niᅅak: Gor nup niᅅind yimb anᅅiy angak, “Ñi nand tikey, kiy tikey amiy apiy giniᅅgamb gok, kisen ñi bap nand kiyᅅ mind-pan rek mindiy, biynimb kond mindeniᅅgamb angak.” <sup>31</sup> Gor angak kun ak mey, Depiyt niᅅak: kisen Krays kumiy pisnep kuyiᅅg yownimuj rek ma ayak. Gor gek tip ak tikjakniᅅgamb rek niᅅiy minim kun ak angak.

<sup>32</sup> Gor gek, Jiysis tip ak tikjakek, windin chin key niᅅiy aspun. <sup>33</sup> Nuk tikjakek, Nop Ñi tep yand anᅅiy, dand amiy, ñin yipund kind okok ken ayek, nuk yip mindiy, Nop nind angak rek Kawnan ak yoker mey; ap giw yomb anᅅek, minim keykey aspun biy niᅅsipim. <sup>34</sup> Pen Depiyt minim angak kun ak, nuk key ma angak. Nuk biy mindiy, semb ar biyoy ma amnak. Pen nuk minim gunap tikiy angak:

‘Biyomb ak Biyomb yip ak nup angak, “Ñin yipund kind yip okok ken mindenimin mey; <sup>35</sup> yand gen biynimb nip yiruk niᅅbay gok, talak miᅅgan nand okok mindeniᅅgambay angak.’



<sup>36</sup> “Depiyt minim angak kun ak, nimb Yisrel biynimb ninrep ginimimb. Jiysis bi mon Kiros bak biyon ñangbirik aypik ak nup, Gor gek Biyomb yimb mindip. Nuk nep Kiyñ yomb key yimb per kond mindyñgipun ak angak.”

<sup>37</sup> Piyta minim kun ak angak, biynimb mindeyak gok gos kuñay yimb ninjiy; Piyta sek, Jiysis minim dand amemb binuk gunap sek kuyip angyak, “Kun ak mam sikop: chin miñiy yerginjun?”

<sup>38</sup> Angeyak, Piyta angak, “Nimb nokom nokom mindpim rek, tap siy tap timey gipim ar ak kirgiy, Jiysis nup gosimb ninjiy, ñing piknimimb. Kun geningambim, Gor tap siy tap timey gipim ak ninjiy kirgiy, Kawnan nuk ak nimbip yokningamb. <sup>39</sup> Gor wosrey angak, ‘Kawnan yand ak nimbip Yisrel biynimb yokiy, ñapan nimb tikayningambim gok yokiy, biynimb okok kuyip yokiy giningayn angak.’ Kun ak ninbun. Gor biynimb nuk dinary gip gok kuyip mangiysek, Kawnan nuk ak yokningamb angak.”

<sup>40</sup> Piyta kuyip simb ninjiy, minim gunap angiy angak “Nimb biynimb gunap monmon gipay rek kirgiy, mindrep ginimimb. Mer ak, yiwur yomb dinarygambim angak.” <sup>41</sup> Piyta ñin kun ak, kun giy angak, biynimb kuñaynep, chiriy tawsin (3000) rek, Jiysis nup gosimb ninjiy, ñing pikyak.

<sup>42</sup> Kun ak bi Jiysis minim dand amemb minim angñiyñgipay ak ninrep gun angiy, ang amiy apiy giyñg, biret tipang jimñiy ñimbyñg, Gor nup angñiyñg mindyñgipay.

*Jiysis Biynimb Nuk Gok Giyñgipay Rek*

<sup>43</sup> Gor bi Jiysis minim dand amemb gok kuyip kond mindakniņ, tap mageprek gunap geyak, biynimb maņgiysek jel pirikyak. <sup>44</sup> Biynimb Jiysis nup gosimb niņyak gok jimņiy mindiy mey, biynimb an tap kuyip tikdak gok, biynimb gunap monmon ñiyak. <sup>45</sup> Mankumb, tap okok kunep yokyinq, maniy diy, biynimb tap ma mindek gok kuyip bilok ñiyak. <sup>46-47</sup> Minek minek, Gor nup yimb ak dand araniņ; Gor aņņiņep korip ak am nan-giyiņipay. Pen korip kiyk okok kunep nangi, Gor nup yimb dand aranyinq, biret tipaņgiy, miņmiņ giyinq, tap jimņiy ñimbyiņipay. Biynimb yikop gok kuyip niņey tep gak. Gor gek minek minek biynimb gunap sek apey, Jiysis nup gosimb niņiy, ap biynimb nuk nindnimb gok yip jimņiyiņipay.

### 3

#### *Bi Tomb Timey Gak Ak Suņ Ayak*

<sup>1-3</sup> Bi nonim tikak ñin anep tomb timey gak bap nup, minek minek dand apiy; Gor aņņiņep korip kinjeņrumb yomb, kil tep giyak gol siņak ayey, bisinq mindyiņgip. Mindyiņg, biynimb Gor aņņiņep korip miņgan apiy amyiņgipay gok kuyip, maniy nen asimbi aņgyiņgip.

Pen minek bap, Piyta yip, Jon yip pumb kuyim gak won ak, Gor nup aņņiņiņiq, apiy pandikrikniņ, bi tomb timey gak kun ak kuyipmiņay niņiy aņgak, “Yip tap gunap ñiy aņgak.” <sup>4</sup> Aņgek, kiymiņay nup niņyinsek ay mindyiņg, Piyta aņgak, “Chirupmiņay niņan aņgak!” <sup>5</sup> Aņgek, yip tap ñiņiq gispivr aņgiy,

niñmindek, <sup>6</sup> Piyta angak, “Maniy yand ma mindip; pen tap nokom bap nip giningayn. Jiysis Krays Biyomb Nasaret nimb ak mindip rek, nip aspiyn, “Tikjakiy sanđan!” ” <sup>7</sup> Kun angiy, ñin yipund kind nup ak diy, di jakñakniñ, won kun anep, ñin tomb nup gok suñ ayek, <sup>8</sup> Gor nup tep yimb angying, talak talak giying, kiyminay yip Gor angniñep korip miñgan ak amnak. <sup>9-10</sup> Kun gek, biynimb mindeyak gok, bi tomb timey per ap kinjenrumb kil tep giyak gol siñak mindying, maniy tap gok nen asimbi angip ak, yergiy tomb yimb tawiy asaw angiy, gos kuñay niñyak.

### *Piyta Minim Angñak*

<sup>11</sup> Won kun ak, bi kun ak nuk, Gor angniñep korip mis ar; Solomon korip bandak band angyingipay miñgan ak mindiy, Piyta yip, Jon yip kuyip namb namb dakniñ, biynimb kuñaynep kasek ap niñiy, gos kuñay niñyak. <sup>12</sup> Kun geyak, Piyta angak, “Yisrel biynimb. Chirup yenen niñiy wal aspim? Kiyminay bi suñ-tep omiñal kun ak key yimb ak mey; gambiy, bi kun biy kinjen tasap angiy gos ak niñsipim? <sup>13</sup> Ak mer. Basind chin Ebrahim, Aysek, Jekop bi gok angniñyingipay Gor ak nep gek suñ ayip. Nuk gip kun ak, Ñinuk Jiysis yimb ak dand araniyan angiy gip. Nimb pen, Ñinuk kun ak nup ma dipik. Nup mon kiros bak biyon ñangbirik aying giyak ñin ak, gapman biyomb Paylat wisik yokiyn angek, <sup>14-15</sup> nimb nup kirgiy, bi biynimb pikayep ak nup wisik yokiy, bi tap siy tap timey ma giy, biynimb gek perper mindipay ak nup pisnep pikaypik. Kun

gipik ak pen; Gor gek tip ak tikjakiy kim mindip ak, chir ninjy aspur.

<sup>16</sup> “Bi tomb timey per ninbim biy, miñiy suñ ayamb ninbim. Bi Jiysis kun ak nep chirupminay gos ñek, gek suñ ayniñgamb angyi di jakñirukniñ, gek suñ ayip.

<sup>17</sup> “Pen mam ay sikop. Nimb biyomb nimbik gok yip, sakiy sek mindembik ak mey, Jiysis nup kun gipik. <sup>18</sup> Pen Gor, bi minim nup anjep gok kuyip wosrey gos ñek angyak, ‘Kisen Kiyñ yomb key yimb ak yiwur yomb yimb diy, kumniñgamb angyak’ ak mey; angyak rek nep gipik. <sup>19</sup> Pen tap yerip yerip timey gipim ak, Gor ninmindip. Kun ak tap siy tap timey gipim ak kirgiy, gos kisenimb ar ak niñeniñgambim; Gor tap siy tap timey gipim gach ak wiykyokek mey, nuk yip jimñiy mindiy tep gakniñ mindeniñgambim. <sup>20</sup> Kun giy mey, Ninuk Jiysis ‘Nimbip nen yokiyñ angyi’ kond mindip ak yokniñgamb. Kiyñ yomb key yimb ak, Jiysis nep. <sup>21</sup> Pen bi Gor minim anjep gok wosrey angyak rek, nuk semb biyoñ mindip rek mindiy, kisen tap mankumb biy mindip gok tip ak girep giniñgamb. <sup>22</sup> Bi Gor minim anjep Mosis angak, ‘Gor kisen bi minim nup anjep yand rek bap yokek, minim angniñgamb ak niñrep ginimimb. <sup>23</sup> Biynimb ma niñniñgambay gok, biynimb nuk yimb gok yip jimñiy ma mindeniñgambay angak.’

<sup>24</sup> “Bi Gor minim anjep Samwel sek, bi Gor minim anjep kisen wiyak gok sek minim angyak gok, miñiy mindipun ñin namb biy angyak. <sup>25</sup> Bi minim angyak kun gok, ñapan tikey, kiy pen tik

dand amiy, tik dand amiy tikey mey, chin mind-pun. Kun ak minim chinup bap Gor basind Ebraham nup giningayn angyi minim angyak. Nup minim angyak angak, 'Napan nand tikey, kiy tik dand amiy apiy giy tikningambay gok, bap minddek mey; biynimb okok mangyisek tep giningamb angak.' <sup>26</sup> Pen, Gor Ninuk ak yokning angak, Yisrel biynimb kuyip nind yoken mangyisek mindpay rek tap siy tap timey gipay ak kirgiy, mindrep giningiy angyi' yokek awak angak."

## 4

### *Piyta Yip Jon Yip Kuyip Kor Giyak*

<sup>1-3</sup> Piyta yip, Jon yip Jiysis kumiy tikjakak minim ak angnirikniñ, bi Gor nup simbonjep yomb gok sek, bi Sanjiwsiy gok sek, Jiwda poliys kond mindep yomb ak sek minim angrik kun ak niñiy, biynimb gunap kumiy ma tikjakpay ak yenen minim kun ak angnispiyr angyi, miluk yapek di kalambis ay; miñiy dunjep won biy mer, toy kor gep angyak. <sup>4</sup> Pen minim angrik nin kun ak, biynimb kunay yimb nep, Jiysis nup gosimb niñyak. Biyn gok sek mer, bi gok nep mey; payp tawsin rek amnak.

<sup>5-6</sup> Pen minek, Jiwda kanjsol nan-gining, per giyinjipay rek, bi low tiysa gunap, bi Gor nup tap simbonjep yomb gunap, bi kanjsol yikop gunap ap nan-giyak. Pen Anas ak, Kayapas ak, Jon ak, Aleksanda ak, Anas biynimb nuk gunap sek minim angeyak namb kun ak, ap niñmindeyak.

<sup>7</sup> Kun giy niñmindyakniñ, Piyta yip, Jon yip kuyip dap namb siñak ay angyak, "Bi tomb timey gak ak

yergiy ger suņ ayip? Tap yerip ak aņgninij, tap mageprek kun ak gipiyr?”

<sup>8</sup> Aņgeyak, Piyta Gor Kawnan yip mindek ak mey aņgak, “Nimb Yisrel biyomb gok sek, <sup>9</sup> bi kanjsol yomb gok sek chirup bi tomb timey gak anup, yergiy ger suņ ayip aņgiy, aņgnisipim? <sup>10</sup> Nimb Yisrel biynimb maņgiysek, minim aspiyn ak niņrep ginimimb. Jiysis Krays bi Nasaret nimb ak nup, mon kiros bak biyoņ ñaņgrimbikaypik ak pen; Gor gek tip ak tikjakak. Bi kun ak nep aņgninor, bi tomb timey gak kun biy nup gek pisnep suņ ayek, taņgrop gisap. <sup>11</sup> Bi Jiysis kun anup mey, Baybol buk tikiy aņgyak,

‘Kamb par bi korip gep gok yiruk gek kirgiyak ak, miņiy korip sap nambyaņ ak piņiyņiy mindip aņgyak.’

<sup>12</sup> Nop Ñinuk kun ak nep chinup aņgak ak mey; nup don, nuk gek, Gor biynimb nuk mindoņgambun. Pen biynimb gunap chinup di Gor yip jimņiy ayniņgiy rek ma mindip aņgak.”

<sup>13</sup> Piyta kun giy aņgek, biyomb kun gok niņiy aņgyak, “Bi omiņal biy sikul ma aņgrik ak pen, minim kun biy ma pirikiy, monmon aspiyr. Jiysis yip taņgyiņgipay ak mey, kun gispiyr aņgyak.” <sup>14-16</sup> Bi tomb timey suņ ayak ak, biynimb windin yirik ar ak mindakniņ, kuyipmiņay aņg giniņgiy rek ma ayek aņgyak, “Kanjsol korip biy kirgiy, mis biyaņ amniņmiyr aņgyak.” Kun aņgey, mis amerik, kiyk key aņgniņ aņgniņ giy aņgyak, “Bi omiņal biy tap mageprek ak ger, Jerusalem biynimb maņgiysek niņbay. Kun ak kuyipmiņay yesek gipiyr aņgiy, aņgjun rek ma ayip. <sup>17-18</sup> Pen minim

kun ak, biynimb gunap kunep anger niñningiy rek ayip ak, kuyip mer anjgun angyak.” Kun angyi, kuyipminay angey aper angyak, “Jiysis nup yimb ak kisen ma yimb angnimiy angyak.”

<sup>19</sup> Kun angey, pen angrik, “Chir Gor minim nup ak kirgiy, minim nimbip ak niñor, Gor nup tep giningamb akan; nimb key niñim. <sup>20</sup> Pen Jiysis yerer gak, minim yerip yerip angak ak kirginjur rek ma ayip; biynimb gok kuyip angniningambur angrik.”

<sup>21-22</sup> Kun angerik, Kanjsol biyomb gok gos key niñiy, bi biy simiy ñin jiwiy ñin jiwiy mindiy, kisen suñ ayip ak; biynimb gok Gor nup tep aspay. Bi ominal kun biy kuyip, tap bap goningambun; kaljiwningambay angyi, kuyipminay yikop minim yomb angyi, anğ mis yokyak.

### *Biyimb Jiysis Nup Gosimb Niñyak Gok Gor Nup Angninyak*

<sup>23</sup> Piyta yip, Jon yip kuyipminay kun giy anğ mis yokey, kiyk am, Jiysis biynimb nuk gunap kuyip niñiy, bi kanjsol yomb gok, minim yerip yerip angyak ak angnirik. <sup>24</sup> Angerik niñiy, mañgiysek Gor nup angninij angyak, “Nand Biyomb! Semb biyon gay, man biy gay, ñiñ solwara gay, tap yerip yerip mindip okok mañgiysek gaynak. <sup>25</sup> Wosrey Kawnan nand ak basind Depiyt nup gos ñek, minim nip ak angyi angak:

‘Jiwda biynimb gok sek, Jiwda biynimb mer gok sek kaljiwiy, Gor apiyminay yip penpen gun apay ak pen; kuyip apiyminay tap bap giningiy rek ma ayip. <sup>26</sup> Kiyñ miñmon okok nimb gok sek, Jiwda biyomb gok sek minim

ang jimñiy, Gor apiymiñay yip penpen ginjun angyi, minj moka giy mindpay angak.’

<sup>27</sup> Basind Depiyt, minim nip tikak kun ak niñind yimb angyi tikak. Gapman biyomb Herot ak, Ponsis Paylat ak, biynimb okok nimb gunap, Yisrel guniy nimb gunap ap minim ang ar nokom ay; Ñi nip Jiysis nup timey giyak miñmon Jerusalem biy. Bi yikop bap mer; Ñi tep nand Krays nup kun giyak. <sup>28</sup> Pen nind ‘Krays nup kun giniñgambay angnak’ ak mey, yaw angey giyak; yikop ak kun ma gipyap.

<sup>29</sup> “Bapiy yomb. Miñiy chinup minim kilis timey yimb aspay. Pen ak yikop aspay; nand mindpan. Chin biynimb nak yimb. Chinup kond mindenimin, ma pirikiy, minim nand ak biynimb okok kuyip monmon angñinjun. <sup>30</sup> Angñiyiñg, Ñinak suñ-tep ak chin yip nep mindiy, biynimb tap gip gok gon suñ ay, tap mageprek gunap sek ginjun angyak.”

<sup>31</sup> Pen Gor nup kun giy angniñ mindyakniñ, korip mindeyak ak monmon rek diy, Gor Kawnan ak ap kuyip bak ayek, ma pirikiy, Gor minim ak monmon yimb angñiyak.

### *Biyinimb Tap Pikasik Tep Giyak*

<sup>32</sup> Pen biynimb Jiysis nup gosimb niñyak kun gok, minim ar nokom angyi, gos ar nokom niñiy, tap kiyk yerip yerip mindek gok, tap chin asiy angyi ma niñyak; tap chin jimñiy angyi niñyak. <sup>33</sup> Bi Jiysis minim dand amemb gok, kilis giy angyiñgipay, “Jiysis nup ñang ayey kumiy tikjakek, nup niñnuk angyiñgipay.” Gor kuyip direp yimb gak. <sup>34</sup> Kiyk bap tap gunap tikdek



ma mindeyak; maŋgiysek tap mindek. Biynimb mankumb akaŋ korip gunap mindek gok, bap yokiy maniy diyiŋg, dam bi Jiysis minim dand amemb gok kuyip ñiyiŋgipay. <sup>35</sup> Kiy pen diy, biynimb tap ma mindek gok kuyip bilok ñiyiŋgipay. Kun gey mey, biynimb gunap yimgeprek ma mindeyak; tap yerip tikdak ak mindek.

<sup>36</sup> Pen bi Liypay kiñiŋ tik dand amiy tikyak bi bap, yimb nuk Josep. Miñmon nuk Saypras nimb. Bi kun ak nuk minim aŋgñirep giyiŋgip rek, bi Jiysis minim dand amemb gok, nup Banabas aŋgyak. <sup>37</sup> Josep miñmon nuk wikan bap aŋgek tawyakniŋ, maniy kun ak dap bi Jiysis minim dand amemb gok kuyip ñak.

## 5

### *Ananayas Ber Yesek Aŋgrik*

<sup>1-2</sup> Pen biber bap minderik. Nuŋgumiy yimb ak Ananayas, biynuk yimb ak Sapayra. Kiykber mankumb bap yoker, tawyakniŋ, maniy kun ak piskind ak ay piskind ak nuŋgumiy dand amiy, bi Jiysis minim dand amemb onep wimiŋgan ak kuyip ñak.

<sup>3</sup> Pen nuŋgumiy maniy ak kun giy dap ñek, Piyta aŋgak, “Ananayas. Yenen Seytan yip mindiy, yesek aŋgiy apan, ‘Maniy maŋgiysek dand opiyn apan?’ Yesek apan kun ak, yip nep ma apan; Gor Kawnan ak nup kunep apan. Maniy nip mankumb tawpay kun ak, piskind ak weygiy opan. <sup>4</sup> Mankumb kun ak, mankumb nak. Yokniŋ yokpinap; kirginiŋ kirgipnap. Pen yokey maniy tawembiyap; maŋgiysek dand

winiᅅg dand opnap. Piskind ak korip kiringᅅ winiᅅg; kiringᅅ opnap. Nak yesek apan ak, chinup nep ma apan; Gor nup kunep apan anᅅgak.”

<sup>5-6</sup> Piyta kun anᅅgek, Ananayas won kun ak nep pisnep kumiy, apyap lum biyaᅅ pikak. Kun giy kumek, biynimb gok gak kun ak niᅅjiy, jel pirikyak. Pen bi paranj gok apiy, nup chech kom kom giy, dam komyak.

<sup>7-8</sup> Biynuk, nuᅅgumiy nup kumek dam komyak kun ak ma niᅅgak. Nuk yep takiy won bap mindiy apchakek, Piyta nup anᅅgak, “Mankumb nirber ak yoker, yerip yerip tawyak?”

Anᅅgek anᅅgak, “Mey bi ak dand wip rek tawyak anᅅgak.”

<sup>9</sup> Kun anᅅgek, Piyta nup anᅅgak, “Nirber yenen minim ayniᅅ ayniᅅ giy, yesek apiyr? Gor Kawnan ak minim kun ak ma niᅅniᅅgamb anᅅgiy kun apiyr? Niᅅan! Naᅅgumiy kumamb, dam kombay bi gok, mindpay kinjeᅅrumb biy. Nip kunep, dand amniᅅg gispay anᅅgak.”

<sup>10</sup> Kun anᅅgakniᅅ, won kun anep, pisnep kumiy, Piyta tomb anᅅgin siᅅak apyap pikak. Bi paranj tiwin nuᅅgumiy nup dam komyak kun ak apiy niᅅyak; biynuk kunep pisnep kumek, nup dand amiᅅ nuᅅgumiy nup komyak gol siᅅak komyak.

<sup>11</sup> Biynimb Jiysis ker mindeyak gok sek, biynimb yikop gok sek tap gak kun ak niᅅjiy, pirikyak.

### *Tap Mageprek Gunap Keykey Giyak*

<sup>12</sup> Bi Jiysis minim dand amemb onep wimiᅅgan ak, tap mageprek gunap biynimb namb okok giyiᅅg mindeyak. Biynimb Jiysis nup gosimb niᅅyak gok maᅅgiyseᅅ ap nan-giyiᅅgipay; Gor

anḡniḡep korip mis ar “Solomon korip bandak band anḡyḡḡipay ak. <sup>13</sup> Biynimb yikop gok, kuyip niḡey tep gak ak pen, Gor yip mindpay kun ak yergiy am kiy yip yḡḡoḡḡ ḡḡjun anḡiy pirikyak.

<sup>14</sup> Pen minek minek biynimb ḡunap sek Jiysis nup gosimb niḡiy, biynimb nindnimb gok yip ap yḡḡoḡḡ ḡiyḡḡipay.

<sup>15</sup> Jerusalem biynimb bi Jiysis minim dand amemb gok ḡiyak rek niḡiy, biynimb tap gak gok dand kinḡeḡ yomb gol ak apiy, minḡ dam miḡḡan miḡḡan par ay anḡyak, “Piyta pandikek, pumb kawnan nuk ak, kuyip pikniḡeneḡḡamb, suḡ aynḡḡamb anḡyak” <sup>16</sup> Biynimb miḡmon yep maḡ kun okok mindeyak gok kunep: biynimb tap gak gok diy, kichekiy malḡiluk sek mindeyak gok diy, dand wiyak. Dand apeyak, Piyta kuyip gek maḡḡiysek suḡ ayak.

### *Bi Jiysis Minim Dand Amemb Gok Kuyip Kalam-bis Ayak*

<sup>17</sup> Pen Piyta kun gek niḡiy, bi Gor nup sim-boḡḡep yomb yimb ak sek, buḡḡiy nuk Saḡḡiwsiy gok sek bi Jiysis minim dand amemb gok kuyip miluk niḡiy, <sup>18</sup> miḡ ay, dam ḡapman kuyip ḡeyak; kalambis ayak.

<sup>19</sup> Kuyip kun ḡiy dam kalambis ayak ak pen, ḡin kun anep kisyim biyaḡ, Gor anḡek, enjol bap apiy, kinḡeḡ ak yikiy, kuyip anḡek mis amniyak. <sup>20</sup> Amey anḡak, “Nimb Gor anḡniḡep korip ak amiy, biynimb gok kuyip, yerip ḡey Gor gek perper mindeneḡḡambay minim ak, anḡḡinimimb anḡak.” <sup>21</sup> Anḡek, miḡmon tikakniḡ, Gor anḡniḡep korip ak amiy, enjol ak anḡak rek, biynimb gok

kuyip minim angniyak. Kun giy angniyakniņ, Gor nup simbonġep yomb yimb ak binuk gok sek, Jiwda biyomb gunap sek kuyip suk anġek, ap kanjsol miytiņ ak nan-giy, Jiwda poliys gok kuyip anġyak, “Bi Jiysis minim dand amemb kalambis aypun ak, miņiy am poņind owim anġyak.”

<sup>22</sup> Anġeyak, bi Jiwda poliys kun gok amiy niņyak: bi Jiysis minim dand amemb kun gok, ma mindeyak. Kun gek andkind apiy anġyak, <sup>23</sup> “Chin amiy niņbun; kinjeņ ak giņiyak rek mindamb; bi poliys gok kunep kinjeņrumb ak niņmindambay ak pen, kinjeņ yikiy, korip miņgan biyaņ amiy niņbun; bi bap ma yimb mindambay anġyak.”

<sup>24</sup> Kun anġeyak, Jiwda poliys kond mindep yomb ak sek, Gor nup simbonġep yomb gok sek niņiy, yergip anġiy, gos kuņaynep niņyak. <sup>25</sup> Kun giy niņmindyakniņ, bi bap apiy, kuyip anġak, “Bi kalambis aypik gok, kiyk am Gor anġniņep korip miņgan ak mindyiņġ, biynimb gok kuyip minim angnispay anġak.”

<sup>26-27</sup> Kun anġek, Jiwda poliys kond mindep yomb ak, poliys gunap poņind, bi Jiysis minim dand amemb kun gok diniņġ amniyak. Amiy, Jerusalem biynimb chinup kamb jiw pikniņġambay anġiy, kuyip ma anġ giyak; kapkap poņind kanjsol ap nan-gi mindeyak ak wiyak. Poņind apeyak, Gor nup simbonġep biyomb yimb ak kuyip anġak, <sup>28</sup> “Nimbip Jiysis minim ak ma anġnimimb anġiy, kilis giy apun ak pen; anġ mer niņiy kirpun! Nimb Jerusalem biynimb kuyip

manjiysek Jiysis minim ak angniying apim, ‘Kiyk nep nup pikayak angy angnimbim’ angak.”

<sup>29</sup> Kun angek, Piyta binuk gunap yip angyak, “Biynimb minim apay ak ma dingingambun; Gor minim ak dingingambun. <sup>30-31</sup> Jiysis nup mon bak biyon nanjbirik ayenimbik kumak ak pen, apis basind sikop angniyingipay Gor anep gek, tip ak tikjakiy, semb biyon amiy, Nop nin yipund kind okok ken mindip. Kun ak ninbun; nuk nep mey Biyomb chin, chinup Gor ker dingingamb. Nuk chinup Yisrel biynimb simb ninimb ak mey; tap siy tap timey yerip yerip gipun ak kirgiy, nup angnion, chinup dip. <sup>32</sup> Gor gip kun ak ninrep gipun rek, biynimb gok angnimbun. Gor Kawnan ak kunep ninrep giy, minim kun ak rek nep angy angyak.”

<sup>33</sup> Kun angeyak, bi kanjsol ap nan-gi mindeyak kun gok, kaljiwiyy angyak “Kuyip pisnep pikayjun angyak.” <sup>34</sup> Kun angyak ak pen, namb kun ak, bi bap mindek. Yimb nuk ak Gameliyel. Nuk bi Peresiy low tiysa kiyk bap. Jiwda biynimb manjiysek nup ninney tep giyingip. Bi Gameliyel kun ak tikjakiy angak, “Bi tiwin biy kuyip angem mis amey, nimbip minim bap angyin angak.” Kun angek, angy mis yokyaknij, <sup>35</sup> kuyip angak, “Yisrel bi guniy. Kuyip yerer gining gispim ak, gos ninrep giy ginimimb. <sup>36</sup> Nimb ninbim; nind bi Tiyiwdas yand biyomb angy angek mey, minim nuk angyingip ak biynimb kunaynep ninyingipay. Pen kisen gapman biyomb gok nup pisnep pikayeyak; biynimb minim nup ninyak gok, keykey amniyak. <sup>37</sup> Pen kisen, yimb diyak

ñin ak kunep, bi Jiwdas Galiyliy nimb ak angak, ‘Yand biyomb yimb mindpiyn. Minim apiyn rek nep giniᅇgamb.’ Chin gapman gok yip penpen giy, kuyip angyokniᅇgambun angakniᅇ, biynimb kuᅇaynep minim nup kisen giyak ak pen; mind dand amiy, bi kun ak nup ñanᅇyak kumek, biynimb minim nuk anᅇek niᅇyak gok, keykey amniyak.

<sup>38</sup> “Kun ak mey, nimbip aspiyn: bi kor gispun guniy kuyip, gi timey ma ginimimb. Minim kiyk keynep anᅇniᅇgambay ak, yomb giniᅇg rek giy apyowniᅇgamb. <sup>39</sup> Pen Gor nep anᅇek giniᅇgambay ak, kuyip tap bap ginimimb rek ma ayniᅇgamb. Kuyip timey giniᅇg, kiyk yip ma penpen giniᅇgambim; Gor yip penpen giniᅇgambim angak.”

<sup>40</sup> Gameliyel kun anᅇek, angak rek niᅇiy, bi Jiysis minim dand amemb gok kuyip anᅇey apey, miñ diy tapin pikiy, Jiysis minim ak kisen ma yimb anᅇnimimb anᅇiy, kuyip anᅇyokeyak amniyak.

<sup>41</sup> Kiyk pen, chinup yenen kun gipay anᅇiy ma niᅇyak; Gor chinup Jiysis binuk yipund giy anᅇiy gek mey, chinup kun gipay anᅇiy, tep gakniᅇ amniyak. <sup>42</sup> Amiy, minek minek, korip okok amiy, Gor anᅇniᅇep korip mis ar ak amiy, minim tep ak anᅇñiyiᅇg, Jiysis nep mey, Kiyᅇ yomb key yimb ak anᅇyiᅇgipay.

## 6

*Tap Bilok Ñemb Bi Onep Ar Ak Anᅇyak*

1 Pen mind dand amiy, biynimb Jiysis nup gosimb niñyak gok kuñay yimb amek, Jiwda biynimb Griyk minim nep niñyak gok; Jiwda minim yipund giy niñyak gok kuyip anñjiwiñ anñyak, “Biyn yandiw kiyk gok kuyip, maniy keñmanñgiy tap okok bilok ñirep gipay ak pen; yenen biyn yandiw chinup gok kuyip kun ma gipay anñyak.”

2-3 Kun anñgeyak, bi Jiysis minim dand amemb gok, biynimb Jiysis nup chinñgiyak gok manñgiysek suk anñgey apey anñyak, “Mam ay sikop. Chin Gor minim anññimbun ak kirgiy, biynimb gok kuyip tap bilok ñiniñgambun ak, yipund ma giniñgamb. Kun ak, nimb bi onep ar ak niñiy dem, kuyip wong kun ak anñgayjun. Bi yikop gunap ma dinimimb; Bi Gor Kawnan yip mindiy, gosimb niñrep giy, biynimb niñey tep gip gok nep dinimimb.

4 Kun giy dem mey, kuyip tap bilokep wong ar kun ak anñgay, chin pen, Gor nup anñniñying, biynimb gok kuyip minim tep ak anññiñying gi mindeniñgambun anñyak.”

5-6 Kun anñgeyak, niñey kuyip tep gek, bi onep ar ak anñgay, dand bi Jiysis minim dand amemb gok mindeyak ak apey, ñin jun ar ay anñyak, “Gor. Nand bi guniy kuyip kond mindenimin anñyak.” Bi kun gok mey, Stiypin bi Gor nup chinñgiy, Gor Kawnan yip nep mindek ak; Piyliyp ak; Prokoras ak; Naykena ak; Tiymon ak; Pamiynas ak; Niykolas ak. Bi Niykolas kun ak, nuk miñmon Antiyok nimb ak pen; nind Jiwda lotiw minim ar ak kindik giy, kisen Jiysis nup chinñgak. 7 Pen bi Jiysis minim dand amemb gok, kiyk Gor minim ak anññey amnakniñ, Jerusalem biynimb kuñay

yimb nep niñyak. Bi Gor nup simbonjep yomb gok kunep; kuñaynep, Jiysis nup gosimb niñyak.

*Stiypin Nup Dand Kor Amniyak*

<sup>8</sup> Stiypin, bi Gor Kawnan yip mindek ak, tap mageprek gok, biynimb mindyngipay namb okok giyngip. <sup>9</sup> Pen Jiwda bi miñmon keykey okok nimb gunap ap nan-giy, minim ar nokom anjey niñiy kuyip “Priyman” angyngipay. Bi kun gok, gunap Sayriyniy nimb, gunap Aleksandriya nimb, gunap Siyliysiya nimb, gunap Esiya nimb. Kiyk Stiypin gak rek niñiy, nup minim kilis yimb giy angyak ak pen, <sup>10</sup> Gor Kawnan ak nup gos tep yimb ñakniñ, minim yerip angyak ak, gosimb niñrep giy pen kunep anjek, nup pen angningiy rek ma ayak.

<sup>11</sup> Pen kiyk Stiypin nup anj mer niñiy, am bi minim yesek anjep gok kuyip kapkap anjep gey, kiyk apiy angyak, “Chin niñbun; bi biy Mosis minim tikak ak anjjiwi, Gor nup anjjiwi gip angyak.”

<sup>12</sup> Kun anjy, bi low tiysa gok diy, bi kanjsol gok diy, biynimb yikop gok diy simbwur kuyip ak timey gek, Stiypin nup kor gining, dand kanjsol kay mindeyak ak amniyak. <sup>13</sup> Dand amiy, bi yesek anjep gunap sek dand apey, kiyk angyak, “Chin niñbun: bi kun biy per Gor angnjep korip ak anjjiwi, chinup Jiwda kay low minim apun ak anjjiwi gip angyak. <sup>14</sup> Pen nuk minim bap anjek niñnuk ak angak, ‘Jiysis bi Nasaret nimb ak, kisen Gor angnjep korip biy timey giy, Mosis minim anjek gipay ak anjek, kirgiy giningambay angak’ angyak.” <sup>15</sup> Pen bi kun gok, bi kanjsol gok



yip niñmindyakniñ, Stiypin jomluk nup ak, enjol jomluk rek ayak.

## 7

### *Stiypin Kanjsol Kay Kuyip Minim Angak*

<sup>1</sup> Pen bi Gor nup simbonjep yomb yimb ak, Stiypin nup angak, “Minim nip apay kun ak, niñind apay akan?”

<sup>2</sup> Angek, Stiypin angak, “Bapiy mam sikop. Niñim! Basind yes chin Ebrahim, wosrey miñmon Haran ma amnak, miñmon Mesopotemiya nep mindakniñ, Gor Biyomb tep yimb chin ak nup angak, <sup>3</sup> ‘Miñmon nak biy kirgiy, biynimb kanj kayn nak gok kirgiy, miñmon yand nip anğñiniñgayn ak amninin angak.’ <sup>4</sup> Angek, Ebrahim miñmon yomb Kaldiya mindyngip ak kirgiy, miñmon Haran am mindyngip. Kisen nop kumek, Gor angek, ap mindyngip miñmon Jiwda biy. <sup>5</sup> Ñin kun ak, Gor Ebrahim nup, mankumb wikan bap ma angak; yikop ap mindyngip.

“Pen ñin kun ak, Ebrahim ñapan bap ma tikak, yikop nep mindek. Gor Ebrahim nup angak, ‘Kisen mankumb kun biy, nand diniñgamban. Ñapan nand tikenিংgamban tikey amniñgamb gok, mankumb kun biy kunep diy mindeniñgambay angak.’ <sup>6</sup> Pen Gor minim bap angak, ‘Ñapan nand tikenিংgamban tikey amniñgamb gok, am biynimb gunap miñmon okok mindey, kuyip mangiysek miñ ay, timey yimb giy, kalambis wong rek angayey giyakniñ; simiy pow handret (400) yiniñgamb. <sup>7</sup> Biynimb nip gok kuyip kun giniñgambay ak, yand kuyip

timey giniṅgayn. Biynimb nak gok, miñmon kun ak kirgiy, ap yip lotiw gi mindeniṅgambay miñmon biy aṅgak.'

<sup>8</sup> "Pen Gor Ebrahim nup minim bap aṅgay aṅgak, 'Ñapan nand tikeniṅgamban tikey amniṅgamb gok, nimbip maṅgiysek kond mindeniṅgayn ak mey, kumbak tiknimimb aṅgak.' Aṅgek, kisen Ebrahim ñinuk Aysek nup tikiy, ñin onep jiy ak mindiy, kumbak nup ak tikak. Aysek pen Jekop nup tikak. Jekop nund pen, ñi onep wimiṅgan ak kuyip tikek mey, chin Jiwda biynimb kiñiṅ keykey mindpun. <sup>9</sup> Basind kun gok, numam Josep nup niṅey yiruk gek, bi gunap kuyip ñeyak, taw dand miñmon Yijip amniyak. Dand amey, mindrep ma gak ak pen, Gor Josep nup sakiy ma gak; nuk yip nep mindiy, <sup>10</sup> Yijip biyomb Perow nup gos ñek aṅgak, 'Bi Josep biy, niṅrep yimb gip aṅgiy' nup aṅgek, korip tap nup gok sek, miñmon Yijip sek kond mindyṅgip.

<sup>11</sup> "Kisen ñin bap yiwan yomb sikerek ak, miñmon Yijip sek, miñmon Keynan sek apek, basind chin tap keñmaṅgiy piyow niṅiy, ñiṅniṅgiy rek bap ma mindek; gos par yimb ayak. <sup>12</sup> Jekop minim bap niṅak; tap keñmaṅgiy kuṅay mindek miñmon Yijip ak mey, ñinuk sikop kuyip aṅgek, keñmaṅgiy tawniṅ amniyak. <sup>13</sup> Am taw dand apiy, ñimb diy, tip ak pen tawniṅ amniyak. Amjakey, numam Josep kuyip aṅgak, 'Mam sikop, nimb yip an aṅgiy niṅbim? Yand namam nimbik Josep nep aṅgak.' Aṅgek, Yijip biyomb Perow, minim kun ak niṅiy aṅgak, 'Ak Josep numam sikop-ey aṅgak.' <sup>14</sup> Josep pen, bapiy

Jekop, biynimb nuk gok yip kasek winiŋgiy aŋgiy, minim yokek, nop Jekop biynimb ñin jiwiy omiŋal nokom rek diy, yip wiyak. <sup>15</sup> Ap miñmon Yijip mindiy nuk kumak. Mind dand amiy, basind sikop kun gok maŋgiysek kumdiyak. <sup>16</sup> Kuyip komniŋ; dand andkind miñmon Sekem amiy, komyak. Miñmon Sekem kun ak, basind yes Ebrahim, binak Hemow nup tawiy, ñinuk sikop kuyip aŋgak.

<sup>17</sup> “Pen Gor Ebrahim nup nind giniŋgayn aŋgiy aŋgayak rek giniŋ gakniŋ, biynimb chin gok, tikey amiy apiy giy, kuŋay yimb mindeyak. <sup>18-19</sup> Ñin kun ak Yijip biynimb kiyŋ yomb kiyk kisenimb bap diyak. Kiyŋ kun ak, basind Josep nup ma niŋak ak mey, biynimb chinup gok timey yimb giy, minim kilis aŋgek, ñapan kiyk gok tikiy, mis okok yokey, key mindiy kumyiŋgiyapay.

<sup>20-22</sup> “Kun giyak ak pen, ñin kun ak, biber bap ñi tep yimb bap tikiy, yimb nup Mosis aŋgrik. Ñi kun ak nup takin omiŋal nokom, korip miŋgan okok nep weyger mindyiŋgiy. Kisen dam mis akyaŋ ayerik, kiyŋ panuk ak ap nup niŋiy, dand amiy, ñapan yand aŋgiy yimaŋgiyiŋgiy. Nup kun giy yimaŋgiyek yomb gek, Yijip biynimb kiyk yerer giyiŋgiyapay ak, nup aŋgñirep giyak. Nuk bi minim kilis giy aŋgiy, woŋg kilis giy giyiŋgiy.

<sup>23-24</sup> “Pen Mosis simiy nuk kuŋaynep yinek aŋgak, ‘Biynimb yand Yisrel kuyip am niŋiy wiyn aŋgak.’ Pen ñin kun ak niŋak; Yijip bi bap, Yisrel bap yip penpen gerik. Mosis niŋiy, Yijip bi anup pisnep yimb pikayek kumak. <sup>25</sup> Pen, Mosis

gosimb nuk niñak ak: Biynimb yand Yisrel biynimb gok aňgningambay, ‘Gor Mosis nup gosimb ñek, ap chinup kond mindning gisap ak mey; kisen mindrep giningambun aňgningambay aňgiy’ niñak ak pen, gos kun ak rek kiyk ma niñyak.

<sup>26</sup> “Pen minek ap niñak; Yisrel bi ominiñal penpen gerik. Niñiy aňgak, ‘Mam ominiñal. Nir ominiñal penpen gispiyr ak kirgiyr aňgak.’ <sup>27</sup> Aňgek, numam bap Mosis nup diyokiy aňgak, ‘Nip an aňgek, biyomb mindiy, chinup kond mindpan? <sup>28</sup> Toyrik Yijip bi bap pikaynak ak; miñiy pen yip pikayning ap aspan?’

<sup>29-30</sup> “Kun aňgek, bi pikaypiyn kun ak niñbay aňgiy, Mosis pirik miñmon Miydiyen amiy, bi yikop bap rek mindek, simiy ñin jiwiy ominiñal rek yinak. Ñin namb kun ak, nuk biyn diy, ñi ominiñal tikak. Kisen minek bap, am miñmon nep Saynay dum mañ okok mindiy niñak: enjol bap ap mon bind ak mindiy, mon mañlan rek gak. <sup>31-32</sup> Kun gek, Mosis niñiy, tap kun ak yerip gip aňgiy, mañ siñak apiy niñakniñ, Gor aňgak, ‘Nasind yes Ebrahim, Aysek, Jekop, Gor kiyk mey yand nep aňgak.’ Kun aňgek, ‘Ak Gor nep aňgip aňgiy,’ pirikiy kuyangak. <sup>33</sup> Pen Gor Mosis nup aňgak, ‘Yand Biyomb suñ-tep yimb ak; wikan biy opan rek, tomb tirup nand ak tungasikan. <sup>34</sup> Yand niñbiyn: Yijip biynimb gok, biynimb yip Yisrel kay kuyip timey yimb gey, siy apay. Kun ak niñiy, kuyip ap dand amning gispiyn. Nand Yijip amninin aňgak.’

<sup>35</sup> “Gak kun ak mey, bi Yisrel biynimb nup nind, an aňgek chinup kond mindning gispan

angyak ak nep; Gor mon manlan rek giying angek, biyomb kiyk mindiy, kuyip diniņg andkind Yijip amnak. <sup>36</sup> Yijip amiy, tap mageprek gunap kunay yimb nep giy, biynimb nuk Yisrel kuyip dand niņg solwara ‘Likañ’ apay ak, tikiy kind bindon ameyak, tap mageprek gok gi mindyiniņgip. Kun gi mindek, simiy nin jiwiy omiņal yinak. <sup>37-38</sup> Nuk kun okok mindiy, enjol minim angek niņiy, biynimb gok kuyip angniniņgip. Nuk nep mey, minim bap angak, ‘Kisen Gor namam nimbip bap deniņgamb, nimbip Gor minim angnimbiyn rek ak angniniņgamb angak.’

<sup>39</sup> “Nuk Gor minim tep ak chinup mangiysek angnak ak pen, basind chin gok minim angak ak ma niņyak. Kiyk Mosis nup kirgiy, andkind Yijip amnun angiy gos ak niņiy, <sup>40</sup> Mosis numam Eron nup angyak, ‘Namam chinup Yijip nimb dand owak ak, akay amimb ak ma niņbun. kun ak nand tap chin angninjun gunap gayey, chinup kond mindyakniņ, andkind Yijip amnun angyak.’

<sup>41</sup> “Kun angiy, kaw niluk rek bap gay, kuyip tep gakniņ, tap niņemb pik dap simbonņ niyak.

<sup>42</sup> “Kun geyak, Gor kuyip kirgiy angak, ‘Kun gipay ak, pumb, takin, gap gok monmon angninjan angak.’ Nin kun ak kiyk tap kun gok nep angninyak ak mey, bi Gor minim anņep bap, Gor angak rek, buk ak tikiy angak:

‘Yisrel biynimb. Nimb nind simiy nin jiwiy omiņal rek, miñmon nep namb okok tanğyiniņgipim nin ak, kanj kaw siypsiyp tap okok pikiy yip simbonņgipik? Ak yip ma simbonņgipik. Nimb pen tap yesek omiņal,

key gaypik ak angninyingipim. <sup>43</sup> Tap kun ak, bap Molok angyingipim. Bap gap rek gay, Repan angyingipim. Tap gor yesek ominal kun ak nep, ser korip gi dand tanngiy, lotiw gi mindyingipim. Gipik kun ak, yand nimbip angyoken, am kalam-bis mindeningambim miñmon Babiylon bak okok angak.’”

<sup>44</sup> Stiypin kun angyi, minim bap pen angak, “Wosrey basind sikop miñmon nep namb okok mindyingipay ñin ak, Mosis Saynay dum biyon amek, Gor nup minim gunap angyi angak, ‘Sel korip yip gosimb niñngiy bap kun kun giy giniñgiy angek,’ Mosis ap kuyip angek, korip angak kun ak rek giyak. <sup>45-46</sup> Geyak, pernep mindyingip. Pen Mosis kumek, basind Josiwa kuyip ponind, ser korip kun ak dand wiyakniñ, biynimb kind akniy mindeyak gok, ñawil di mindyakniñ, kuyip pisnep yuk yokyak. Ser korip kun ak mindiy, mind dand amiy, kisen kiñ Depiyt, bi Gor niñek tep gak ak, Gor nup angninyi angak, ‘Yand korip nip tep bap gen, chin Jekop ñapan nuk gok ap korip kun ak nip angninjun?’ <sup>47</sup> Angek, Gor angak ‘Mer. Ñi nand Solomon nep korip yip ak giniñgamb angak.’ Angek, kisen ñinuk Solomon Gor angninep korip angak kun ak gak.

<sup>48</sup> “Pen Biyomb Gor tap okok mangiysek gayak ak, biynimb ñin mangiy diy korip giniñgambay ak, nuk ma mindeningamb. Bi Gor minim angep bap minim kun ak angyi angak:

<sup>49</sup> ‘Semb biyon gay, yand mindpiyn. Man biy gay, tomb yand aypiyn. Yip yerip korip tep ak giy,

añiñ ayañ aṅgiy apim? <sup>50</sup> Tap gok maṅgiysek ñin maṅgiy yand ak ma gaypiyn akan aṅgak.”

<sup>51</sup> Stiypin minim kun ak kun giy aṅgiy aṅgak, “Nimb minim ma niñiy, timey yimb nep gipim. Gor Kawnan ak nimbip gos tep ñek niñbikip ak pen, per mer apim. Nasind sikop giyিংgipay rek nep gipim. <sup>52</sup> Nasind sikop bi Gor minim aṅgep gunap kuyip ma kirgiyak, maṅgiysek timey giyak. Gor Ñi tep ak winiṅgamb aṅgyak gok kuyip maṅgiysek pikayak. Nimb pen; Ñinuk tep ak apek, mimuṅ niñiy ñapik. <sup>53</sup> Pen Gor low minim nuk, enjol gok kuyip aṅgek dand wiyak ak, niñiy ma dipik aṅgak.”

### *Stiypin Nup Kamb Diy Pik Ayey Kumak*

<sup>54</sup> Stiypin minim kun ak aṅgakniñ, kuyip milukrimey yimb yapek, meṅ siwbirikiy kaljiwyak. <sup>55</sup> Pen Gor Kawnan ak Stiypin yip mindek ak mey; semb ar biyoñ niñak: Gor melik tep ak sek mindiy, Jiysis bak siñak mindek. <sup>56</sup> Niñiy aṅgak, “Niñim! Yand niñsiyiyn; semb biyoñ miṅgan sek mindip. Gor Ñinuk ñin yipund kind okok ken jakiy mindip aṅgak.”

<sup>57-58</sup> Stiypin kun aṅgek, timund kiyk ak pilgiy, nup minim yomb yimb aṅgiy, maṅgiysek tikjakiy, ap nup chichiy diy, dand mis ayañ ken amniyak. Dand amiy, bi nup minim yesek aṅgyak gok, kaljiwiyy, tiṅgliys kiyk gok tuṅgasik, bi paranj Sol mindek mañ siñak ayey, nuk kond mindakniñ, kiyk Stiypin nup kamb jiw pikyak.

<sup>59</sup> Nup kun giy pikyakniñ, aṅgak, “Jiysis! Kawnan yip ak dan aṅgak.” <sup>60</sup> Kun aṅgiy koṅgim piñiy,

menḡ miḡan dand araniy aḡak, “Biyomb. Yip pikaysipay biy, tap siy tap timey gispay ak niḡiy kirginimin aḡak.” Kun aḡiy kumak.

## 8

### *Biynimb Jiysis Nup Gosimb Niḡyak Gok Miḡmon Okok Amiy, Minim Aḡḡiyak*

<sup>1-3</sup> Stiypin kumek, bi Jiysis nup gosimb niḡyak gunap, simb gek siy aḡyinyḡ, dam komyak. Nup pikey kumak kun ak, binak Sol panj aḡak. Niḡ kun ak, Jerusalem kay, biynimb Jiysis nup gosimb niḡyak gok kuyip, timey ginyḡ nep giyak. Sol nuk korip korip giyinyḡ, biynimb gok kuyip monmon nep pik lipinyḡ dam miḡ ayingip. Kun gek, gunap pirik, Samariya amniyak; gunap pirik miḡmon Jiwdiya tiḡoḡ okok amniyak. Bi Jiysis minim dand amemb onep wimiḡan ak, kiyk Jerusalem nep mindeyak.

### *Piyliyp Minim Aḡḡak Miḡmon Samariya*

<sup>4</sup> Biynimb Jiysis nup gosimb niḡiy, pirik am miḡmon okok mindeyak gok, biynimb kun okok kuyip, Jiysis minim tep ak aḡḡiyak. <sup>5-6</sup> Binak Piyliyp pen, am miḡmon Samariya mindiy, biynimb gok kuyip, Biyomb per kond mindyinyḡipun ak wip aḡiy, aḡḡiyinyḡ, tap mageprek gok gak. Minim nuk yerip yerip aḡak ak, timund pik niḡrep yimb giyak. <sup>7</sup> Biynimb kichekiy malḡiluk sek mindeyak gok, gosimb niḡyan aḡiy, tap kun gok aḡek, wal aḡyinyḡ mis amniyak. Biynimb niḡ tumb kalaw gak gok sek, biynimb niḡ tumb timey gak gok sek gek, suḡ ayak. <sup>8</sup> Kun gek, biynimb maḡiysek miḡmiḡ yimb giyak.



<sup>9</sup> Pen miñmon yomb kun ak, bi bap mindyngip. Yimb nuk Saymon. Nuk kunj giy, tap mageprek gunap giy, yesek angyi angyngip, “Yand biyomb.” Angek, Samariya biynimb gos kuñay yimb niyngipay. <sup>10</sup> Biynimb yimb mindek gok, biynimb yimb ma mindek gok, Saymon minim angak rek nep niñyak. Niñiy angyak, “Bi kal timey kun biy, bi bap key mer; mey biyomb kond mindyngipun anep angyak.” <sup>11</sup> Tap mageprek gok per gakniñ, biynimb gok gos kuñay niñiy; minim angak rek nep niyngipay. <sup>12</sup> Pen kisen Piyliyp apiy, kuyip Gor biynimb diy kond mindeningamb minim tep ak angniyng, Jiysis mey, bi Kiyñ yomb key yimb per kond mindpun ak angek, Jiysis nup gosimb niñiy, ñing pikyak. <sup>13</sup> Saymon kunep, Jiysis nup gosimb niñiy, ñing pikiy, Piyliyp nup kisen gakniñ, nuk tap mageprek gok kuñay yimb nep gek niñiy, Saymon gos par yimb ayak.

<sup>14</sup> Bi Jiysis minim dand amemb onep wimingan ak, Jerusalem mindey, kuyip minim bap angyak, “Samariya biynimb Gor minim niñsipay angyak.” Kun angeyak niñiy, Piyta yip, Jon yip kuyip angyokey, Samariya amnirik. <sup>15-17</sup> Amiy, Gor nup angniy angrik, “Biynimb guniy Jiysis nup gosimb niñyak ak pen, Kawnan nip ak diy ñing ma pikyak angrik.” Kun angyi, kuyip dininyng angrik, “Kawnan nand ak kuyip nokom nokom yokninin anger,” Gor Kawnan nuk ak kuyip keykey yokak.

<sup>18</sup> Kiykmiñay kun giy Gor nup angniner, Kawnan nuk ak biynimb gok kuyip yokak ak, Saymon niñiy, yand kunep ginim angyi, kuyipmiñay

maniy yomying angak, <sup>19</sup> “Gor niripminay kond mindakniņ, biynimb gok yikop diniņer, Kawnan nuk kuyip ker amimb ak, nirip tawiy yand kunep ginim angak.”

<sup>20</sup> Kun angak, Piyta angak, “Gor Kawnan nuk yikop ñimb kun ak, yenen tawning gispan? Maniy kun ak nak yip key kuying yownimun! <sup>21</sup> Wong chir gipur ak nak yip mer. Gosimb nand niņban ak, Gor niņek tep ma gip. <sup>22-23</sup> Yand niņbiyn: gos timey niņban kun ak, nip miñ ay wos gining gisap. Tap siy tap timey ginim angiy gos niņban ak kirgiy, miluk niņban ak kirgiy, Gor nup angniņeningamban, timey yimb gipan kun gok niņiy kirginingamb angak.”

<sup>24</sup> Angak, Saymon angak, “Nirminay biyomb anup angniņer, tap yip ginimun angiy aspiyr kun ak ma ginimun angak.” Angak, angak rek girik.

<sup>25</sup> Pen Piyta yip, Jon yip biynimb okok kuyip, Jiysis kuyipminay yerer gak minim ak angñiy, andkind Jerusalem amning, kinjeņnamb okok amying, Samariya biynimb wikan gunap kuyip, Gor minim tep ak angñiyiņg amnirik.

### *Piyliyp Bi Yitiyopiya Nimb Bap Nup Minim Angñak*

<sup>26</sup> Pen Gor enjol bap apiy, Piyliyp nup angak, “Jerusalem nimb Gasa ambay kinjeņ par ak aminin angak.” <sup>27</sup> Angak, Piyliyp kinjeņ angak par kun ak amiy niņak: biyomb bap, kanj hos liping dand tangip tap band ar ak bisgiy, kinjeņ ar kun ak amek. Bi kun ak nuk, kiwiyn biyn yomb miñmon Yitiyopiya kond mindep ak nup wong giying, maniy nup ak kond mindyigip. Pen

nuk Jerusalem Gor angninep korip ak amiy, lotiw mindiy, <sup>28</sup> andkind miñmon Yitiyopiya amning, Baybol buk band, Asaya tikak ak diy, niñying amek.

<sup>29</sup> Pen Gor Kawnan ak Piyliyp nup angak, “Hos tap band liping dand amjap bak sinak amiy, yip amnimiyr angak.”

<sup>30</sup> Angek, Piyliyp angak rek amiy niñak: biyomb Yitiyopiya nimb kun ak, bi Gor minim angep Asaya buk band tikak ak, niñying amek. Piyliyp niñiy angak, “Buk niñying amjipan kayan ak, minim kiñin ak aspiyn kun angyi niñsipan akan mer?”

<sup>31</sup> Angek angak, “Biynimb gunap yip minim kun ak angñey niñiy rek, niñnim angak.” Kun angyi, Piyliyp nup angak, “Ap ar biy bisgey amnur angak.” Angek, am ar kun ak bisgak. <sup>32</sup> Pen Baybol buk band Asaya tikak kun ak angak:

“Kanj siypsiyp ñiluk pikning; yikop poñind amiy pikpay. Pen kas kuyip gok tikyakniñ, wal ma apay. Kun ak rek nup kunep gey, minim ma angningamb. <sup>33</sup> Tap timey bap ma yimb giningamb ak pen; nup yesek angyi, pikningambay ak, kisen bi an rek mindiy kun kun giyingip angningamb? Nuk ñi pañ gunap tikayek ak, kun apyap angak.”

<sup>34</sup> Asaya minim angyi tikak kun ak niñiy, biyomb Yitiyopiya nimb ak Piyliyp nup angak, “Anup angak? Nuk key akan, biynimb gunap kuyip angak?”

<sup>35</sup> Angek, Piyliyp bi kun anup, Asaya minim tikak kiñiñ kun ak angyi, Jiysis nup minim tep ak anğñirep gak.

<sup>36</sup> Pen kun giy minim anğ dand amyiñg niñrik, ñiñg bap mindek. Bi kun ak Piyliyp nup angak, “Ñiñg mindip biy, yip ñiñg pik ñiniñgamban?”

<sup>37</sup> Angek angak, “Nand Krays nup gosimb niñiy mey, ñiñg pikniñgamban angak.”

Kun angek angak, “Yand niñbiyn; Jiysis Krays mey Gor Ñinuk yimb angak.”

<sup>38</sup> Angek, hos tap lipiñg dand tanğip ar bisgiy aperik ak, hos ak sek kun siñak ay, ñiñg biyañ amiy, Piyliyp bi kun anup, ñiñg pikñak. <sup>39</sup> Kun giy ñiñg pikñiy, kumb biyoñ wirikniñ, Gor Kawnan ak, Piyliyp nup dand wikan bap amek, bi kun ak nup ma niñak. Nuk pen miñiy Jiysis yip mindpiyn angyi, tep gakniñ, Yitiyopiya amnak.

<sup>40</sup> Pen Gor Kawnan ak Piyliyp nup dam miñmon Esdot ayek, biynimb miñmon kun okok mindeyak gok kuyip, Jiysis minim tep ak anğñiyiñg anğñiyiñg, gi dam dam miñmon Sisyariya amjakak.

## 9

### *Bi Sol Jiysis Minim Niñak*

<sup>1</sup> Pen Sol biynimb Jiysis minim niñyak gok kuyip pikayin angyi, per kilis yimb giyiñgip. Minek bap am bi Gor nup simbonğep yomb yimb anup angak, <sup>2</sup> “Yip minj gunap tikñenimin; dand Jiwda nan-gep korip keykey mindip miñmon yomb Damaskas amiy, kuyip ñiniñgayn. Minj kun ak tikiy anğnimin, ‘Nimb biynimb Jiwda nan-gep

korip miñmon Damaskas nimb opim gok, biy-imb Jiysis nup gosimb niñbay gunap mindeningiy ak; Sol nup angem, miñ ay, dand Jerusalem winimuj angyi, tiknimin angak.”

<sup>3</sup> Kun angek, minj keykey tikñakniñ, dand Damaskas mañ mañ gakniñ; melik yomb ak, semb biyon nimb nup niñak. <sup>4</sup> Niñek, Sol kanj hos ar biyon nimb apyap man biyañ pikakniñ, minim bap angak, “Sol! Sol! Yip yenen per pikniñ gipan?”

<sup>5</sup> Angek angak, “Biyomb. Nand an?”

Angek angak, “Yand Jiysis, yip per pikayniñ gipan ak nep nip aspiyn angak.” <sup>6</sup> Kun angyi angak, “Nand tikjakiy, miñmon yomb Damaskas amiy, bi bap ap nip minim angnimuj rek niñiy ginimin angak.”

<sup>7</sup> Pen bi Sol yip wiyak gok, nuk apyap pikakniñ, minim mañgiy anep niñiy, bi nonim ak ma niñiy, gospar ay minim gunap ma yimb angyak.

<sup>8</sup> Nuk kun giy apyap pikiy, tikjakiy niñak; windin nup ak pisnep koy gak. Kun gek, binuk yip wiyak gok, ñin kind nup ak diy, poñind Damaskas amniyak. <sup>9</sup> Nup kun giy windin koy gek; ñiñg, keñmañgiy tap gok ma ñimbiy, ñin omiñal nokom, yikop nep mindek.

<sup>10</sup> Pen bi bap miñmon kun ak mindek. Yimb nuk ak Ananayas. Nuk day niñak; Jiysis nup angak, “Ananayas!”

<sup>11-12</sup> Angek, Jiysis angak, “Sol bi miñmon Tasas nimb ak, day niñimb: nup am diniñamban, windin koy gak ak suñ ayip. Nuk miñiy yip angninyiñg mindip Jiwdas korip ak. Kun ak

nand kinjen ‘Yipund’ apay ak amiy, Jiwdas korip amjakiy kuyip angnimin, ‘Sol nup niñning aswiyn angnimin’ angak.”

<sup>13</sup> Jiysis kun angek, Ananayas angak, “Biyomb. Yand niñbiyn: biynimb kuñay yimb nep apay, ‘Bi Sol kun ak biynimb nip ker mindpay gok kuyip, per timey yimb gip miñmon Jerusalem apay.’

<sup>14</sup> Nuk miñiy wip biy, yikop ma wip: biyomb Gor nup simbonqipay gok, minim kuyip ak niñiy, chin lotiw mindiy yimb nip apun gok, miñ ayin angiy wip angak.”

<sup>15</sup> Ananayas kun angek, Jiysis angak, “Amninin apiyn kun ak, ma pirikninin. Bi kun anup wong gunap pisnep angaypiyn. Nuk minim tep yip ak Yisrel biynimb guniy angñiy, biynimb okok kuyip angñiy, biyomb gunap angñiy, giningamb. <sup>16</sup> Pen yand gen nup añin yapiy, miker yomb diyin, wong kun ak giningamb angak.”

<sup>17</sup> Pen Ananayas kun giy day niñiy, Jiwdas korip ak amiy niñak: Sol mindek. Nup diniñyng angak, “Mam Sol. Bi Jiysis kinjenamb misen gek niñnak ak, yip angyokamb aswiyn. Windin ak tip niñiy, Gor Kawnan ak kunep dinimin angak.” <sup>18</sup> Kun angakniñ, tap anoy band rek windin nup yiwgiy mindek ak, waniñgyowakniñ, day windin niñak. Won kun anep, Ananayas Sol nup ñing pikñak. <sup>19</sup> Pen Sol ñin omiñal nokom yikop kinak rek; tap ñimbek nup giy angak.

### *Sol Minim Angñak Miñmon Damaskas*

Pen Sol nuk Jiysis biynimb nuk gok yip Damaskas mindiy, <sup>20</sup> Jiwdas nan-gep korip okok

tanġiy, Jiysis minim ak, biynimb gok kuyip anġñiy anġak, “Jiysis, Gor Ñinuk yipund giy yimb anġak.”

<sup>21</sup> Kun giy anġñek, niñiy jiw di giyiņg anġyak, “Bi biy mey, biynimb Jiysis nup gosimb niņyak gok kuyip girimey giyiņgip miñmon Jerusalem rek? Miñiy gunap sek miñ ay, dam Jerusalem biyomb gok kuyip ñiyn anġiy wip rek ayip anġyak.”

<sup>22</sup> Sol Jiysis minim anġ dand amiy, bi kiyņ yomb key per kond mindyiņgipun ak mey, Jiysis nep anġiy, yipund giy yimb nep anġek, bi Jiwda Damaskas mindeyak gok, minim bap pen anġniņgiy rek ma ayak.

<sup>23</sup> Pen kisen mind dand amiy, Jiwda kay ap nan-giy, minim anġ ar nokom ay anġyak, “Sol nup pikayjun anġyak.” Minim anġyak kun ak Sol niņak.

<sup>24-25</sup> Miñmon yomb kun ak, kamb wariy nep gi kus kus giyak ak mey, kinjeņ tam tanġyiņgipay tanġyiņgipay gok, Sol nup ñanġun anġiy, pumbnamb kisyimken ñiluk ay mindyiņgipay. Kun geyak minek bap, kisyimken biyaņ Sol minim anġek bi minim nup niņyiņgipay gok, nup wand miņgan yomb ak yiņgiy, miñ tiwniņgiy, lipiņg wiyndiw miņgan biyoņ nimb lum biyaņ yokeyak, pirik amnak.

### *Sol Jerusalem Am Mindek*

<sup>26</sup> Pen Sol Jerusalem amiy, biynimb Jiysis ker mindeyak gok yip jimñiy mindon anġek, kiyk niñiy, bi biy Jiysis nup ma chingip; chinup pikayniņg nep wip anġiy, pirikyak. <sup>27</sup> Kun geyak Banabas, Sol nup dand, bi Jiysis minim dand amemb gok mindeyak ak amiy, kuyip anġak, “Bi

kun biy nup niñiy ma piriknimimb. Minim tep chin niñbun rek niñimb. Minek bap miñmon Damaskas amning, kinjeñnamb ak amek, Jiysis misen giy nup minim gunap angek niñak. Kisen am Damaskas biynimb kuyip, ma pirikiy, Jiysis minim tep ak monmon yimb anğñak anğak.”<sup>28</sup> Banabas kun angek, Sol nup deyak, kiy yip Jerusalem mindiy, Jiysis minim tep ak ma pirikiy, monmon yimb anğñak. <sup>29</sup> Pen bi Jiwda, Griyk minim angyak gok, nuk yip penpen anğ amiy apiy giy, pisnep pikayun anğiy gos ak niñyak. <sup>30</sup> Pen bi Jiysis nup gosimb niñyak gunap, minim kun ak niñiy, nup poñind dam Siysariya amiy, yokey miñmon nuk Tasas amnak.

<sup>31</sup> Ñin kun ak, miñmon Jiwdiya, Galiyliy, Samariya, biynimb Jiysis nup gosimb niñyak gok, mind tep giy, Gor minim ma kirgiy; direp yimb ginjun angyak. Gor Kawnan ak, kuyip kond mindakniñ, mindrep giy, biynimb kuñaynep Jiysis nup diyak.

### *Piyta Yiniyas Nup Gek Jak Amnak*

<sup>32</sup> Piyta biynimb Jiysis nup gosimb niñyak gok, miñmon keykey niñranğiyngip. Kun giy niñranğiy, minek bap biynimb Jiysis nup gosimb niñyak gok kuyip, niñiyn anğiy miñmon Liyda amnak. <sup>33</sup> Miñmon kun ak, bi ñin tomb kalaw gek, minj ar nep kin mindek simiy yin jiy ayak bap mindek. Yimb nuk Yiniyas.

<sup>34</sup> Piyta bi kun anup anğak, “Yiniyas. Tap nip gip ak, Jiysis gek suñ ayningamb. Jakiy, minj ak par tep gan anğak.” Kun anğakniñ, nup suñ ayek, <sup>35</sup> giranğakniñ, Liyda biynimb gok sek,



Saron biynimb gok sek nup niñyak rek, Jiysis nup gosimb niñyak.

*Tabiyta Kumek, Piyta Gek Tip Tikjakak*

<sup>36</sup> Pen Piyta miñmon Liyda nep mindakniñ, biyn Jiysis nup gosimb niñak bap kumak, yep miñmon yomb Jopa. Biyn kun ak yimb nuk Tabiyta. Pen Griyk minim angyi, nup Dokas angyak. Nuk biynimb okok kuyip kond mindrep giy, biynimb simbgeprek gok kuyip wonḡ giñiyiñgip. <sup>37</sup> Biyn kun ak kumek, nup ñiñḡ pikñiy dam ayak korip miñḡan ar akyoñ. <sup>38</sup> Biynimb Jiysis nup gosimb niñyak gok, minim bap niñyak; Piyta ap mindek miñmon Liyda. Kiyk niñiy, bi ominal yokey, amiy anḡrik, “Nand chir yip kasek apey amnun anḡrik.” <sup>39</sup> Anḡerik, Piyta tikjakiy, kiyminay yip Jopa amiy, nup poñind Tabiyta kumek, dam ayak korip ar biyoñ amniyak. Pen biyn kañil ap mindeyak gok, biyn kumak kun ak, nind kim mindyiñḡ chech tap kuyip yikop ñiyiñgip gok, Piyta nup yomyiñḡ, siy angyak. <sup>40</sup> Nuk pen biynimb ap mindeyak gok kuyip, anḡ mis biyan yokiy, koñgim yimiy, Gor nup anḡniñiy, tuñḡandikiy Tabiyta nup niñyiñḡ anḡak, “Tabiyta. Tikjakan!” Anḡek, Tabiyta Piyta nup niñiy, tikjakiy bisgak. <sup>41</sup> Piyta ñin kind nup ak diy, di jakñiy, am biyn palpal gok sek, biynimb Jiysis nup gosimb niñyak gok sek kuyip, anḡek apey, “Tabiyta biy anḡak.”

<sup>42</sup> Pen Piyta kun gek, minim kun ak Jopa biynimb mañgiysek niñiy, biynimb kuñaynep, Jiysis nup gosimb niñyak. <sup>43</sup> Pen Piyta nuk miñmon Jopa kun ak, bi kaw wak wonḡ giyiñḡip bap yip,

ñin gunap tapin mindyĩngipiy. Bi kun ak yimb nuk Saymon.

## 10

### *Enjol Bap Ap Bi Konliyas Nup Minim Angak*

<sup>1-2</sup> Pen bi amiybi gok kuyip kond mindyĩngip biyomb bap, miñmon Siysariya mindyĩngip. Yimb nuk ak Konliyas. Amiybi nuk kond mindyĩngip gok kuyip “Yitaliy amiybi,” angyĩngipay. Biyomb Konliyas kun ak, biynimb korip nup ap mindyĩngipay gok yip, Gor nup lotiw giyĩngipay. Nuk Jiwda biynimb tap gunap ma mindek; manyi tap gok monmon ñiyĩngip. Pen nuk Gor nup minek minek angninyĩngip.

<sup>3</sup> Minek bap pumb kuyim gak won ak, day niñak: Gor enjol bap yokek apiy angak, “Konliyas!” <sup>4</sup> Angek, pirikiy angak, “Biyomb. Yip yenen angak.”

Angek, enjol ak nup angak, “Nand Gor nup angninying, biynimb simbgeprek gok kuyip tap monmon ñiying gipan ak; nip sakiy ma gip.

<sup>5</sup> Nand bi gunap angey, am miñmon Jopa amiy, bi Saymon Piyta apay ak nup, am angey winimuñ.

<sup>6</sup> Nuk Saymon, bi kaw wak wonñ gip ak yip mindpiyr, ñing solwara gol ak angak.”

<sup>7</sup> Pen enjol ak minim kun ak angyi amnakniñ, Konliyas bi nup wonñ giñirik ominal ak sek, amiybi Gor nup gosimb niñak bap sek angek apeyak, <sup>8</sup> kuyip enjol ak minim yerip yerip angak ak angñi tep giy, angyokek, Jopa amning sanđiyak.

<sup>9</sup> Am am kinjeñnamb ak kinyak. Minek am am, pumbnamb yomb yoñ won ak, miñmon

Jopa maŋ maŋ giyak. Won kun ak Piyta, Gor nup angninŋing amnak, korip miŋgan ar biyoŋ. <sup>10-11</sup> Amiy, Gor nup angnin mindakniŋ, nup yiwan yomb yimb ak gak. Pen biynimb nuk gok, tap dangiy giyakniŋ, nuk day niŋiy niŋak: semb biyoŋ miŋgan yikiy, wand yomb bap kun biyoŋ nimb lum biyaŋ owak. <sup>12</sup> Wand miŋgan kun ak kanj, kimin, yakir, siyŋ, saraw, Jiwda biynimb ma ñimbay tap gok keykey kuŋaynep mindek.

<sup>13</sup> Minim bap pen angak, “Piyta. Tikjakiy tap ñiŋemb kun kayaŋ gok pik dangiy ñiŋan angak.”

<sup>14</sup> Angek, pen angak, “Biyomb. Mer! Yenen ñiŋan angyi apan? Chin Jiwda biynimb tap asik kun gok ma ñimbun angak.”

<sup>15</sup> Angek, minim kun ak tip angak, “Tap yerip yerip yand gen suŋ mindip gok, asikep angyi ma angnimin angak.”

<sup>16</sup> Day niŋak kun ak, tip ak niŋiy, tip ak niŋiy gak. Kisen mey, tap wand yomb kun ak, andkind semb biyoŋ amnak. <sup>17-18</sup> Kun gek, Piyta “Day niŋbiyn kun ak yerginiŋgamb angyi,” gos kuŋay niŋmindakniŋ, bi Konliyas yokek nup angninŋ wiyak bi kaw ak, kinjenrumb ak amjakiy angyak, “Bi Saymon, yimb nuk bap Piyta apay ak, biy mindip akan angyak.”

<sup>19-20</sup> Pen Gor Kawnan ak Piyta nup angak, “Bi omiŋal nokom, yand key angen, nip piyowsipay ak; kuyip gos kuŋay ma niŋiy; biyaŋ amiy, kiy yip minim angnimimb angak.”

<sup>21</sup> Angek, biyaŋ amiy, kuyip niŋiy angak, “Bi piyowniŋsipim ak mey, yand nep. Yip minim bap angninŋ opim?”

<sup>22</sup> Angek angyak, “Biyomb Konliyas, amiybi gok kuyip kond mindip ak, chinup angyokek opun. Nuk Gor nup gosimb niyek, Jiwda kay nup niyey tep gip. Nuk day niyak: enjol bap apiy nup angak, ‘Nand bi gunap yokey, am Saymon Piyta nup ponind apey, minim angnimun ak niynimimb angak.’ Enjol ak kun angek mey, Konliyas niyiy, chinup angyokek aswun angyak.”

### *Piyta Konliyas Korip Amnak*

<sup>23-24</sup> Kun angey, Piyta kuyip angek korip mingan amiy kinyak. Minek Piyta, bi Jopa nimb Jiysis nup gosimb niyyak gunap diy, Konliyas yokak biriwin ak yip am am kinjenamb ak kinyak. Minek mey, Siysariya amjakiy, Konliyas korip ak amniyak. Pen Konliyas nuk Piyta asaw angyi, biynimb nuk gok sek, numiy numam nuk gok sek kuyip suk angek ap nan-giy mindeyak.

<sup>25</sup> Piyta amiy, korip mingan amning gakniy, Konliyas nup tep gek, am tomb kiñiy siyak kongim yimak. <sup>26</sup> Kun gek, Piyta nup di jakñiy angak, “Yand Gor mer; yand bi yikop nen, Jakan angak.”

<sup>27</sup> Angek jakakniy, minim angying korip mingan biyan amnirik. Amiy, Piyta niyak: biynimb kuñaynep ap nan-giy mindeyak.

<sup>28</sup> Niyyiy, kuyip angak, “Nimb key niybim: chin Jiwda biynimb gok asik tep gipun. Korip miñmon gunap ma ambun sek; Jiwda mer gok yip yingong giy ma tapun. Pen yand day niynik; Gor yip minim bap angak ak mey, biynimb gunap asiy mindipay angyi, kuyip asiknim rek ma ayip.

<sup>29</sup> Kun ak niyyiy mey, Konliyas minim angyip ak

ninjiy ma kirpiyn; anjip rek ninjiy opiyn. Kun ak yip yergining anjem opiyn?”

<sup>30</sup> Piyta kun anjek, Konliyas anjak, “Yand menikarik namb sinjiy pumb kuyim gip won biy rek, korip mingan biyan Gor nup angnin mindyng ninjik: bi chech tund yimb yimak bap, ap mindenik sinjak misen giy anjak, <sup>31</sup> ‘Konliyas. Nand Gor nup angninying, maniy tap gok biynimb yimgeprek gok kuyip monmon nimb an, Gor ninimb. <sup>32</sup> Kun ak mey, bi gunap angyokey, miñmon Jopa amiy, bi Saymon yimb nup bap Piyta apay ak, ponind wininjiy. Nuk Saymon, bi kaw wak wong gip ak yip mindpiyr solwara gol ak anjak.’

<sup>33</sup> “Enjol ak yip kun anjek, yand kasek bi yand gunap anjenik, nip am ponind apey mey, yip tep gip. Biy Gor yip mindpun rek, minim kuyip angnimin anjiy nip anjip ak, chinup anjey ninjun anjak.”

### *Piyta Konliyas Biynimb Nup Gok Kuyip Minim Anjanak*

<sup>34</sup> Konliyas kun anjek, Piyta anjak: “Yand miñiy ninbiyn. Gor chinup Jiwda nep diyn anjiy gos ak ma ninimb; biynimb miñmon okok manjiysek dinjamb. <sup>35</sup> Miñmon okok manjiysek, biynimb an siskoy diy, minim nup dinjambay gok kuyip dinjamb. <sup>36</sup> Pen Gor chinup Yisrel biynimb dinjng, minim tep anjak ak ninjim. Nund yip jimñiy mindeyan anjiy, biyomb chin kond mindyngipun Jiysis Krays nup yokek owak. Nuk nep mey, biynimb okok manjiysek Biyomb chin yipund giy yimb mindip.

<sup>37</sup> Nimb key niñbim! Wosrey, Jon bi ñiñg pikñemb ak ñiñg pikñiyiñg, minim tep kun ak kiñiñ giy angak miñmon Galiyliy. Kun giy angek, anğ dand amiy, anğ dand amiy, biynimb Jiwdiya mindpay gok mañgiysek niñyak. <sup>38</sup> Pen niñbim! Bi Jiysis miñmon Nasaret nimb apun ak; Gor yip mindiy Kawnan nuk ak nup yokek kond mindakniñ, miñmon okok tangiy, biynimb yikop gok direp giyiñg, biynimb Seytan gek kosyam mindeyak gok kuyip gek, suñ ayak.

<sup>39-40</sup> “Pen Jiysis, Jiwda miñmon okok giranğiy, miñmon yomb Jerusalem giranğiy gak gak rek, chin key niñnuk rek aspiyn. Nup mon kiros bak biyoñ ñanğbirikayey kumak ak pen, ñin omiñal nokom mindiy, Gor gek tip tikjakiy, ap misenğ gek niñnuk. <sup>41</sup> Biynimb mañgiysek nup ma niñyak; Gor chinup biynimb nuk niñayak gok nep, Ñinuk nup yomek misenğ niñnuk. Chin mey nuk kumiy tikjakek, yip jimñiy tap ñiñnuk. <sup>42</sup> Chinup angak, ‘Minim tep yand ak biynimb okok kuyip anğñirep giyiñg anğnimimb. Kisen Gor angek, Ñinuk Jiysis, biynimb kumyak gok sek, biynimb kim min-deninğambay gok sek kor niñningamb. <sup>43</sup> Pen ar kun ak, bi Gor minim anğep gok mañgiysek angyak, “Krays nuk apiy giniñgamb rek Nop biynimb nup gosimb niñningambay gok kuyip tap siy tap timey gipay ak wiykyokniñgamb’ angyak.” ”

### *Jiwda Mer Gunap Gor Kawnan Ak Diyak*

<sup>44</sup> Pen Piyta kun giy minim anğ mindakniñ, Gor Kawnan ak kuyip bak ayek, <sup>45-46</sup> Gor yimb nup dand aranyiñg, minim yimb keykey angyak. Kun geyak, bi Jiwda Jiysis nup gosimb niñiy, Piyta yip

wiyak gok niñiy angyak, “Gor Kawnan nuk ak, biynimb Jiwda mer guniy kuyip monmon yokek ap bak ayek, minim keykey yimb aspay angyak.” Piyta pen angak, <sup>47</sup> “Gor Kawnan chinup yokak rek ak, miñiy biynimb guniy kuyip kunep yokip. Kun ak ñiñg pikniñg angey, biynimb gunap kuyip mer angninñiy rek ma ayip angak.” <sup>48</sup> Kun angyi, binuk gunap angek, Jiysis ker mindpay angyi, kuyip ñiñg pikñeyak angyak, “Piyta! Ñin kaw bap chin yip mindenimin angyak.” Angeyak, ñin kaw bap, kiy yip mindek miñmon kun ak.

## 11

### *Piyta Jerusalem Amek Nup Minim Angyak*

<sup>1-3</sup> Pen Piyta biynimb Jiwda mer gok kuyip, Gor minim ak angnek diyak kun ak, bi Jiysis minim dand amemb gok sek, biynimb Jiysis ker mindeyak gok sek niñyak. Kun ak kisen Piyta Jerusalem amek, Jiwda bi kumbak tikniñgiy angyiñgipay gok, nup kuñay angyi angyak, “Nand yenen amiy, biynimb kumbak ma tikpay gok yip tap jimñiy ñimban?”

<sup>4</sup> Kun angeyak, Piyta Jopa mindiy, day niñak kesim ak kuyip angniyiñg angak, <sup>5</sup> “Yand miñmon yomb Jopa mindiy, Gor nup angnin mindiy, day niñnik: wand yomb yimb ak semb biyon nimb yip ker owak. <sup>6</sup> Apek, yand wand kun ak mindek mañ siñak amiy niñnik: siyñ saraw, yakir kimin, kanj kayn, tap chin Jiwda kay ma ñimbun gok, mañgiysek mindek. <sup>7</sup> Minim bap pen semb ar biyon nimb apiy, yip angak, ‘Piyta! Nand tap kun gok pik ñiñan angak.’ ”

<sup>8</sup> “Angek, pen angnik, ‘Biyomb. Mer! Yand tap kun gok asik tep giy, ma ñimbiyn angnik.’

<sup>9</sup> “Angen, minim kun ak tip angak, ‘Gor tap yerip yerip gek suñ ayip gok, tap asikep angyi ma angnimin angak.’ <sup>10</sup> Day niñnik ar kun anep, tip ak niñiy, tip ak niñiy ginik. Pen kisen tap wand yomb kun ak, tip ak semb biyoñ amnak. <sup>11</sup> Won kun ak, bi omiñal nokom korip chin mindonuk ak apchakyak. Bi kun gok biyomb Konliyas, miñmon Siysariya nimb ak angyokek, yip poñdining wiyak. <sup>12</sup> Gor Kawnan ak yip angak, ‘Gos kuñay ma niñnimin, kiy yip monmon amninin angak.’ Kun angek, yand mam Jiysis minim niñbay kaw biy kuyip diy, kiy yip Konliyas korip ak amninuk. <sup>13</sup> Amjakon, Konliyas angak, ‘Enjol bap apiy yip angak, “Bi gunap angenimin, miñmon Jopa amiy, bi Saymon Piyta apay ak nup poñind apey, nip Jiysis minim tep ak angniningamb. <sup>14</sup> Gor nuk biynimb korip nand yip mindpim gok mangyisek dek, biynimb nuk mindeningambim angak.” Enjol ak kun angek mey, nip suk angen opan angak.’

<sup>15</sup> “Konliyas yip kun angek, yand kiñiñ giy minim angnikniñ, Gor Kawnan nuk ak chinup nind yokak rek, biynimb kun gok kuyip kunep yokek, <sup>16</sup> Jiysis chinup angak minim ak gos niñnik. Nuk angak, ‘Jon nimbip yikop ñiñ band anep ñiñ pikñak; pen mañ mindip, Gor nimbip Kawnan nuk yipund giy ak yokningamb angak.’ <sup>17</sup> Pen chin Biyomb Jiysis Krays nup gosimb niñnuk ñin ak, Gor Kawnan nuk ak chinup yikop yokak rek, kuyip kunep yokak. Kun ak yergiy, Gor nup kirgan apnip angak.”



18 Piyta kun angek, bi nup kunay angyak gok ninjy angyak, “Gos nand key ninjy, biynimb Jiwda mer gok kuyip ker ma amninak. Gor kuyip diniņ, nip angek amninak ak, minim ma mindip angyak.” Kun angy, Gor nup tep angyiņ angyak, “Chinup nep mer; biynimb Jiwda mer gok kunep: yenen tap siy tap timey gipun angyi, nup angnineniņgambay, kuyip gek perper mindeniņgambay angyak.”

### *Antiyok Biynimb Jiysis Minim Ninjak*

19 Pen Stiypin nup pikayak ñin ak; Jerusalem biynimb Jiysis nup gosimb ninjak gok, pirik keykey amniyak. Gunap pirik Saypras amniyak; gunap Piniysiya amniyak, gunap Antiyok amniyak. Amiy, Jiysis minim tep ak biynimb Jiwda mer gok kuyip ma angniyak; Jiwda biynimb jiw am kun okok mindyngipay gok kuyip nep angniyak. 20 Pen biynimb Gor nup gosimb ninjak gok gunap Saypras nimb, gunap Sayriyniy nimb pirik miñmon Antiyok amiy; Jiysis minim tep ak, Jiwda biynimb sek, Jiwda mer gok sek kuyip angniyak. 21 Jiysis kiy yip mindakniņ, minim angneyak mey, biynimb kunaynep, nind niņyngipay ar ak kirgiy, Jiysis nup gosimb ninjak.

22 Pen Jerusalem biynimb Jiysis nup gosimb ninjak gok, minim kun ak ninjy, bi kiyk Banabas nup angey Antiyok amnak. 23-24 Nuk bi tep, Gor Kawnan nup bak ayek, Gor angyip rek nep giniņgamb angyi niņyngip ak mey, Antiyok amjakiy niņak: Gor biynimb Jiwda mer kun gok yip nep mindek ninjy, nup tep gakniņ, kuyip

minim gunap sek anğñirep giyiņg anğak, “Gor nup dipim ak, ma kirginimimb; nup chingiy nep mindenimimb anğak.” Kun giy anğñakniņ, biynimb kuņaynep, Jiysis nup gosimb niņyak.

<sup>25-26</sup> Banabas pen, Sol nup am dand wiyn anğiy, miñmon Tasas amiy piyow niņiy, poņind and-kind apiy, simiy nokom kun ak, biynimb Jiysis nup gosimb niņyak gok kuyip, Gor minim tep ak anğñiyiņg minderik. Antiyok biynimb yikop gok, biynimb Jiysis Krays nup gosimb niņyak gok kuyip niņiy anğyak, “Krays biynimb nuk” anğyak.

<sup>27</sup> Ñin kun ak, bi Gor minim anğep Jerusalem nimb gunap, Antiyok wiyak. <sup>28</sup> Apey, Gor Kaw-nan ak bi kiyk Anğabas nup gos ñek anğak, “Yiwan yomb yimb ak, miñmon biy maņgiysek giniņg gisap anğak.” Anğek, anğak rek yiwan yomb sikerek ak, gapman biyomb Kilodiyas kond mindyiņgip ñin ak owak. <sup>29</sup> Kun giy yiwan yomb gakniņ, Antiyok biynimb Jiysis nup gosimb niņyak gok, anğyak, “Mam ay chin Jiwdiya mind-pay gok, yiwan mindpay rek, chin nokom nokom kuyip maniy gunap ñinjun anğyak.” <sup>30</sup> Kun anğiy, maniy ay nan-giy, Banabas yip Sol yip kuyip ñiy anğyak, “Dand amiy, biyomb Gor minim anğñimbay gok kuyip ñer; kiy pen, biynimb gok kuyip bilok ñiniņgiy anğyak.”

## 12

*Herot Jemis Nup Pik Ay, Piyta Nup Kalambis Ayak*

<sup>1-2</sup> Ñin namb kun ak, gapman biyomb Herot, Krays ker mindeyak biynimb gunap kuyip timey

giyng, dam kalambis aying gak. Amiybi nuk gok kuyip angek, Jon numam Jemis nup, baynat diy pisnep pinij ayey kumak. <sup>3</sup> Herot angek kun geyak, Jiwda biynimb gok tep angyi ninyak. Pen kun giy ninyak rek, Herot Piyta nup kunep angek, di kalambis ayak. Giyak kun ak, Jiwda biynimb biret yiys sek ma ñimbay ñin namb sinjak giyak. <sup>4</sup> Herot Piyta nup kun giy dam kalambis ay, amiybi onep jiy piskind ak kuyip bilok tingawip tingawip ay, pumbnamb kisyimken kond nep mindenimimb angak. Herot gos nuk ninjak ak; pasopa ñin ak apiy pandikek ker, kisen nup dand biynimb mindeningambay namb ak amiy, kor giningambun angyi ninjak. <sup>5</sup> Pen Piyta kun giy kalambis mindakniñ, biynimb Jiysis nup gosimb ninyak gok, nup nen angyi, Gor nup angnij mindeyak.

<sup>6</sup> Pen gapman biyomb Herot nup kor ginim angyi ninjak ñin ak; kisyimken biyan nup sen omiñal tiwningiy, amiybi omiñal bindoñ bindoñ niñmindrikniñ, Piyta namb biyan kinek. Amiybi gunap mis akyan mindiy, kinjenrumb ak niñmindeyak. <sup>7</sup> Pen Gor enjol bap angyokek mon melik rek gakniñ, kalambis korip miñgan ak amnak. Amiy, Piyta nup pik niñiy angak, “Kasek tikjakan!” Angek tikjakakniñ, sen nup tiwningiyak ak wisikak. <sup>8</sup> Enjol ak nup angak, “Simbnang nand ak pongay, sendol ak ay gan angak.” Angek, angak rek gek; enjol ak angak, “Chech paryomb ak ayey amnur angak.”

<sup>9</sup> Angek, chech paryomb nuk ak ay, korip miñgan mindek ak kirgiy, enjol ak yip sanjirik.

Enjol gak kun ak, Piyta nuk angninjak-en, “Ak day ninšipiyn angyi ninjak.” <sup>10</sup> Pen amiybi ninmindeyak kinjenrumb ominal ak silgiy, kinjen kilis timey mis biyan ak key yikakniñ, mis amnirik. Amiy, kinjenamb okok amying, Piyta ninjak; enjol ak ma mindek. <sup>11</sup> Kun gek, ninjiy angak, “Miñiy ninrep gispiyn. Ak Bapiy yomb nep, enjol nuk ak angyokek, ap gapman biyomb Herot yip miñ kilis ayip ak wisikip. Gapman biyomb Herot sek, Jiwda biynimb gok sek tap yip gining gipay ak, giningiy rek ma ayip angak.”

<sup>12</sup> Kun angyi, gos kun ak ninrep giy, binak Jon Mak nonim Mariya korip ak amnak. Korip kun ak biynimb kunaynep apiy, Gor nup angnin mindeyak. <sup>13</sup> Piyta apiy, kinjen ak pik giygiw gek, pañ Ronda, korip kun ak wonğ giyngip ak, kinjen ak yikning owak. <sup>14</sup> Apiy ninjak, Piyta meñg miñgan anep angek ninjiy, miñmiñ yimb giyng kinjen ak sakiy giy ma yikak; am biynimb gok kuyip angak, “Piyta ap mindip mis bikyan angak.” <sup>15</sup> Angek angyak, “Nip sakiy ayamb aspan angyak.” Kun angeyak, kilis yimb giy angak, “Yesek ma apiyn. Niñind yimb apiyn. Piyta mindip mis bikyan angak.” Angek, “Ak kawnan nuk ak rek ayip angyak.”

<sup>16</sup> Pen kinjen ak tip pik giygiw gek, am kinjen ak yikiy ninjak; Piyta nep ap mindek ninjiy, wal yimb angyak. <sup>17</sup> Wal angyakniñ, kuyip ñin tung milich giy angak, “Ma yimb angnimimb angak.” Kun angyi, kalambis korip mindek, Gor enjol bap yokek apiy, nup yerer giy dand owak minim ak, kuyip anğñiy angak, “Nimb Jemis nup anğñiy, bi

Jiysis ker mindpay gunap kuyip anğñiy ginimimb; yand wikan bap key amjipiyn anğiy,” amnak.

<sup>18</sup> Minek miñmon tikakniñ, amiybi gok Piyta ma mindek niñiy, yergip anğiy anğ apran apyan gi mindeyak. <sup>19</sup> Gapman biyomb Herot, kun ak niñiy, nup kasek piyow niñiy dand wim anğek, piyow mer niñeyak; kuyip kor giy anğek, amiybi kun gok kuyip pisnep yimb pik ayak.

### *Herot Kumak*

Kisen gapman biyomb Herot Jiwda kirgiy, am Siysariya mindyngip. <sup>20</sup> Mindiy, Taya biynimb gok sek, Saydon biynimb gok sek niñek, nup miluk yowak. Pen Taya-Saydon biynimb ap bi Herot korip nup kond mindep, Blastas nup siy anğiy anğyak, “Chinup per yiwan gek, ap Herot miñmon nuk biy, keñmanğiy taw dand ambun sek. Kun ak chinup miluk ma niñnimuñ; kapkap jimñiy mindenjun anğyak.” Anğeyak, bi Blastas kun ak anğak, “Ak niñind apim anğak.”

<sup>21-22</sup> Herot minim kun ak niñiy, ñin bap minim anğniñgayn anğiy anğayak. Ñin kun ak apek; bi kiyn kay aypay chech tep tep yimb gok ay siya kiyn yomb nuk ar ak bisgiy, biynimb gok kuyip minim anğñek anğyak, “Ak bi rek ma asap, gor rek bap asap anğyak.” <sup>23</sup> Pen Gor nup kirgiy, yimb nuk ak key dand aranak rek, Gor enjol bap yokek, ap nup gek tap yomb giy, kisow ayek kumak.

<sup>24</sup> Pen Gor minim ak anğñey amnakniñ, miñmon okok kind kind amnak. <sup>25</sup> Banabas yip Sol yip Jerusalem mindiy, giniñ orik ak gindipur anğiy, Jon Mak nup poñind andkind Antiyok amniyak.

# 13

## *Banabas Yip Sol Yip Minim Anjning Amnirik*

<sup>1</sup> Miñmon Antiyok kun ak, bi Gor minim anjep gunap, bi Gor minim anjñiyngipay tiysa gunap mindeyak. Bi kun gok mey, bap Banabas; bap Sol; bap Simiyon. Bi Simiyon kun anup bi mosimb anjyngipay. Bap mey, Liwsiyas. Nuk miñmon Sayriyniy nimb. Bap Maneyen, nuk mey biyomb Herot buñgiy nuk ak. <sup>2</sup> Pen bi Gor minim anjñemb kun gok, tap ma ñimbiy, Gor nup nep anjñiñ mindyakniñ, Gor Kawnan ak kuyip angak, “Nimb Banabas yip, Sol yip kuyip anjenimimb, wong kuyip anjnik ak ger amnimun angak.” <sup>3</sup> Kun anjek, tap ma ñimbiy, Gor nup nep anjñiñ mindiy, Banabas yip, Sol yip kuyip diniñiy, bilesiym giyng, Gor nirniñay yip mindeniñgamb anjgiy anjyokeyak; <sup>4-5</sup> Gor Kawnan ak kuyip kond mindakniñ, binak Jon Mak nup wong chinup siskoy gunap ginimun anjgiy ponjind, Seliwsiya biyan amiy, siyip diy, miñmon ñiñg timb kuskak Saypras amniyak. Amiy, miñmon yomb Seliwsiya amiy, Sol yip, Banabas yip Jiwda nan-gep korip gok amiy, biynimb gok kuyip Gor minim anjñirik.

<sup>6-8</sup> Pen biynimb miñmon kun okok, Gor minim anjñi dam dam; miñmon yomb Pepos amjakyak. Miñmon Pepos kun ak, gapman biyomb kiyk ak yimb nuk, Sesiya Polas. Bi kun ak nuk bi gos kind yimb anjgiy niñyngip. Nuk Banabas yip, Sol yip kuyip, yip Gor minim tep ak anjer niñiyn anjgiy, anjek apiy, minim tep ak anjñirik. Anjñer niñiy, buñgiy nuk Jiwda nimb, kunj tap gok nep giyng,

‘Yand bi Gor minim anǵep anǵyinqip ak anǵak,’  
 “Bi ominǵal kun ak, minim aspiyr ak ma dinimin  
 anǵak.” Bi kun ak yimb nuk Bajiyis. Pen Griyk  
 minim anǵiy, Eliymas anǵyak. Eliymas anǵyak  
 minim kiñiñ ak; koyimb sek anǵiy anǵyak.

<sup>9</sup> Sol nup yimb bap mey, Pol anǵyinqipay. Gor  
 Kawnan ak Pol nup gos tep ñakniñ, Bajiyis  
 nup niñyinjsek aymindiy anǵak, <sup>10</sup> “Nip kichekiy  
 tikak; timey nep gipan. Gor minim tep apay ak  
 ma nep niñban. Tap yerip yerip tep mindip ak  
 kirgiy, biynimb gok kuyip tom nep gipan. Yerip  
 ñin ak niñningamban? <sup>11</sup> Kun gipan ak Gor gek,  
 ñin kaw bap windin koy giy nep mindeningamban  
 anǵak.”

Pol minim kun ak anǵakniñ, Eliymas niñak;  
 semb gach rek band bap, ap windin nup ak  
 yiwgak. Kun gek, bi bap yip kinjeñ yomañ anǵiy,  
 tuñgrirkoy gakniñ, <sup>12</sup> gapman biyomb Sesiya  
 Polas niñiy, wal yimb anǵiy, Jiysis nup gosimb  
 niñak.

### *Miñmon Antiyok Yimb Along Bap Pen Amnirik*

<sup>13</sup> Pen Pol binuk gok yip siyip diy, Pepos kirgiy,  
 miñmon Pega, Pampiyliya propens ak amniyak.  
 Am mindiy, Jon Mak nuk, kuyipmiñay kirgiy,  
 andkind Jerusalem amnak. <sup>14</sup> Kiyk pen Pega  
 kirgiy, miñmon Antiyok, Pisiydiya propens ak  
 amnirik. Am mindiy, Jiwda lotiw ñin ak apek,  
 Jiwda nan-gep korip ak amiy, bisiñ mindrikniñ,  
<sup>15</sup> bi lotiw kond mindyinqipay gok tikjakiy, Mosis  
 minim tikak gunap, bi Gor minim anǵep tikyak  
 gunap, riytiym giy, ap Pol yip, Banabas yip  
 kuyip anǵyak, “Mam ominǵal. Biynimb guniy

ninđiningiy rek minim ar gunap mindonimuņ; kuyip anđñinimiy anđyak.”

<sup>16</sup> Anđeyak, Pol tikjakiy minim anđning, ñin dand araniy anđak, “Nimb Jiwda biynimb gok sek, Jiwda biynimb mer gok sek Gor nup niņem tep gip gok, minim anđning gispiyn biy, timund pik niņmindenimimb. <sup>17-18</sup> Chin Jiwda biynimb miñiy mindpun biy, wosrey apis basind chinup gok, Gor niņek tep gek anđak, ‘Biynimb kun gok rek diniņayn anđak.’ Kun anđiy kuyip dak ak mey, kisen kiyk miñmon Yijip am mindeyak, kuyip kond mindrep gek; ñi pañ gay, kuņay yimb mindeyak. Ñin kun ak, biyomb Perow kuyip ma amningiy anđak ak pen, Gor tap mageprek gunap giy, kuyip dand miñmon nep namb Saynay owak. Kiyk keñmanđiy tap gok nen, yiruk marik anđyningipay ak pen; kuyip kond mindrep gek, simiy yin ñin jiwiy, andikiy ar piskind ak amnak. <sup>19</sup> Pen kisen kuyip dap miñmon Keynan biy, miñmon onep ar ak wikan keykey ayniņg, apis basind sikop kuyip kond mindek, biynimb nind mindeyak gok gunap pik ay, gunap yuk yokiy, ap tip kun ak diyak.

<sup>20</sup> “Kiyk Yijip mindey simiy yinak ak ñin paņgiy, miñmon nep namb okok mindey simiy yinak ak ñin paņgiy, biynimb yuk yokiy, miñmon kun ak diyak simiy yinak ak kunep ñin paņgiy gey mey, simiy yin ñin jiwiy onep tiņgawip piskind rek amnak.

“Pen Gor kuyip dap miñmon kun okok ay, bi minim tuņgasikep gunap anđayek, kuyip kond mindyningipay. Kisen bi minim nup anđep Samwel mindek ñin ak, <sup>21</sup> kiyk anđyak, ‘Chin



kiyŋ, biyomb miñmon chinup maŋgiysek kond mindeningamb bap dinjun angyak.’ Angeyak, Gor binak Kiys ñinuk Sol nup angyak, kiyŋ kiyk mindyŋgip. Nup Benjamin kiñiŋ ak tik dand amiy tikyak. Nuk kuyip kond mindek, simiy yin ñin jiwiy, andikiy onep ar piskind ak amnak. <sup>22</sup> Pen kisen Gor Sol nup kirgiy, Jesiy ñinuk Depiyt nup dek, kiyŋ mindiy, kuyip kond mindyŋgip. Kun giy kond mindakniŋ, Gor angak, ‘Jesiy ñinuk Depiyt bi tep yimb; apiyn rek nep giningamb angak.’ <sup>23</sup> Kun angyi kisen angak, ‘Yand gen, Depiyt tikek tik dand amiy tikningambay bi bap, Yisrel biynimb biyomb kiyk mindiy, kuyip di Gor yip jimñiy ayingamb angak.’ Angek mey, Jiysis Krays nup tikeyak; angak rek nep gak.

<sup>24</sup> “Pen Jiysis Krays tikjak wong ma gak ñin ak, Jon bi ñiŋg pikñemb ak ap Yisrel biynimb kuyip angak, ‘Gor nup yenen timey gipun angyi, tap siy tap timey gipim ak kirgem, nimbip ñiŋg pikñiningayn angak.’ <sup>25</sup> Jon biynimb okok kuyip Gor minim anğni dand amiy, kisen ñin bap angak, ‘Nimb yip an angyi gos niñbim? Biyomb per kond mindpun ak mey, wip angyi niñbim? Yand biyomb yimb kun ak mer; Nuk kisen winingamb. Yand bi tep mer; tomb tirup nup ak tungasikyŋg, tap nup gok marik ginim rek ma ayip angak.’

<sup>26</sup> “Pen nimb Ebrahim kiñiŋ ak sek, biynimb okok nimb Gor nup anğniñbim gok sek Jiysis chinup angyi kumak minim ak, minim chin yimb.

<sup>27</sup> “Jerusalem biynimb gok sek, biyomb kiyk gok sek minek minek Jiwda nan-gep korip ak amiy, Krays kisen winingamb angyi tikyak minim

ak, niñrep giyak ak pen; Jiysis apek, biyomb chin per kond mindpun ak, mey wip biy angyi nup ma kirgiyak; nind bi Gor minim angyep gok nup pisnep pik ayniñgambay angyak rek nep giyak.

<sup>28</sup> “Nuk tap timey bap gip akan angyi, piyow mer niñyak ak pen; gapman biyomb Paylat nup angyak, ‘Nup ñanğbirik aynimin angyak.’  
<sup>29</sup> Angyey, nup dam mon kiros bak ak ñanğbirik ay, bi Gor minim angyep gok giniñgamb angyi angyak rek nep giyak. Pen kun giy geyak, biynimb nuk gok ap nup tunğasik dam kamb miñgan ak komey,  
<sup>30</sup> Gor gek tip ak tikjakiy, <sup>31</sup> kim mindakniñ, Galiyliy biynimb nuk yip Jerusalem wiyak gok, nup minek kuñaynep niñyak rek, Yisrel biynimb gok kuyip anğney niñsipay.

<sup>32-33</sup> “Miñiy mindpun namb biy, Jiysis nup gek tip tikjakip minim tep ak, nimbip aspur. Pen minim kun ak kisenimb mer; Gor wosrey apis basind sikop kuyip angyek, kond mindyiñgipay minim anep aspur. Baybol buk day sam namba tiw apay ak tikiy angyak,

‘Ñiyand. Yand miñiy Nap nand mindpiyn angyip’ angyak.

<sup>34</sup> “Gor anğak kun ak, Ñinuk kumek, tip gek tikjakak ak mey, kisen kumiy kuyiñg yownimur rek ma ayip. Gor Ñinuk Jiysis nup gek pisnep tikjakniñgamb minim ak anğniñg anğak: ‘Yand Depiyt nup; kuyip direp giniñgayn angyi minim anğaynik rek, nimbip giniñgayn anğak.’

<sup>35</sup> “Ar kun ak nep mey, baybol buk ‘Sam’ apay ak, minim gunap tikiy angyak:

‘Ni suŋ-tep nand, nip woŋg giñimb ak, ma kuyiŋg yowniŋgamb; nand gey tip tikjakniŋgamb aŋgyak.’

<sup>36</sup> “Pen nimb gunap aŋgniŋgambim, Gor minim aŋgyi tikyak kun ak, Depiyt nup aŋgyi tikyak aŋgniŋgambim ak pen; Depiyt nup aŋgyi ma tikyak. Depiyt Gor nup gosimb niŋiy aŋgak rek, biynimb nup gok kuyip woŋg giñi dand amiy kumek, nop nusind sikop kuyip komyiŋgipay okok dam komeyak, kuyiŋg yowak. <sup>37-38</sup> Kun ak mam ay sikop niŋim! Depiyt nup ma aŋgyak, bi aŋgyak kun ak kumek, Gor gek tikjakak ak mey, ma kuyiŋg yowak. Bi kun ak Jiysis nup nep aŋgyak. Kun ak mey, Gor tap siy tap timey gipim ak niŋiy kirginiŋgamb aŋgyi, nimbip aspur. <sup>39</sup> Chin Jiwda low minim ar anep niŋiy goniŋgambun; Gor tap siy tap timey gipun ak niŋnep mindeniŋgamb. Pen Jiysis nup gosimb niŋoniŋgambun; tap siy tap timey ginuk ak, niŋiy kirgiy, ‘Biynimb suŋ-tep yand gok aŋgniŋgamb.’ <sup>40</sup> Pen nimb bi Gor minim aŋgep gok, wosrey aŋgyak rek ginimimb rek ayip ak, niŋrep ginimimb. Kiyk aŋgyak:

<sup>41</sup> ‘Biynimb niŋiy sik nep apim gok niŋim! Nimb mindpim won biy, tap giniŋgayn ak nimbip nind aŋgñembiyap, “Yesek apay” apkip rek ayip. Kun ak gos kuŋay niŋyiŋg kumnimimb aŋgyak.’ ”

<sup>42</sup> Pol yip, Banabas yip minim kun ak aŋgyi mis amnirikniŋ, biynimb gok aŋgyak, “Lotiw ñin kisen ak tip apiy, chinup minim kun ak gunap sek aŋgñinimiy aŋgyak.” <sup>43</sup> Jiwda nan-gep korip

ak kirgiy, keykey amniyakniņ, Jiwda biynimb yipund giy gunap, biynimb okok nimb, Jiwda biynimb niņyak rek niņyak gok gunap Pol yip, Banabas yip kuyip kindik giy amniyak. Kinjeņnamb ak amyiņg, kuyip aņgrop giy aņgrik, “Gor chinup simb niņimb rek dip aņgiy, gos ak niņyiņg nep mindenimimb aņgrik.”

<sup>44</sup> Jiwda lotiw ñin kisen ak, biynimb miñmon yomb kun ak mindeyak gok maņgiysek rek, Gor minim niņniņg ap nan-giyak. <sup>45</sup> Kun geyak, Jiwda biyomb gok Pol yip, Banabas yip kuyip niņey, milukrimey yimb yapek, biynimb gok kuyip minim yerip yerip aņgrik ak aņgiwiy, kuyipmiņay aņgiwiy giyak.

<sup>46</sup> Kun giy aņgiweyak, Pol yip, Banabas yip kuyip aņgrik, “Minim kun ak, nimbip Jiwda biynimb nind aņgep rek ak apur ak pen; nimb key permindep ma diniņgambun apim ak; miñiy Jiwda biynimb mer gok kuyip aņgñiniņgambur. <sup>47</sup> Kun ak, Gor wosrey aņgek tikyak rek giniņgamb. Nuk aņgak:

‘Yand apiyn ak mey, nimb Jiwda biynimb gok, Jiwda mer gok kuyip melik kiyk ak mindiy, minim yip ak miñmon okok maņgiysek aņg ñem mey; biynimb minim yip niņiy diniņgambay gok kuyip, di yand yip jimñiniņgayn aņgak.’ ”

<sup>48</sup> Jiwda mer gok minim kun ak niņeyak, kuyip tep yimb gek, Gor minim nuk ak tep yimb aņgyak. Kun ak biynimb Gor perper mindeniņgiy aņgiy niņayak gok maņgiysek, nup gosimb niņyak.

<sup>49</sup> Pen Jiysis minim ak, miñmon Antiyok okok maņgiysek tapin nep amnakniņ, <sup>50</sup> Jiwda biyn-

imb gok kuyip miluk yapek, am Antiyok biyomb, biynyomb Jiwda lotiw wiyak gok kuyip angeyak, kiy am biynimb kunaynep dand apiy, Pol yip, Banabas yip kuyip timey giy, angyokyak. <sup>51</sup> Angyokeyak, miñmon Antiyok kun ak kiring amning, biyn bi guniy minim ak dand apor ma ninbay angyi, tomb silkul gok pipal piker yapek, miñmon Aykoniya amnirik. <sup>52</sup> Pen Antiyok biynimb Jiysis nup gosimb niñyak gok, Gor Kawnan ak yip mindiy, miñmiñ yimb giyng mindyngipay.

## 14

### *Banabas Yip Pol Yip Aykoniya Tangerang*

<sup>1</sup> Banabas yip, Pol yip am Aykoniya mindiy, Jiwda nan-gep korip ak amiy, minim angrep gerik, Jiwda biynimb diy, Jiwda biynimb mer gok diy, kunaynep Jiysis nup gosimb niñyak.

<sup>2</sup> Pen Jiwda biynimb gunap angyak, “Minim kiyminay apiyr ak ma dingingambun angyi,” am Jiwda biynimb mer gok kuyip angey, biynimb Jiysis nup gosimb niñyak gok kuyip, miluk niñyak.

<sup>3</sup> Pen Banabas yip, Pol yip minim kun ak niñiy, miñmon kun ak ma kiring amnirik; mindyng Gor minim tep ak angñiyngipiy. Gor kuyipminay kond mindakniñ, tap mageprek gunap gerik, biynimb Jiwda mer gok niñiy, minim aspiyr kun biy, niñind yimb nep aspiyr angyi niñyak.

<sup>4</sup> Pen Aykoniya biynimb kun gok, asik keykey ay; pis bap Banabas yip, Pol yip minim angrik rek niñyak, pis bap, Jiwda biynimb angyak rek niñyak.

<sup>5</sup> Pen, Jiwda biynimb gok, Jiwda biynimb mer gok, biyomb kiyk gok sek Banabas yip, Pol yip kuyip timey giy, kamb jiw pikayun angyiy gos ak niñyak. <sup>6-7</sup> Kiykmiñay pen minim kun ak niñiy, pirik miñmon Liystra Debiy, Likoniya propens ak amiy, kun okok giranğyinq, Gor minim tep ak anğñirik.

*Bi Tomb Timey Gak Ak Suñ Ayak*

<sup>8-10</sup> Pen miñmon Liystra kun ak, bi bap nonim nup tikak ñin anep tomb timey gak bap mindek. Bi kun ak nuk ap bising mindyinq, Pol minim anğakniñ, niñmindek. Pol bi kun ak nup niñiy, bi kun biy Gor yip gek suñ aynıngamb angyiy niñmindip rek ayip angyiy, nup niñyinq, meñg miñgan dand araniy anğak, “Jakan!” Anğek, tikjakiy amnak.

<sup>11</sup> Pol kun gek, biynimb niñmindeyak gok wal angyiy, minim yimb kiyk Likoniya minim ak angyiy anğyak, “Bi semb biyon nimb gok, biyimb rek ay, ap aspiyr biy anğyak.” <sup>12</sup> Kun angyiy, Pol nup anğyak, “Ak bi minim anğep Hemis, per anğniñbun ak wip anğyak.” Banabas nup pen anğyak, “Ak bi Sus, lotiw korip giy per anğniñbun ak wip anğyak.” <sup>13</sup> Tap Sus angyiy anğniñyinqipay kun ak, lotiw korip nup ak gayak dawin gol kun ak mey, bi lotiw yesek kond mindep kun ak, bi Sus per anğniñbun ak miñiy wip biy angyiy, makaw anlam gunap diy, mon sum tep tep gunap diy dand apek, biynimb kuñay yimb nep wiyak. <sup>14-15</sup> Pen Pol yip, Banabas yip giyak kun ak niñiy, chirup Gor rek kun gispay angyiy, chech kiyk gok tuñgralikiy, biynimb kuñay mindeyak namb kun

ak amiy angrik, “Chirminay gor mer! Biynimb yimb yipund giy. Pen Gor Biyomb yimb tap okok mangiysek gayak ak, minim tep nup ak dand aswur. Nuk semb biyon gay, man ar biy gay, ning solwara ak gay gak. Chir minim tep nup ak angor, tap yikop angninbim gok kirgiy, Gor permindep ak nup, ang ninmendenimimb angyi nimbip aspur. <sup>16</sup> Pen wosrey tikiy, Gor biynimb miñmon keykey okok, yerer giyak ak, minim ma angak. <sup>17</sup> Pen nimbip kirgek, yikop yimb ma mindpim; Minek minek nimbip direp giyng; gek miñmon pikiy, tap keñmangyi kunay mindakniñ, miñmiñ gipim. Kun ak biynimb akay akay nuk mindip angyi niñning, misen niñningambay angrik.”

<sup>18</sup> Kun angrik ak pen, biynimb kun gok bi ominal biy semb biyon nimb opiy angyi, kaw anlam gunap pik simbonñ ñining geyak, kosyam ang ang kuyip mer angrik.

### *Pol Nup Kamb Jiw Pikyak*

<sup>19</sup> Pen kiyminay miñmon Liystra kun ak nep mindrikniñ, Jiwda biynimb Antiyok Pisiydiya propens mindyngipay gunap, Aykoniyam mindyngipay gunap ap, biynimb kun gok kuyip yesek angyi angyak, “Minim tep ma aspiyr. Yesek aspiyr angyak.” Kun angeyak, biynimb kun gok niñiy, Pol nup kamb jiw pikay, pisnep kumimb angyi, liping dam kamb wariy giyak ak taw akyañ ken yokyak. <sup>20</sup> Yokeyak, biynimb Jiysis nup gosimb ninyak gok, ap piñiy kus kus geyak, Pol tikjakakniñ, nup tip ak ponjind dawin yomb mingan biyañ amniyak.

*Banabas Yip Pol Yip Andkind Antiyok Siyriya Amnirik*

Minek, Banabas yip, Pol yip Liystra kirgiy, miñmon Debiy amnirik. <sup>21</sup> Amiy, Jiysis minim tep ak biynimb gok kuyip aᅅᅅnerik, biynimb kuᅅaynep Jiysis nup gosimb niᅅyak. Pen kiyk-miᅅay nind opur ar anep amjur aᅅiy, andkind Liystra, Aykoniyam, Antiyok Pisiydiya propens ak amyᅅᅅ; biynimb nind Jiysis minim aᅅer niᅅyak gok kuyip, tip ak aᅅᅅirep giyᅅᅅ amnirik. <sup>22</sup> Pen aᅅᅅrep giyᅅᅅ aᅅᅅrik, “Jiysis minim ak ma kirginimimb; nup gosimb niᅅbim rek nep niᅅnimimb. Kun gem, nimbip miker ᅅiningambay ak pen; kosyam mindpun aᅅiy gos ak ma niᅅnimimb; Gor chinup diy kond mindeningamb aᅅiy kilis giy gem amnimuᅅ aᅅᅅrik.” <sup>23</sup> Kun aᅅᅅᅅᅅᅅ, biyomb kuyip miñmon keykey kun gok kond mindeningiy gunap aᅅay, kiymiᅅay tap ma ᅅimbiy, Gor nup aᅅᅅniᅅᅅᅅ aᅅᅅrik, “Biynimb guniy, nip gosimb niᅅbay rek, kuyip kond mindenimin aᅅᅅrik.”

<sup>24</sup> Kun giy Pisiydiya propens okok taᅅiy, andkind ap Peka, Pampiyliya propens ak amiy; <sup>25</sup> Gor minim ak biynimb kun gok kuyip aᅅᅅᅅiy, miñmon Ataliya amnirik.

<sup>26</sup> Amiy, siyip diy; Antiyok Siyriya propens nind mindiy wirik ak andkind amnirik. Kiyk nind amniᅅᅅ gerik, Antiyok biynimb Jiysis nup gosimb niᅅyak gok, Gor nup aᅅᅅniᅅiy aᅅᅅyak, “Minim tep nand ak biynimb okok kuyip aᅅᅅᅅᅅᅅ amjipiyr rek, kuyipmiᅅay kond mindrep ginimin aᅅiy, kuyip miᅅay aᅅᅅyokey, am Aᅅᅅeyak, minim kun



ak angñi tanğyınğipiyr. <sup>27</sup> Kun ak andkind Antiyok apiy, biynimb Jiysis nup gosimb niñyak gok kuyip suk anğer, apeyak anğrik, “Nimb chirup, Gor nup anğniñ mindnimbikniñ mey, Gor chirup kond mind tep gakniñ, Jiysis minim tep ak angñi tanğor; biynimb Jiwda mer gok kuñaynep Jiysis nup gosimb niñbay anğrik.” <sup>28</sup> Kuyip kun giy angñiy, kiy yip tapin mindyınğipiyr.

## 15

### *Jerusalem Ap Nan-giy Minim Anğyak*

<sup>1</sup> Pen Jiwda bi Jiysis nup gosimb niñyak gunap, Jiwdiya nimb apiy, bi Jiwda mer Jiysis nup gosimb niñyak gok kuyip anğyak, “Basind Mosis chinup Jiwda biynimb gok anğak, ‘Gor binuk mindniñ, kumbak tiknimimb anğak.’ Kun ak nimb kun ma giniñgambim ak, Gor binuk ma mindeniñgambim anğyak.”

<sup>2</sup> Pen Pol yip, Banabas yip minim ak yipund ma gip anğiy, kiy yip penpen yimb anğ amniyak. Kun geyak, Antiyok biynimb Jiysis nup gosimb niñyak gok anğyak, “Bi gunap yokon, Pol yip, Banabas yip Jerusalem amiy, bi Jiysis minim dand amemb gok sek, bi lotiw kond mindpay gok sek minim anğ amiy apiy giy, ap anğey chin niñjun anğyak.”

<sup>3</sup> Kun anğiy, kuyip yokyakniñ, am am Piniysiya propens namb ak amyiñ, biynimb Jiysis nup gosimb niñyak gok kuyip anğyak, “Miñmon okok biynimb Jiwda mer gok kunep, Jiysis nup gosimb niñsipay anğyak.” Kun anğeyak, kuyip tep gak. Miñmon Piniysiya kun ak kirgiy, Samariya amiy, kuyip minim kun ak rek nep anğeyak, kiyk kunep

nin̄ey tep gak. <sup>4</sup> Pen Samariya kirgiy, Jerusalem amjakeyak, bi Jiysis minim dand amemb gok sek, Jiysis biynimb nuk gok kuyip kond mindeyak bi gok sek, biynimb Jiysis nup gosimb nin̄yak yikop gok sek kuyip nin̄iy an̄gyak, “Mam sikop aswim an̄gyak.” An̄geyak, Banabas yip, Pol yip pen an̄grik, “Gor chin̄ yip tan̄giy mey, minim tep an̄gñon; biynimb miñmon okok kuñaynep Jiysis nup gosimb niñsipay an̄grik.”

<sup>5</sup> Kun an̄gerik, bi Peresiy Jiysis nup gosimb nin̄yak gunap an̄gyak, “Biynimb Jiwda mer gok, Jiysis nup gosimb niñsipay ak, kumbak tikiy Mo-sis an̄gak an̄gak rek giy, Gor biynimb nuk yipund giy mindeniñgambay an̄gyak.”

<sup>6</sup> Kun an̄geyak, Jiysis biynimb nuk gok kuyip kond mindep bi gok sek, bi Jiysis minim dand amemb gok sek minim kun ak an̄grop gun an̄giy ap nan-giyak. <sup>7</sup> Ap nan-giy, minim an̄g dam namb pikyinq, Piya tikjakiy an̄gak, “Mam sikop. Nimb niñbim: Gor chinup won̄g keykey an̄gip rek, wosrey Jiwda mer gok an̄gem niñniñgiy an̄giy, yip an̄gek, am kuyip minim tep nup ak an̄gñinik.

<sup>8</sup> “Gor gos timund chinup man̄giysek niñimb ak, chinup Jiwda diy, Jiwda mer gok kuyip ma kirgip; Kawnan nuk chinup yokak rek, kuyip kunep yokak. <sup>9</sup> Chinup minim bap key an̄giy; kuyip minim bap key an̄giy ma gip. Chinup man̄giysek minim ar nokom an̄gak ak mey, nup gosimb niñon; tap siy tap timey gipun ak niñiy kirgip rek, kuyip kunep gip.

<sup>10</sup> “Gor kuyip pisnep dip kun ak, nimb yenen, Gor chinup yerip ginimun̄ an̄giy nembnemb

giyিং apim, ‘Mosis minim sikoy angak angak rek ma giniņgambay ak, kuyip ma diniņgamb apim?’ Asik mosik girep giniņgiy apim kun ak, apis basind sikop gi mer niņyak. Chin kunep gi mer niņbun ak pen, nimb tip ak aspim. <sup>11</sup> Jiysis chinup simb niņiy kumak rek, Gor chinup diy, biynimb okok kuyip diy gip angak.”

<sup>12</sup> Pen biynimb ap mindeyak gok, minim bap angiy mer, kapkap mindeyak; Banabas yip, Pol yip angrik, “Chir biynimb okok kuyip minim tep ak angñi tangyিং, Gor tap mageprek gunap kun kun giy gak angrik.”

<sup>13</sup> Pen minim kiyminay ak angjiwrikniņ, Jemis tikjakiy angak, “Mam sikop. Minim yand angning gispiyn biy niņim! <sup>14</sup> Gor biynimb Jiwda mer okok kuyip gunap nind dak minim ak, Piyta mindarik nimbip angip. <sup>15</sup> Biynimb Jiwda mer gok kuyip dak kun ak, bi Gor minim angep gok wosrey angiy tikyak rek nep gak. Minim kun ak tikiy angyak:

<sup>16-17</sup> Biyomb ak angip, ‘Wosrey Jiwda kay nusind kiyk Depiyt mindek ñin ak, kuņaynep mindrep giyak ak pen; miñiy yip kirgiy, gos kiyk key niņbay ar ak nep gipay. Kun ak, kisen yand biynimb miñmon okok mangiysek diniņg gipiyn gok kuyip den, gos yip ak niņningambay. <sup>18</sup> Tap yerip yerip kisen giniņgamb ak niņbiyn ak mey, kun aspiyn angip’ angyak.”

<sup>19</sup> Jemis minim kun ak angiy angak, “Biynimb Jiwda mer gok, Jiysis nup gosimb niņsipay ak, kuyip tap asik mosik gep gok kuņay mindip angiy ma angjun! <sup>20</sup> Kuyip yikop minj tikyokiy

anġjun: ‘Biynimb gunap gor yesek gunap sin-bonġning, kimin kanj tap okok pikeningiy, ma ñiñnimimb. Kimin kanj tap gok, likañ ak ma ñiñnimimb. Kuñam tunġwikey kumek, likañ sek mindeningamb rek ma ñiñnimimb. Kuñam tikem, likañ amdek nep ñiñnimimb. Pen biyn siy bi siy ma ginimimb anġjun anġak.’ <sup>21</sup> Yenen, chin Jiwda asik mosik gipun minim Mosis tikak ak, wosrey anġeyak niñbay. Miñiy kunep miñmon okok mañgiysek, lotiw ñin ak ap Jiwda nan-gep korip ak nan-giy, minim Mosis anġiy tikak ak anġey niñbay anġak.”

*Biynimb Jiwda Mer Gok Kuyip Minj Tik Yokyak*

<sup>22</sup> Jemis kun anġek, Jiysis biynimb nuk gok kuyip kond mindeyak bi gok diy, bi Jiysis minim dand amemb gok diy, biynimb yikop Jiysis nup gosimb niñyak gok diy mañgiysek anġyak, “Antiyok biynimb kuyip minj bap tikiy, biyomb Jiwdas yip, Salas yip ñon; Pol yip, Banabas yip amjipiy rek, dand kawsek amniyan anġyak.” Bi Jiwdas kun ak yimb bap “Basabas” anġyinqipay.

<sup>23</sup> Pen kiyk kun anġiy, minj tik miñmon Antiyok Siyriya propens ak yokiy, miñmon Siyliysiya propens ak yokiy, anġyak,

“Mam sikop nimb mindpim?

“Chin numam nimbik Jiysis minim dand amemb gok sek, Jiysis biynimb nuk gok kuyip kond mindep gok sek nimbip biynimb Jiwda mer, Jiysis nup gosimb niñbim gok minj tikyoksipun. <sup>24</sup> Yenen: minim bap wip ak; biynimb guniy nimb gunap, chinup anġniñiy mer, gos kiyk anep niñiy, nimbip am minim yomb gospar ayep rek gunap

anğeyak mey, <sup>25-26</sup> nimbip minj biy tiksipun. Bi chin omiñal sek anğyokon; Pol yip, Banabas yip kawsek niniñgambay. Yimb kiyminay ak, Jiwdas yip, Salas yip. Pen Pol yip, Banabas yip bi tep yimb omiñal ak; chirup ñanğ pikayningambay anğiy gos ak ma niñbiyr: Jiysis minim tep ak, monmon anğñirep giyiñg tapiyr. <sup>27</sup> Bi kiyminay yip yokningambun omiñal kun ak, minj tikpun minim ar anep nimbip anğñiningayr. <sup>28</sup> Gor Kawnan ak chinup gos tep ñek, minim kun biy tiksipun. Chin Jiwda gipun gipun rek ginimimb anğoniñgambun; kosyam giniñgambim ak mey, tap magep yep kaw bap nep aspun. <sup>29</sup> Nimb Jiysis nup gosimb niñbim rek, biynimb gunap, kimin kanj tap yesek gunap simbonğiy pikeniñgiy; ma ñiñnimimb. Kimin kanj tap gok likañ ak ma ñiñnimimb. Kuñam miñ wok gey kumek, likañ sek mindonimun ak kunep ma ñiñnimimb. Biyn siy bi siy ma ginimimb. Tap apun kun gok asikrep giniñgambim ak, tep yimb. Minim kun ak anğdipun. Tep.”

<sup>30-31</sup> Pen biynimb Jerusalem nimb Jiysis nup gosimb niñyak gok, minim kun ak tikiy, Jiwdas yip, Salas yip kuyip ñey, Banabas yip, Pol yip miñmon Antiyok amniyak ñin ak, dand sesek amniyak. Dand amjakeyak, biynimb Jiysis nup gosimb niñyak gok ap nan-giy, minj tikyokyak kun ak riytiym giy niñey, kuyip tep yimb gak. <sup>32-33</sup> Jiwdas yip, Salas yip bi Gor minim anğep omiñal ak mey, ñin kaw bap Antiyok mindiy, mind tep giyan anğiy, minim tep gunap kuñaynep anğñirik. Kun giy anğñindiy annirikniñ, mam ay

kun gok angyak, “Tep. Amniyr angyak.” <sup>34</sup> Pen Salas gos nuk key niñiy angak, “Yand Antiyok biy mindenim angyi,” Antiyok mindek; Jiwdas nep andkind Jerusalem amnak. <sup>35</sup> Pol yip, Banabas yip Antiyok mindiy, bi kun okok nimb gunap yip, Jiysis minim tep ak angyi, angnirep giying mindyngipay.

### *Pol Yip Banabas Yip Keykey Amnirik*

<sup>36</sup> Pen mind dand amiy, Pol Banabas nup angak, “Chirminay nind tangiy Jiysis minim angor amnak miñmon okok, Jiysis nup gosimb niñying nep mindpay akan angyi, am niñiy wur angak.” <sup>37</sup> Angek, Banabas angak, “Kun ak Jon Mak nup poñind amjur angak.” <sup>38</sup> Angek, Pol angak, “Ñi kun ak nind poñind amor, wonj gi diy ma owak; nuk Pampiyliya nep amiy kiring owak. Kun ak miñiy nup poñind ma amningambur angak.” <sup>39</sup> Pol kun angek, kiykminay keynep penpen angyi, Banabas nuk Jon Mak yip siyip diy, miñmon Saypras amnirik. <sup>40</sup> Pol nuk pen, binak Salas nup dak. Biynimb Jiysis nup gosimb niñyak gok, Pol yip, Salas yip kuyip, Gor niripminay kond mindakniñ, tangiy winimiy angyi angyokeyak, <sup>41</sup> am Siyriya propens okok, Siyliysiya propens okok tangying, biynimb Jiysis nup gosimb niñyak gok kuyip, minim gunap sek angrep girik.

## 16

### *Pol Miñmon Tangyngip Okok Tip Amnak*

<sup>1-2</sup> Kiyminay am am, miñmon Debiy amiy, miñmon Liystra amjakrik. Miñmon kun ak, bi

Jiysis nup gosimb niṅak bap mindek. Yimb nuk Timotiy. Biynimb Jiysis nup gosimb niṅyak miñmon Liystra sek, Aykoniya sek nuk bi tep yimb angyak. Bi kun ak, nonim nuk Jiwda nimb Jiysis nup gosimb niṅak; nop nuk ak Griyk nimb.

<sup>3</sup> Pol pen, Timotiy nup niṅek tep gek, nund yip Jiysis minim ak anḡni tanḡor anḡiy niṅak ak pen; Jiwda biynimb gok, nop Griyk nimb ak ñinuk kumbak ma tikip rek, minim nup ma ninjun anḡniḡiy rek ayek niṅiy, Timotiy nup dand amek kumbak tikyak. <sup>4</sup> Tikiy kisen mey, Pol, Salas, Timotiy kikyakam, dawin yomb okok tanḡyḡ, biynimb Jiysis nup gosimb niṅyak gok kuyip angyak, “Bi Jiysis minim dand amemb gok sek, Jerusalem Jiysis biynimb nuk gok kuyip kond mindpay bi gok sek apay, ‘Mosis Jiwda asik mosik minim anḡak ak maḡiysek mer; kaw bap nep dinimimb apay anḡiy kuyip anḡrep giyak.’”

<sup>5</sup> Anḡrep geyak mey, biynimb Jiysis nup gosimb niṅyak gok, mindrep geyak, biynimb yikop gok kunep tep gek, minek minek gunap sek Jiysis nup gosimb niṅyak.

### *Pol Wisin Niṅak*

<sup>6-7</sup> Pol binuk gok yip Esiya tanḡey, Gor Kawan ak anḡak, “Miñmon biy minim tep ak kuyip ma anḡñinimimb anḡak.” Kun anḡek, Priysiya propens namb okok tanḡiy, Galesiya propens namb okok tanḡiy, ap miñmon Miysiya maḡ maḡ giyḡ, Biytiyniya propens amnun anḡeyak, Jiysis Kawan ak kuyip anḡak, “Ma amnimimb anḡak.”

<sup>8</sup> Kun anḡek, miñmon Biytiyniya ma amniyak; Miysiya kirgiy, miñmon Trowas amniyak.

<sup>9</sup> Amiy, kisyimnamb biyan Pol day niṅak; bi Masedoniya propens nimb bap tikjakiy, nup suk aṅgyiṅ aṅgak, “Chinup simb niṅiy, ṅiṅg tikiy, pis biy winimin aṅgak.” <sup>10</sup> Pol kun giy day niṅek, ak Gor nep, Masedoniya biynimb kuyip minim tep ak aṅṅinimimb aṅgip aṅgiy, am siyip diy, <sup>11</sup> am am, miṅmon ṅiṅg timb kuskak Samotres amjaknuk. Minek pen, miṅmon ṅiṅg timb kuskak Niyapoliys amjakiy, <sup>12</sup> siyip ak kirgiy, Masedoniya biynimb miṅmon yomb kiyk Piyliypay amjaknuk. Miṅmon Piyliypay kun ak, Rom gapman kunaynep ap mindiy kond mindyiṅgipay.

### *Biy Liydiya Jiysis Nup Gosimb Niṅak*

ṅin kaw bap miṅmon kun okok yikop mindiy, <sup>13</sup> Jiwda lotiw ṅin ak apek, miṅmon yomb biy ṅiṅg gol akyim, Gor nup aṅṅiṅbay tip bap mindip aṅgiy, miṅmon yomb kun ak kirgiy, amiy niṅnuk: biyn gunap ap mindeyak. Niṅiy, kun siṅak bisgiy, kuyip minim aṅṅinuk. <sup>14</sup> Biyn mindeyak kun gok, bap yimb nuk Liydiya. Nuk chech muk gok gayek tawyiṅgipay. Nuk Tayatayra nimb. Gor nup nep aṅṅiṅyiṅgip. Biyn kun anup, Jiysis gos tep ṅek, Pol minim aṅgak ak niṅind aṅgip aṅgiy dek, <sup>15</sup> nup ṅiṅg pikṅiy, biynimb nuk yip kinyak gok kuyip ṅiṅg pikṅiy ginuk. Biyn Liydiya kun ak aṅgak, “Nimb yip niṅem, Jiysis nup gosimb niṅbiyn rek ayip ak, ap korip yip biy mindenimimb aṅgak.” Chinup kun aṅgek, niṅind aṅgip aṅgiy, am korip nup ak kininuk.

### *Pol Yip Salas Yip Kuyip Kalambis Ayak*



16 Pen chin minek bap tip ak, Gor nup angninining amiy, pañ wong yikop giñemb bap nup namb piknuk. Pañ kun anup kichekiy aban ayek mey, tap yerip yerip kisen giningamb ak, biynimb gok kuyip angnek, nup maniy tawyingipay. Kun gek, bi nup taw dand apey, wong kuyip giñiyingip gok, maniy yomb diyingipay.

17 Chin amninukniñ, pañ kun ak chinup kisen giying angyingip, “Bi guniy, Gor Biyomb ak nup wong giying, nimb yergem Gor nimbip diningamb minim ak angniraspay angyingip.”

18 Pen minim kun ak rek, minek minek angek, minek bap Pol nup yiruk gek, andikiy pañ kun anup kichekiy amban ayak anup angak, “Jiysis Krays yip ginimin anqip rek, nip aspiyn, pañ anup kirgiy amnon angak.” Kun angakniñ, kichekiy nup amban ayak ak, mis amnak.

19 Pen pañ kun anup kond mindyingipay bi gok, Pol kichekiy angyokak minim ak niñiy, maniy yomb dipun ak, kisen ma diningambun angiy, Pol yip, Salas yip kuyip kor gining, liping dand, Rom biyomb mindeyak ak amiy angyak, <sup>20</sup> “Jiwda nimb bi ominal biy, ap miñmon chinup biy monmon gispiyr ak, yesek gispiyr. <sup>21</sup> Chin Rom biynimb, minim nindik ar ak key mindip ak pen; kiyk yergining, minim kisenimb ak niñyan angiy angraspiyr angyak.”

<sup>22</sup> Biynimb mindeyak gok kunep, minim ar kun anep angeyak, biyomb gok tikjakiy, chech kuyip-minay gok tungasikiy angyak, “Kur diy pikim angyak.” <sup>23</sup> Angeyak, kur diy pik andik mandik

giy, dam kalambis miŋgan ak yokiy, bi kalam-bis kond mindek anup angyak, “Kuyipmiŋay niŋmindenimin angyak.” <sup>24</sup> Angeyak, bi kalambis kond mindek ak, kuyipmiŋay poŋind dam korip miŋgan yimb biyaŋ ay, tomb kind kuyip omiŋal ak diy mon yomb miŋgan ak angek liŋger amek, lokiym gak.

<sup>25</sup> Pen kisyimnamb yomb biyaŋ, Pol yip, Salas yip Gor nup angniŋyŋg, lotiw kamep gunap anŋ mindrikniŋ, kalambis bi gok maŋgiysek niŋmindeyak. <sup>26</sup> Kun giy niŋmindyakniŋ, day mon-mon yomb ak diy, kalambis korip ak dand doŋwiy giy, kinjen gok yikiy, kalambis kay kuyip ti-wniŋgiyak senwur gok, maŋgiysek asikak. <sup>27</sup> Kun gek, bi kalambis kay kuyip kond mindek ak tikjakiy niŋak; kinjen gok maŋgiysek yikiy mindek. Nuk niŋiy, kalambis kay kinjen yikiy pirik amdipay rek, biyomb ak yip ñanŋniŋgamb angyi, ñayip baynat ak lipiŋg diy, nuk key piŋiy ayin angak.

<sup>28</sup> Pol pen, meŋg miŋgan dand araniy angak, “Yenen nak key piŋiy ayniŋg gispan? Chin ma pirik ambun. Maŋgiysek mindpun angak.”

<sup>29</sup> Angek, bi kalambis kond mindek ak meŋg miŋgan dand araniy angak, “Kalambis kay amdipay rek ayip! Sup ak kasek dowim angak.” Angek, sup dand apeyak, dand korip miŋgan amiy, jel gek, jep jep diyiŋg, am Pol yip, Salas yip minderik kiŋiŋ siŋak koŋgim yimak. <sup>30</sup> Pen kun giy koŋgim yimiy tikjakiy, kuyipmiŋay poŋind mis biyaŋ amiy angak, “Bomiŋal. Yand yergen, Gor yip diniŋgamb?” <sup>31</sup> Angek, nup angrik, “Jiysis

nup gosimb niñeningamban; Gor nip diniñgamb; biynimb nand yip kinban gok kunep aņgrik.”

<sup>32-33</sup> Kun aņgerik, kuyipmiñay kisyimken biyañ nep dand amiy, pikyak gok ñiñg ayokak. Pen Pol yip, Salas yip biynimb nuk yip kinyak gok sek kuyip, Gor minim ak aņgñerik, nup gosimb niñeyak, kuyip mañgiysek ñiñg pikñirik. <sup>34</sup> Ñiñg pikñirik, bi kalambis kay kuyip kond mindek kun ak, kuyipmiñay poñind korip nuk ar biyoñ amiy, tap keñmañgiy ñek ñiñrik. Bi kun ak, biynuk ñapan nuk gok sek, “Miñiy Gor nup gosimb niñbun aņgiy,” tep gakniñ mindeyak.

<sup>35</sup> Minek pen, Rom biyomb gok, poliys gok kuyip aņgyak, “Bi kalambis mindpiyr ominal ak kuyip wisik yokem, amnimiyr aņgyak.”

<sup>36</sup> Aņgeyak, bi kalambis kay kuyip kond mindyiñgip ak, minim kun ak dand Pol yip, Salas yip minderik ak amiy aņgak, “Biyomb gok nirip apay, ‘Wisik yokem amnimiyr apay.’ Kun ak gos sek amnimiyr aņgak.”

<sup>37</sup> Aņgek, Pol aņgak, “Chirmiñay kunep bi Rom nimb ak pen, kor niñiy mer; biynimb namb ak chirupmiñay kur diy pikiy, dam kalambis aypay ak tep ma gip. Kun ak chirup kapkap weygiy aņgyokun aņgiy aspay? Kiyk key apiy, chirup wisik yokniñgambay aņgak.”

<sup>38-39</sup> Pol kun giy aņgek, poliys gok minim kun ak niñiy, andkind am biyomb gok kuyip minim kun ak aņgñeyak, kiyk kunep Rom nimb aņgiy pirikiy, am Pol yip, Salas yip kuyip minim sayn aņgiy aņgyak, “Nirmiñay miñmon yomb kun biy kiring amnimiyr aņgyak.”

<sup>40</sup> Anǵeyak, Pol yip, Salas yip kalambis korip ak kirgiy, biyn Liydiya korip ak am mindiy, biynimb Jiysis nup gosimb niñyak gok kuyip minim anǵrep giy, amnirik.

## 17

### *Tesalonayka Biynimb Pol Yip Salas Yip Kuyip Pikniñg Giyak*

<sup>1</sup> Kiyminǵay miñmon Piyliypay kirgiy, am am miñmon Ambiypoliys amjakrik. Ambiypoliys nimb am am, miñmon Apoloniya amjakrik. Pen Apoloniya nimb am am miñmon Tesalonayka amjakiy niñrik; Jiwda nan-gep korip bap mindek.

<sup>2</sup> Niñiy, Pol per giyiñgip, Jiwda lotiw ñin omiñal nokom, biynimb gok yip nan-gep korip miñgan ak amiy, Gor minim nind anǵiy tikiyak ak, anǵ amiy apiy giyak. <sup>3</sup> Kun giy anǵ amiy apiy giyiñg, kuyip Jiysis minim tep ak anǵñirep giyiñg anǵak, “Bi Krays winiñgamb anǵiy kond mindpim ak, nuk apiy, chinup nen anǵiy, yiwur dak. Bi Kiyñ yomb key yimb kond mindyiñgipun ak mey, bi Jiysis nimbip kesim dispiyn ak nep. Baybol buk ak nup nind anǵiy tikiyak rek, kumiy tip ak tikjakak anǵak.”

<sup>4</sup> Kun anǵek, gunap niñind anǵip anǵiy, Pol yip, Salas yip kind ak amniyak. Griyk biynimb Gor nup anǵniñyiñgipay gunap; biyn yimb sek gunap kunep, Pol yip, Salas yip anǵrik minim ak diyak.

<sup>5</sup> Deyak, Jiwda bi gok niñey miluk yapek, bi timey yikop mindeyak gunap dey, kiyk pen am biynimb kuñaynep dand apey, kilpul yomb anǵyak. Pen Pol yip, Salas yip kuyip piyow niñiy,

biynimb guniy kuyip ñon, pikyan angyi, am Jeson korip ak pinjiy kus kus giy, piyow mer niñyak. <sup>6</sup> Piyow mer niñiy, Jeson nup diy, biynimb Jiysis nup gosimb niñyak gunap sek diy, dand gapman biyomb mindeyak ak amiy, kor giyak. Kor giy angyak, “Bi miñmon okok mangyisek tanjiy minim angniyakniñ, kilpul yomb apay gok, miñiy ap mindpay miñmon chin biy. <sup>7</sup> Kiyk gapman biyomb chinup Siysa nup kirgiy, Biyomb kiyk Jiysis nup nep dipay. Pen bi Jeson biy, bi kun gok kuyip dam korip nuk ak ayip ak mey, nup dand aswun angyak.” <sup>8</sup> Kun angeyak, biynimb kuñay ap mindeyak gok sek, gapman biyomb gok sek niñiy, gos kuñay niñyak. <sup>9</sup> Gos kuñay niñiy, Jeson nup maniy gunap diy, biynimb nup sek dand wiyak gok maniy gunap diy angyak, “Kisen minim kun ak tip angneningambim, maniy nimbip kun biy pisnep dingingambun angyak.” Kun angyi, kuyip anğ mis yokyak.

### *Miñmon Beriya Minderik*

<sup>10</sup> Kisyim owakniñ, mam Tesalonayka nimb gok, Pol yip, Salas yip kuyip angyokey, miñmon Beriya amnirik. Amiy, Jiwda nan-gep korip mingan ak amiy, biynimb gok kuyip minim angnirik. <sup>11</sup> Jiwda biynimb kun gok, Jiwda biynimb Tesalonayka mindeyak gok rek mer; kiyk mindrep giyak ak mey; minim kuyipminjay ak niñey tep gakniñ, niñind apiyr akan angyi, Baybol buk ak minek minek riytiym gi niñiy mey, <sup>12-13</sup> biynimb kuñaynep, Jiysis nup gosimb niñyak. Griyk biyn yimb mindek gok kunep, kuñaynep Jiysis nup gosimb niñyak.

Pen Pol am Beriya biynimb kuyip, Gor minim ak anğñisap anğey, Jiwda biynimb Jiw ap Tesalonayka mindyınğipay gok miluk yapek, apiy Beriya biynimb kuyip nembnemb gey, kal jiwning geyak. <sup>14</sup> Kun ak ninjy, biynimb Jiysis nup gosimb niñyak gok, Timotiy yip, Salas yip kuyipmiñay miñmon Beriya kun ak kirgiy, Pol nup dam miñmon nambiys gol okok yokyak. <sup>15</sup> Pen bi gunap Pol nup dam miñmon Atens yokiy, andkind amniyakniñ, Pol kuyip anğak, “Timotiy yip, Salas yip kuyip anğyokem, kasek winimiyr anğak.” <sup>16</sup> Nuk kun anğiy, kuyipmiñay miñmon Atens kun ak kond mindyınğ niñak; biynimb kun gok, gor yesek kiyk anğniñyınğipay gok, kuñay yimb nep mindek. Niñek, simbwur nup ak timey yimb gek, <sup>17</sup> lotiw ñin gok Jiwda nan-gep korip ak amiy, bi Jiwda nimb gunap, bi yikop Gor nup anğniñyınğipay gunap yip minim anğ amiy apiy giyınğipay. Pen ñin yikop gunap kunep, ap biynimb nan-giyınğipay tip ak nan-giy, kiy yip minim anğ amiy apiy gi mindyınğipay.

<sup>18</sup> Miñmon kun okok, biynimb gos ar keykey niñyak gok, yimb keykey anğiy, gunap Epkiwriyan biynimb anğyak, gunap Stoyik biynimb anğyak. Minek bap, Pol biynimb kun gok yip minim anğ amiy apiy giy, Jiysis kumiy tikjakak minim ak anğek, bi tiysa kiyk gok sek ninjy; gunap anğyak, “Bi minim monmon anğip biy, minim kun ak yerip asap?” Pen gunap anğyak, “Biynimb par okok anğniñbay tap gok asap anğyak.”

<sup>19-20</sup> Pen Pol nup dand kanjsol kay mindeyak

ak amiy angyak, “Nand minim kisenimb, biynimb okok kuyip apan ak, miñiy chinup angey, minim kiñij kun ak niñrep gun angyak.” <sup>21</sup> Pen biynimb miñmon Atens nimb gok sek, biynimb okok nimb ap Atens mindeyak gok sek minim kisenimb gunap niñiy, anğ mindonjun angyi gos anep niñyngipay. <sup>22</sup> Pen Pol kanjsol mindeyak namb ak tikjakiy angak, “Nimb Atens biynimb. Yand nimbip niñbiyn. Nimb kilis yimb giy, tap gunap anğniñun angyi, gos ak niñbim. <sup>23</sup> Yand akniy tanğiy niñbiyn; nimb kamb bind keykey giy, tap keykey anğniñbim rek, yimb ak ar kun ak tikpik. Kamb bind bap gaypik ak, yimb ak tikiy apik, ‘Bi ma niñbun ak: kamb bind nup biy apik.’ Minim ma niñbun angyi tikpik kun ak, nimbip miñiy kiñij ak anğniñg gispiyn.

<sup>24</sup> “Gor mankumb biy gay, tap okok mañgiysek gay gak ak, nuk biyomb yimb. Semb biyon sek, man biy sek kond mindip. Biynimb gok korip akan, tap gunap gayey, nuk ap tap gayniñgambay namb kun okok mindonimuñ rek ma ayip. <sup>25</sup> Nuk chinup gay, añij band ak yokek, añij ayiñg mindpun. Tap chin okok mañgiysek, nuk nep gayak. Nuk Bi kalrimey kun ak, chin tap tep bap giy, nup niñjun rek ma ayip. <sup>26</sup> Nuk Andam nup nep gayek, Andam nuk pen tik dand amiy apiy gek mey, biynimb keykey okok mañgiysek mindpun. Gor nuk nep gek mey, biynimb gunap miñmon bap mindiy, mind dand amiy, kisen nuk key angak ñin ak apek, biynimb okok nimb gunap ap tip kun ak dipay.

<sup>27</sup> “Gor gek, ñin gunap kosyam mindpun ak, yip

gosimb niŋyaŋ aŋgiy gip. Nup gosimb niŋniŋg, nuk par okok ma mindip; chin yip mindip. <sup>28</sup> Ñin ar nuk ak mey, chin mindpun. Pen bi minim kil tikep nimb key gunap, Gor nup Bapiy chin aŋgyak ak, niŋind aŋgyak. <sup>29</sup> Pen biynimb gok yenen gol, kamb, tap gok diy, gos kiyk key niŋiy, tap gunap gay aŋgniŋbay. <sup>30</sup> Wosrey Gor minim nup ak ma niŋyiŋgipay rek, kuyip minim gunap kuŋay ma aŋgak. Pen miñiy biynimb miñmon okok maŋgiysek kuyip aŋgip, “Tap gunap aŋgniŋbim ak kirgiy, tap yerip yerip timey gipim ak kirgiy, yip nep gosimb niŋnimimb aŋgip.” <sup>31</sup> Aŋgip kun ak niŋrep yimb giŋjun. Kisen nuk key niŋimb ñin bap apek, binuk yipund giy nep gip ak yokek apiy, biynimb maŋgiysek kor giy, bilokniŋgamb. Chin niŋbun: binuk chinup kor yomb giŋniŋgamb kun ak, Gor gek kumiy tip ak tikjakak aŋgak.”

<sup>32</sup> Pol minim kun ak kun giy aŋgek, biynimb mindeyak gok niŋyiŋg, gunap sik aŋgyak; gunap aŋgyak, “Ñin gunap minim kun ak tip aŋgenimin, chin niŋjun aŋgyak.” <sup>33</sup> Kun aŋgyakniŋ, Pol kuyip kiring amnak.

<sup>34</sup> Pen miñmon Atens kun ak, biyn bi gunap, minim nup ak kindik giy, Jiysis nup gosimb niŋyak. Biyn bi kun gok mey, bi bap yimb nup ak Dayoniysiyas. Nuk biyomb kanjsol kiyk kun ak nimb bap. Biyn bap yimb nuk Damariys. Pen biynimb bi yikop gunap sek Jiysis nup gosimb niŋyak.

## 18

*Pol Am Miñmon Koriyn Mindek*



<sup>1</sup> Pol miñmon Atens kun ak kirgiy, miñmon Koriyn amiy niñak; <sup>2-3</sup> bi Jiwda ber, miñmon Pontas nimb bap ap minderik. Biynuk yimb ak Priysiyla; nuñgumiy yimb ak, Akiwiyla. Biber kun ak, kiyk am mindyĩngipiy; miñmon Yitaliy, Rom mañ okok. Kiyk kun giy am mindyĩngipiy ak pen, ñin kun ak biyomb Kilodiyas, Jiwda gunap miñmon Rom biy ma mindenyĩngiy angek mey, ap miñmon Atens kun ak minderik. Biber kun ak, kiyk ser korip gayĩngipiy. Pen Pol kunep, wong kun ak rek giyĩngip ak mey, am kiy yip mindiy, ser gok gayĩngipay.

<sup>4</sup> Pol nuk pen, Jiwda biynimb, Griyk biynimb mañgiysek niñyañ angyiy, Jiwda lotiw ñin ak wakniñ, nan-gep korip ak amiy, kiy yip minim anğ amiy apiy giyĩngip.

<sup>5</sup> Kun gi dand amiy, kisen Salas yip, Timotiy yip miñmon Masedoniya kirgiy aperik, ser giyĩngip wong ak kirgiy, minek minek Jiwda biynimb gok kuyip minim anğñirañgyiñ angyiñgip, “Bi Kiyñ yomb key yimb per kond mindyĩngipun ak mey, Jiysis nep angyiñgip.”

<sup>6</sup> Kun angek, minim nup ak ma niñiy, nup anğjiweyak; Gor nup yenen kirpay angyiy, chech nuk ak pipal pikyĩng, kuyip anğak, “Yand nimbip Gor minim ak anğñen ma niñbim ak, tap nimbik key. Miñiy nimbip Jiwda biynimb kirgiy, biynimb Jiwda mer gok kuyip anğñiniñgayn anğak.” <sup>7</sup> Kun angyiy, kuyip kirgiy, bi Jiwda mer bap korip ak amnak. Bi kun ak yimb nuk Taytas Jastas. Nuk Gor nup anğniñyĩngip. Korip nuk ak mindek; Jiwda nan-gep korip gol siñak.

<sup>8</sup> Pen Kriyspas, bi Jiwda nan-gep korip kond mindyngip ak; biynimb nuk yip mindeyak gok yip, Pol Jiysis minim angak ak, ninind angip angiy, Jiysis nup gosimb ninjy ñing pikyak. Koriyn biynimb gunap kunep, Pol minim angak ak ninjy, Jiysis nup gosimb ninjy, ñing pikyak.

<sup>9</sup> Minek bap, Pol day ninak; Biyomb ak nup angak, “Yand nand yip nep mindpiyn ak mey, ma pirikninin; minim yip ak biynimb gok kuyip monmon angñinimin. <sup>10</sup> Miñmon yomb biy, biynimb yand kunay yimb nep mindpay; biynimb gunap nip timey giniñgiy rek ma ayip angak.” <sup>11</sup> Kun angak, Pol miñmon okok ma amnak; miñmon kun anep mindiy, simiy nokom, takin onep kangol ak, Gor minim ak angñi mindyngip.

<sup>12</sup> Pen Rom biynimb gok, biyomb Galiyow nup angey, ap Akaya propens kond mindek ñin ak; Jiwda biynimb gok, Pol nup niñey miluk yapek, nup dand kor amiy angyak, <sup>13</sup> “Bi biy biynimb gok kuyip Gor minim angñispiyn angiy, Rom biynimb mer apay minim gok nep kuyip angip angyak.” <sup>14</sup> Kun angeyak, Pol minim kun ak pen angiy angakniñ, biyomb Galiyow tikjakiy kuyip angak, “Nimb Jiwda biynimb. Bi biy tap timey bap gombikop, minim nimb kor gipim ak niñbinip. <sup>15</sup> Pen nimb yikop apim, ‘Bi biy yesek angiy angip, “Bi Kiyñ yomb key yimb per kond mindpun ak mey, Jiysis nep angiy,” nasind sikop minim mer apay ak gunap angiy gip apim’ ak, yand ma niñningayn. Ak minim yand mer. Minim kun ak nimbik key angnimimb angak.” <sup>16</sup> Kun angiy, kuyip ang mis yokakniñ, <sup>17</sup> kiyk mis amyng, bi

Jiwda nan-gep korip kond mindep, Sosteniys nup kur diy pikyak. Nup kun giyak ak pen; biyomb Galiyow niñiy, minim bap ma angak.

*Pol Tip Ak Andkind Antiyok Siyriya Amniyn Anjiy Amnak*

<sup>18</sup> Pen Pol miñmon Koriyn tapin mindiy, mam ay gok kuyip angak, “Nimbkaw mindem anjiy,” Akiwiyla ber yip miñmon Siyriya amnun anjiy, siyip diy sanjiyak. Am am miñmon Senkriya apay ak amjakiy, Pol yand Gor nup chingiy nep mindeningayn anjiy minim anjaying, jun kas nuk ak tikak.

<sup>19-22</sup> Pen kiyk am am miñmon Yipiyses amjakiy, Pol nuk Jiwda nan-gep korip mingan ak amiy, Jiwda biynimb gok yip, minim anj amiy apiy gak. Kun gek, nup angyak, “Ñin gunap sek, chin yip biy mindenimin angyak.” Kun angyak ak pen, minim kuyip ak ma diy angak, “Nimb kaw mindem. Gor yip yaw angeningamb; kisen andkind winingayn angak.” Kun anjiy, Akiwiyla ber kuyip, biynimb kun gok yip anjay, nuk siyip diy, am am miñmon Siysariya amjakiy, biynimb Jiysis nup gosimb niñyak gok kuyip, nimb mindpim anjiy, tip ak siyip diy, miñmon Antiyok amnak.

<sup>23</sup> Amiy, tapin yep ñin kaw bap mindiy kuyip kirgiy, nuk am Galesiya propens okok sek, Priysiya propens okok sek girangying; biynimb Jiysis nup nind gosimb niñyak gok kuyip, angnirep gek, niñrep giyak.

*Binak Apolas Gak Minim Ak*

<sup>24-25</sup> Pen bi Jiwda miñmon Aleksandriya nimb bap, ap Yipiyses mindek. Yimb nuk ak Apolas.

Nuk bi minim anġrep yimb giy; Baybol buk day nind tikiyak ak niġrep yimb giy gak ak mey; Jiysis minim ak biynimb okok kuyip yipund giy nep anġak. Minim anġak kun ak, Jon bi ñiġ pikñemb niġak rek nep niġiy anġak. Pen nuk Jiysis minim gunap sek niġrep ma gak. <sup>26</sup> Ñin kun ak tikiy nuk ma pirikiy, Jiwda nan-gep korip ak amiy, Jiysis minim ak monmon yimb anġñak. Anġñek, Akiwiyla ber niġiy, nup dand korip kiyk ak amiy, Jiysis minim ma niġak won gunap, anġñirep yimb girik.

<sup>27-28</sup> Kisen nuk Akaya propens amniġgek, Yipiyses biynimb Jiysis nup gosimb niġyak gok, tep yimb am kuyip anġñiniġgamb anġiy, Akaya biynimb Jiysis nup gosimb niġyak gok kuyip minj bap tikiy anġyak, “Bi Gor woġg gip Apolas amjakek, nup dinimimb anġyak.” Kun anġey mey, Apolas amjakiy, minj ak yomek, Akaya biynimb Gor kuyip simb niġiy gos tep ñek, Jiysis nup gosimb niġyak gok maġiysek, Apolas nup diyak. Deyak, nuk pen tip kuyip ak diy, Jiwda biynimb gok kuyip minek minek, Baybol buk minim ar ak anġrep giyiġ anġak, “Bi Kiyġ yomb key yimb anġiy, kond mindpim ak mey, Jiysis nep anġak.” Kun giy anġrep gek, nup minim bap pen anġniġiy rek ma ayak. Kun gek, biynimb gok Jiysis nup gosimb niġiy, mindrep yimb giyak.

## 19

### *Pol Yipiyses Tangiy Minim Anġak*

<sup>1</sup> Apolas miñmon Koriyn mindakniġ, Pol miñmon dum bap paġind amiy, miñmon Yipiyses

amjakiy, biynimb Jiysis nup minim niñun angyak gunap mindeyak. <sup>2</sup> Kuyip niñiy angak, “Nimb Jiysis nup gosimb niñbik ñin ak, Gor Kawnan kunep dipik?”

Angek angyak, “Mer. Gor Kawnan mindip angyi chin ma niñbun angyak.”

<sup>3</sup> Angeyak, Pol kuyip angak, “Pen nimb yenen ñiñg pik pik?”

Angek angyak, “Chin Jon angyiñgip minim ak diy, ñiñg piknuk angyak.”

<sup>4</sup> Kun angeyak angak, “Jon biynimb gok angek ñiñg pikyiñgipay ak; tap siy tap timey gipun ak, yenen kun gipun angyi niñey mey, kuyip ñiñg pikñiyiñgip. Pen kuyip angyiñgip, ‘Biyomb kisen winiñgamb ak apek, nup gosimb niñnimimb angyiñgip.’ Bi kisen winiñgamb angak kun ak, Jiysis nep angak.”

<sup>5</sup> Pol kun angek, Jiysis biynimb nuk yimb mindenjun angyi, tip ak ñiñg pikyak. <sup>6</sup> Pol kuyip dininek, Gor Kawnan nuk ak kuyip yokek, minim yimb keykey angyi, day Gor minim tep ak angñiyak. <sup>7</sup> Bi anep wimiñgan ak rek kun giyak.

<sup>8</sup> Pol takin omiñal nokom, biynimb Jiwda nan-gep korip wiyak gok yip, Gor biynimb diy kond mindeniñgamb minim ak ang amiy apiy gi mindyiñgip. <sup>9</sup> Pen biynimb gunap, minim tep ak ma yimb diy, biynimb mindeyak namb ak angyak, “Kinjen tep amemb apay minim kun ak minim rek ma ayip angyak.” Kun angeyak, Pol biynimb Jiysis nup gosimb niñyak gok kuyip nep dand Tayrenas sikul korip yomb ak amiy, kuyip minim angñi mindyiñgip. <sup>10</sup> Kun giy angñi

mindek, simiy ominal yinek mey, Jiwda biynimb gok diy, Griyk biynimb gok diy, miñmon yomb Esiya mindeyak rek mañgiysek, Jiysis nup minim ak, kun kun giy apay angyi niñyak.

*Siypa Ñinuk Nup Giyak Minim Ak*

<sup>11</sup> Gor, Pol yip mindakniñ, nuk tap mageprek key yimb gunap giyngip. <sup>12</sup> Biynimb gok tap gek, Pol angsiyip chech band nup gok dam, mumbwak ar kiyk gok ay, jak amyngipay. Kichekiy tap gok amban ayngip gok kunep mis amyngipay.

<sup>13</sup> Jiwda bi kunj tap gok giyng, kichekiy tap gok angyokpun angyi girangyngipay gok, Pol gak rek niñiy chin kunep gun angyi, kichekiy gok kuyip angyak, “Jiysis Biyomb Pol per angninimb ak mindip rek, mis amnon angyak.” <sup>14-16</sup> Pen bi Gor nup simbongep yomb Siypa, ñinuk onep ar ak mindeyak. Kiyk kunep kichekiy tap gok angyokun angyi angeyak, kichekiy biynimb amban ayak gok pen angyak, “Jiysis yip, Pol yip kuyip niñbun ak pen, nimb bi an?” Kun angyi, bi kun gok kuyip talakiy, tapin nep pikiy, chech kuyip gok tungralikokey, daynep mindiy, korip kun ak kirgiy pirik amniyak.

<sup>17</sup> Pen minim kun ak, Jiwda biynimb, Griyk biynimb, miñmon Yipiyses mindeyak gok mañgiysek niñiy pirikiy, Jiysis yimb nup ak tapin nep dand aranyak. <sup>18</sup> Jiysis biynimb nuk mindeyak gok, gunap ap nan-giy, kunj tap yerip timey giyak gok, misen angyak. <sup>19</sup> Kunj tap gok giy, buk tik ayngipay gok, biynimb niñmindyakniñ, mon pik danγιey yinak. Buk tap kun gok, maniy tawep namb ak ñin pañgey,

piyptiy tawsin (50,000) rek amnak. <sup>20</sup> Pen miñmon Yipiyses kun geyak, Biyomb minim nuk ak yomb yimb gak.

*Yipiyses Biynimb Kilpul Angyak*

<sup>21</sup> Pen kun giy, kisen Gor Kawnan ak Pol nup gos ñek angak, “Yand Masedoniya amiy, Akaya amiy, Jerusalem amningayn. Amiy, miñmon Rom kunep amningayn angak.” <sup>22</sup> Kun angyi, bi nup kond minderik, Timotiy yip, Yirastas yip kuyip angyokek, miñmon Masedoniya amerik; nuk miñmon Yipiyses takiy ñin kaw bap mindek.

<sup>23</sup> Ñin namb kun ak, Yipiyses biynimb yikop gunap, Jiysis nep mey; Gor yip jimñiy mindip kinjenram ak mindip angeyak, kiy yip penpen gining rek giyak. <sup>24</sup> Bi bap, yimb nuk Demetriyas ak, bi gunap yip, tap gol rek ak diy, tap yesek angninyingipay korip achimb kilrimey gunap gayey, biynimb gunap ap taw dam ay, biyn yomb chin Atemis nup angninep korip ak angyi, angninyingipay. Bi kun gok wong kun ak giy, maniy yomb yimb diyingipay rek, <sup>25</sup> Demetriyas nuk bi nup wong giyak gok sek, bi wong kiyk giyingipay kun ak rek giyak gok sek angek, ap nan-geyak angak, “Nimb ninbim; chin wong nokom kun biy giy mey, maniy yomb yimb dipun. <sup>26</sup> Pen Pol apiy, biynimb gok kuyip yesek angyi angyip, ‘Ñin mangiy diy tap gipay gok, tap angninep mer angyip.’ Kun angamb, Yipiyses biynimb gok diy, Esiya propens biynimb okok diy mangiysek ningsipay. <sup>27</sup> Pol minim nuk ak angek, tap gon tawyingipay ak, miñiy ma tawpay. Pen ar kun anep ma aspiyn; biyn yomb chin Atemis nup

anğniñbun ak kirgiy, korip yomb nup anğniñbay ak kirgiy gispay anğiy aspiyn. Biynimb akniy nep nup ma kirpay, biynimb okok kunep nup kirginiñg gispay anğak.”

<sup>28-29</sup> Demetriyas kun anğek, bi kun gok niñiy, biyn yomb chin anğniñbun ak nep anğiy, meñg miñgan dand araniy anğ amiy apiy giyakniñ, biynimb dawin yomb kun animb kuñaynep apiy, Pol binup omiñal ak kuyip, lipiñg dand minim anğep tip ak amniyak. Binuk omiñal kun ak, nuk yip Masedoniya nimb ap minderik. Yimb kiyminay ak, Gayas yip, Ariystakas yip. <sup>30</sup> Pol pen, biynimb ap nan-giy, minim anğeyak namb ak amniyn anğek, bi Jiysis nup gosimb niñyak gok nup mer anğyak. <sup>31</sup> Gapman biyomb gunap, Pol nup buñgiy kiyk ak mey, nup minim yokiy anğyak, “Biynimb ap nan-giy, minim aspays namb ak ma amnimin anğyak.”

<sup>32</sup> Pen biynimb kuñaynep ap nan-giy, minim yomb anğiy, minim keykey yimb nep anğyak. Kiyk minim kiñiñ niñiy aspun ak anğiy ma niñyak; monmon nep anğyak.

<sup>33</sup> Bi Jiwda gunap, bi chin Aleksanda, kuyip anğrep giniñgamb anğiy, nup biynimb namb ak yokeyak, nuk kuyip ñin tunğ milich giy, minim anğniñg gakiñ, <sup>34</sup>kiyk niñyak; nuk Jiwda nimb ak mey, meñg miñgan dand araniy anğak, “Atemis nep mey, biyn yomb chin anğiy,” tapin nep anğ mindeyak.

<sup>35</sup> Kun giy anğ mindey mindey; bi ñiwkil tikep yomb kiyk ak tikjakiy kuyip anğak, “Kapkap mindem anğak.” Kun anğek, kapkap mindyakniñ



angak, “Yipiyses biynimb. Miñmon chin biy, biyn yomb Atemis kamb nuk gap rek, semb biyon nimb jiw owak ak diy, korip gayrep giy angñibun ak; an ma niñimb angiy, kilpul yomb ak aspim? <sup>36</sup> Minim kun ak, biynimb mañgiysek niñbay nen: kirgim.

<sup>37</sup> “Pen bi dand opim omiñal biy, biyn yomb Atemis nup angñibun ak, nup ma angjiwi, korip nup angñibun tap gunap siy ma dipiyr ak pen; kuyip dand opim. <sup>38</sup> Kun ak Demetriyas akan, binuk gunap minim mindek kor giniñg, biyomb gok mindpay ak mey, kor giniñgiy. <sup>39</sup> Pen minim miker gunap mindonimun, ap nan-gipun ñin ak nep angnimimb. <sup>40</sup> Chin miñiy ap nangiy kilpul aspun ak, minim kiñiñ bap mindek ma aspun. Gapman biyomb yimb bap, yenen ap nangiy minim aspim anggek, pen minim bap angjun rek ma ayip angak.” <sup>41</sup> Nuk kun angiy, kuyip angyokek, keykey amniyak.

## 20

### *Pol Miñmon Masedoniya Amiy, Miñmon Griyk Amnak*

<sup>1</sup> Pen biynimb gok minim yomb ang mindiy keykey amniyakniñ, Pol biynimb Jiysis nup gosimb niñyak gok kuyip suk anggek apeyak; Gor minim gunap angñirep yimb giy, kuyip kirgiy, nuk miñmon Masedoniya amnak. <sup>2</sup> Amiy, kun okok tangyiñg, biynimb Jiysis nup gosimb niñyak gok kuyip, Jiysis minim ak angñi dam dam, miñmon Griyk amjakak. <sup>3</sup> Amjakiy, takin omiñal nokom kun ak mindiy, kisen siyip diy, Siyriya

amniyn angak ak pen; nuk minim bap niñak; Jiwda kay nup pik ayniñg geyak. Minim kun ak niñiy, lum ar nep andkind Masedoniya amniyn angiy niñak.

<sup>4-5</sup> Pen Pol binuk yip tanğeyak gok mey Timotiy; Piras ñinuk Sopata miñmon Beriya nimb; Ariystakas yip, Sekundas yip Tesalonayka nimb; Gayas Debiy nimb; Tikiykas yip, Tropiymas yip Esiya nimb. Bi kun gok, Pol yip ap ap miñmon Piyliypay apiy, kiyk nind miñmon Trowas amiy, chinup kond mindeyak. <sup>6</sup> Jiwda ñin yomb biret yiys sek ma ñimbun ñin ak mindon pandikakniñ, kisen siyip diy, ñin onep mamind ak namb kiniy, miñmon Trowas amjaknuk. Amiy, wiyk nokom bap kun okok mindonuk.

### *Yiwraya Nup Gek Tip Tikjakak*

<sup>7-8</sup> Wiyk mindonuk kun ak, Sarirey dungep won ak, biret wayn niñning am korip ar biyoñ nangi, Pol toy amniñgayn angiy, minim angakniñ, niñmindonuk. Kun giy niñmindon mindon, kisyim apek, lam danğiy ay niñmindonuk. <sup>9</sup> Pen bi paranj bap, wiyndiw ar ak bisgiy, Pol minim angakniñ, niñmindek. Yimb nuk ak Yiwtiykas. Nuk kun giy niñmind mind, wisin kalrimey yimb apek, wisin juk juk gi gi, biyoñ nimb gindam man biyañ pikek, am biyañ diy niñyak: pisnep kumiy mindek. <sup>10</sup> Pol nuk pen biyañ amiy, nup namb namb diy angak, “Gos kuñay ma niñnimimb; nuk kim mindip angak.” <sup>11</sup> Kun angiy, tip biyoñ amiy, biret gunap tipañ jimñiy ñimbuiy, Pol tip ak minim ang mindek mindek, miñmon yapiy, pumb

owakniņ amnak. <sup>12</sup> Pen bi paranj apyap pikak anup, dand korip amiy, miñmiñ yimb giyak.

*Pol Trowas Kirgiy Miletas Amnak*

<sup>13</sup> Pol chinup angak, “Nimb siyip diy miñmon Asos amenimimb; yand man ar apiy, siyip diniņgayn miñmon kun ak angak.” <sup>14</sup> Kun angek, chin siyip diy am Asos amiy, Pol nup kun ak diy, miñmon Mitiliyniy amninuk. <sup>15-16</sup> Minek Mitiliyniy kirgiy, miñmon Chiyos maņ ak amjaknuk. Minek ak, miñmon Samos amjakiy, Pol nuk gos bap niņak: Yipiyses amiy, sayn nep giranġiy, Pendiyykos ñin ak, Jerusalem ma niņjun rek ayek mey, Yipiyses silgiy, Miletas amninuk.

*Pol Yipiyses Biynimb Kuyip Angak Pisnep Amjipiyn Angak*

<sup>17</sup> Miletas amiy, Pol minim yokek Yipiyses amek, Jiysis biynimb nuk gok kuyip kond mindeyak bi gok kuyip angak, “Mindpiyn biy winiņgiy angak.”

<sup>18</sup> Kun angek, apeyak angak, “Nind propens nimbip biy mawep ñin ak apiy, nimb yip mindiy, mind dand amiy, yerip yerip giyiņgiypiyn ak niņbim. <sup>19</sup> Yimb yand ma dand araninik; Krays nup woņg ak giñinikniņ, Jiwda biynimb yip timey giniņg geyak, yip simb gek, siy anġyiņg, minim anġñinik. <sup>20</sup> Pen yand korip nimbip okok akan, nan-gipim tip okok amiy, minim tep nup bap weygiy ma anġñinik; maņgiysek nep anġñinik. <sup>21</sup> Nimbip Jiwda biynimb gok diy, Jiwda biynimb mer gok diy, anġrep giy anġnik, “Tap timey gipim

ak kirgiy, Gor aᅇgip minim ak diy, Jiysis nup gosimb niᅇnimimb aᅇgnik.’

<sup>22</sup> “Pen miᅇiy niᅇim! Gor Kawnan ak, yip miᅇ rek ay, dand Jerusalem amjap ak; yip yerip rek giniᅇgamb ak ma niᅇbiyn. <sup>23</sup> Pen yand niᅇbiyn: miᅇmon gok miᅇmon gok amjaken; Gor Kawnan ak yip aᅇgip, “Nand Jerusalem amey, nip kalambis ayey, kosyam yimb mindeniᅇgamban aᅇgip.” <sup>24</sup> Pen ak minim ma mindip. Yand keynep mindrep giyn aᅇgiy gos ak ma niᅇbiyn. Yip pikniᅇgambay aᅇgiy, ma pirikpiyn. Biyomb Jiysis, woᅇg yip aᅇgak ak nep gosimb niᅇbiyn ak mey, Gor chinup simb niᅇiy dip minim tep ak, aᅇgiᅇg nep mindeniᅇgayn.

<sup>25</sup> “Pen niᅇim. Nimb biynimb akay akay, Gor biynimb diy kond mindeniᅇgamb aᅇgen niᅇbim gok, yip tip ak ma niᅇniᅇgambim. <sup>26</sup> Miᅇiy amniᅇg mey, nimbip misenᅇ aspiyn. Biynimb Gor minim ma niᅇiy yiwur yomb diniᅇgambay gok; tap kiyk key. Yand yip mer. <sup>27</sup> Yand Gor minim bap ma aᅇᅇniᅇbiyn mer; maᅇgiyseᅇ yimb nimbip aᅇᅇniᅇbiyn. <sup>28</sup> Nimb key niᅇrep giy, biynimb Gor Kawnan aᅇgek kond mindpim gok kuyip, niᅇrep giy ginimimb. Bi kanj siypsiyp mokep gok, kanj kiyk gok kond mindrep gipay rek, nimb biynimb Jiysis nup gosimb niᅇbay gok kuyip, kond mindrep ginimimb. Gor chinup simb niᅇiy, Niᅇuk nup yokek ap chinup aᅇgiy kumak ak, sakiy ma ginimimb. Niᅇmindiy, biynimb nup ker mindpay gok kuyip kond mindenimimb. <sup>29</sup> Yand niᅇbiyn. Yand amen, kayn sakiy gok apiy, kanj siypsiyp nimb mokpim gok gunap

siw ñiñningambay. <sup>30</sup> Biynimb gunap pen tik-jakiy, minim yesek yesek anġiy, biynimb Jiysis nup gosimb niñbay gunap kuyip, lipiñg dand kind kiyk okok amningambay. <sup>31</sup> Pen yand simiy omiñal nokom, miñmon nimbip Yipiyese mindiy, pumbnamb kisyimken, simb gakniñ, siy anġyiñg nimbip mañgiysek anġñirep ginik. Minim anġñinik kun ak sakiy ma ginimimb; niñyiñg nep mindenimimb.

<sup>32</sup> “Yand nimbip Gor ñin ar ak ay amjipiyn. Nuk nimb yip mindeningamb. Minim tep nup ak niñnep mindiy mey; biynimb suñ-tep nuk gunap yip mindrep giniñgambim.

<sup>33</sup> “Nimb yip mindenik ñin ak, biynimb gunap, chech maniy tap kuyip gok asim ma anġrik. <sup>34</sup> Ñin mañgiy yand ak keynep woñg giy, bi yip tañgyiñgipun gok yip, tap ñimbyiñgipun. <sup>35</sup> Pen gipiyn kun ak rek nimb kunep giy, biynimb simbgeprek gok kuyip direp ginimimb. Biyomb chin Jiysis, minim anġak ak niñbim. Nuk anġak, ‘Bi gunap nimbip tap ñeningambay, nimbip tep giniñgamb ak pen; nimb biynimb gunap kuyip tap ñiniñgambim ak, nimbip tep yimb giniñgamb anġak.’ ”

<sup>36</sup> Pol minim kun ak anġjiwiyy, biyomb Yipiyese nimb kun gok yip koñgim yimiy, Gor nup anġniñyak. <sup>37-38</sup> Pen Pol bi kun gok kuyip, kisen jomluk yip ak ma niñningambim anġek, nup am kaykol giy, siy anġiy, kuyip simb gakniñ, nup namb ay dam siyip miñgan ak yokyak.

### *Pol Siyip Diy Jerusalem Amning Sanđak*

<sup>1</sup> Pen chin Yipiyses biynimb kuyip, nimb mindem anđiy sanđinuk. Yinđen ak apređ gek, yipund giy nep am am, Kos amninuk. Pen minek Kos kirgiy, Rowdes amiy, Patara amninuk. <sup>2</sup> Amiy niñnuk; siyip bap Piniysiya amning gek mey, chin siyip kun ak diy sanđinuk. <sup>3</sup> Am am, Saypras ñin anđind kind okok ken mindakniñ, niñyñg am am, Siyriya niñnuk. Tap kakaw gok, Siyriya yisik yokniñg mey, am sua ginuk Taya. <sup>4</sup> Taya sua giy, am biynimb Jiysis nup gosimb niñyak gok kuyip piyow niñiy, kiy yip wiyk nokom bap mindonuk. Pen Gor Kawnan ak biynimb kun gok kuyip gos ñek, Pol nup anđyak, “Jerusalem amning gispan ak ma amninim anđyak.” <sup>5</sup> Pen siyip ak tap kakaw yisik yokdey, amjipun anđon, biynimb Jiysis nup gosimb niñyak kun gok, biyn ñapan kiyk gok mañgiysek, chinup dam ñiñg gol ak yokey, kiy yip koñgim yimiy, Gor nup anđniñnuk. Pen chin penpen ñin piksakiy, <sup>6</sup> am siyip ak dinukniñ, kiyk andkind korip amniyak.

### *Anđabas Pol Nup Kun Kun Giniñgambay Anđak*

<sup>7</sup> Pen chin siyip diy Taya kirgiy, am sua ginuk: Tolemeys. Sua giy, biynimb Jiysis nup gosimb niñyak gok kuyip anđnuk, “Nimb mindpim anđnuk.” Kun anđiy, ñin bap kiy yip kun ak mindonuk. <sup>8</sup> Minek ak kuyip kirgiy, am Siysariya amjakiy, Piyliyp korip ak amninuk. Nuk bi yipen-jiliys bap. Nup mey, nind Jerusalem mindek, bi onep kañgol ak yip anđayeyak, keñmañgiy bilok ñiyiñgipay. <sup>9</sup> Pen bi Piyliyp kun ak, panuk onep tiñgawip ak Gor minim anđyñgipay. Pañ kun

gok kiyk bi ma diyak. <sup>10-11</sup> Chin Piyliyp yip mindonuk ñin namb kun ak, bi Gor minim anğep Angabas; miñmon Jiwdiya nimb ak apiy, Pol ler nup ak diy, ñin tomb nuk gok tiwningrimbikiy anğak, “Gor Kawnan ak anğip, ‘Bi ler nop kun biy nup, Jerusalem amek, Jiwda biynimb nup tiwningrimbikiy, dam Rom biyomb gok kuyip ñiningambay anğip anğak.’” <sup>12</sup> Kun anğek, chin mañgiysek minim kun ak niñiy, Pol nup anğnuk, “Jerusalem ma amnimin anğnuk.”

<sup>13</sup> Anğonuk, nuk pen anğak, “Yip yenen simb niñiy siy anğem, yip simb gisap. Yand Jerusalem amiy, Jiysis minim ak anğningayn. Yip kalam-bis ayningambay akan, pik ayningambay ak, ma piriksipiyn. Monmon am anğningayn anğak.”

<sup>14</sup> Pen chin Pol nup kun giy anğ mer niñiy anğnuk, “Bapiy Gor key niñimb rek giningamb anğnuk.”

### *Jerusalem Biynimb Pol Nup Anğjiwyak*

<sup>15-16</sup> Pen chin kun giy Siysariya mindiy, Jerusalem amning, tap chin gok moka giy, biynimb Jiysis nup gosimb niñyak miñmon kun okok nimb gunap poñind, Jerusalem amonuk; chinup dam Nason korip ak ayey kininuk. Bi Nason kun ak, miñmon Saypras nimb. Nuk Jiysis nup nind nep gosimb niñak. <sup>17</sup> Biynimb Jiysis nup gosimb niñyak gok mañgiysek, chinup niñey tep gak.

<sup>18</sup> Minek minim anğning; biyomb Jiysis biynimb nuk gok kuyip kond mindyngip Jemis nup niñning amiy niñnuk: nuk bi wonğ jimñiy gep gunap yip, ap nan-giy mindeyak. <sup>19</sup> Pen chin

amjakiy, Pol kuyip, nimb mindpim angak. Pol pen, Gor nup kond mindakniņ, Jiwda biynimb mer miñmon okok tanġiy, tap yerip yerip gak ak, biyomb kun gok kuyip kesim diñak. <sup>20</sup> Kiyk minim kun ak niņiy, Gor nup tep angiy, Pol nup anġyak, “Mam. Nand niņban: Jiwda biynimb tawsin kuņaynep, Jiysis nup gosimb niņbay ak pen, kilis timey giy apay, ‘Chin Jiwda gok, Jiwda biynimb giyiņġipay ar ak nep ġinjun apay.’ <sup>21</sup> Kun ġipay rek, Jiwda biynimb okok nimb ġunap, Jerusalem biy apiy, niņrep ma giy apay, ‘Pol nuk, Gor minim Mosis wosrey angiy tikak ak kirġiy, chin Jiwda ġipun ġipun ar ak kirġiy, Jiwda biynimb miñmon paryomb okok mindpay gok kuyip anġip, “Ñi nimb gok kumbak ma tiknimimb anġip” apay.’

<sup>22</sup> “Kiyk minim niņrep ma giy, nip apay kun ak, chin yerginjun? Nand Jerusalem biy opan rek, biynimb kun gok nip niņiy, minim yomb anġniņġambay. <sup>23-24</sup> Kun ak bi chin omiņal omiņal, chin Jiwda ġipun miñ ar ak kindik giy, Gor nup minim bap niņind yimb aspun anġyak ak mey, Gor nup tap pik danġiy simboņġ ñiņiņġ ġispay rek; nand am ñin onep ar ak kiy yip ñiņġ pik tep giy, tap Gor nup simboņġ ñiņiņġambay gok taw ñenimin simboņġ ñiy mey, jun kas kiyk ak tikniņġambay. Kun ġeniņġamban mey, biynimb maņġiysek nip minim anġyak kun ak, yesek nep anġyak ak niņniņġambay. Nand Jiwda nimb ak mey, chin Jiwda ġipun rek nep ġipan anġniņġambay. <sup>25</sup> Pen biynimb Jiwda mer Jiysis nup gosimb niņbay gok kuyip, minj tikyokiy



aṅgnuk:

‘Jiwda kay gipay gipay rek gun aṅgiy, kosyam giniṅgambim. Kun ak tap gunap nep ginimimb. Biynimb gunap tap yesek okok simbonṅyṅ, kimin kanj pikenṅgiy, nimb ma ṅiṅnimimb. Kimin kanj tap gok likaṅ sek ma ṅiṅnimimb. Kun ak kimin, kanj tap gok kuṅam tuṅwikey kumek, likaṅ sek mindeniṅgamb rek ma ṅiṅnimimb. Biyn siy bi siy ma ginimimb aṅgiy,’ minj tiknuk aṅgyak.”

<sup>26</sup> Kun aṅgeyak, Pol minim kuyip ak diy; minek, bi omiṅal omiṅal tap simbonṅ ṅiniṅ giyak kun gok yip, ṅiṅ pik tep giy; Gor aṅgniṅep korip ak amniyak. Amiy, Pol bi mindeyak gok kuyip aṅgak, “Chin ṅin onep kaṅgol ak mindiy, ṅin ar ak, Gor nup tap ṅiṅemb gunap keykey dand apiy, nup simbonṅ ṅiniṅgambun aṅgak.”

### *Jiwda Biynimb Pol Nup Chichiy Diyak*

<sup>27-28</sup> Kun aṅgiy, ṅiṅ pik mindyakniṅ, ar ṅin ak maṅ owakniṅ, Jiwda biynimb Esiya mindiy wiyak gunap niṅyak: Pol Gor aṅgniṅep korip miṅgan ak mindek. Niṅiy, nup chichiy diy, meṅ miṅgan dand araniy aṅgyak, “Chin Yisrel biynimb maṅgiysek tikjakiy, bi timey gip biy di mindenjun. Miṅmon okok taṅgiy, per timey nep gip bi ak mey biy. Chin Jiwda biynimb gipun ar ak timey aṅgiy, Mosis aṅgiy tikak minim ak timey aṅgiy, Gor aṅgniṅep korip biy aṅgjiwiy gip. Jiwda biynimb mer Gor aṅgniṅep korip miṅgan biy ma dand owep gok kuyip, monmon dand wip aṅgyak.” <sup>29</sup> Kiyk minim aṅgyak kun ak, gos nep niṅiy aṅgyak. Pol yikop Tropiymas yip,

Gor angninep korip man okok tanjek ninjy mey angyak, “Pol binak Tropiymas miñmon Yipiyses nimb ak yip, Gor angninep korip miñgan ak amimb angyak.”

<sup>30</sup> Kun angey, minim kun ak biynimb okok mangysek ninjy, ap Pol nup di mis biyan yokiy, kinjen ak giñiyak. <sup>31-32</sup> Giñiy, kilpul yomb angying, Pol nup pisnep pikayning rek giyak. Pen giyak minim kun ak, amiybi yomb yimb mindek ak amek, nuk binuk kunaynep ponind kasek apchakeyak ninjy, Pol nup pikayning geyak ak kirgiyak. <sup>33</sup> Amiybi yomb kun ak apiy, Pol nup chichiy diy, binuk gok kuyip angak “Nup sen ominjal ayñinimimb angak.”

Angek, angak rek geyak, biynimb mindeyak gok kuyip angak, “Nuk tap yergamb nup kun gispim?”

<sup>34</sup> Angek, kiyk minim keykey angey, kilpul yomb yimb gak. Kun gek amiybi yomb ak, binuk gok kuyip angek, Pol nup dand korip yomb kiyk ak amning; <sup>35</sup> dand korip kinjenrumb gol sinak amjakyakniñ, biynimb kunaynep kisen giy, Pol nup timey gining nep giyak. Kun giyak rek, amiybi gok nup di wanjrem ar ak ay, dand amniyak. <sup>36</sup> Pen biynimb kun gok, Pol nup angyak, “Nup pisnep pikayim! Nup pisnep pikayim angyak.” <sup>37</sup> Kun angyak ak pen; amiybi gok Pol nup dand korip miñgan biyan amning giyakniñ, nuk Griyk minim angyi, amiybi yomb yimb anup angak, “Yand minim nip bap angnim akan?” Angek, amiybi yomb yimb ak angak, “Nand Griyk minim niñban sek? <sup>38</sup> Yand angninbiyn-eñ, nand

mey, bi Yijip nimb; bi penpen gipay kuṇay yimb diy, dam miñmon nep okok, weygey mindeyak bi anep aṅgñibiyn. Pen nand Griyk minim ak aspan aṅgak.”

<sup>39</sup> Aṅgek, Pol aṅgak, “Yand bi Jiwda bap. Yip tikyak, miñmon yomb Tasas Siyliysiya propens. Pen yip yaw aṅgenimin, yand biynimb guniy kuyip minim aṅgnim aṅgak.” <sup>40</sup> Aṅgek, amiybi yomb yimb ak, yaw kun ginimin aṅgek, Pol korip ak yirar rek giy tawind tapay ar ak taw mindiy, ñin dand araneḱ, biynimb gok minim ma aṅgyakñiḱ; nuk Hiybriw minim aṅgiy kuyip minim aṅḱak.

## 22

<sup>1</sup> Pol nuk kuyip kun giy, Hiybriw minim aṅgiy aṅgak, “Bapiy sikop diy, mam sikop diy, nimb minim aṅgñiḱ gispiyn ak niḱmindenimimb aṅgak.” <sup>2</sup> Kun aṅgek, minim minim aṅgiy mer, kapkap yimb mindyakñiḱ, <sup>3</sup> kuyip aṅgak, “Yand Jiwda nimb ak pen, yip tikyak miñmon yomb Tasas Siyliysiya propens. Pen yand ap Jerusalem biy, tiysa Gameliyel yip mindiy, yomb ginik ak mey, apis basind sikop yerip yerip aṅgyak minim ak maṅgiysek, yip aṅḱek niḱnik. Kun ak, nimb Gor nup direp gun aṅgiy, kilrimey nep gipim rek, yand kunep giyṅgiyiyn. <sup>4</sup> Biynimb Jiysis nup gosimb niṅyak gok kuyip, timey yimb giyṅgiyiyn. Kuyip pik ayin aṅgiy, biynimb gok monmon miñ ay, dand kalambis amyṅgiyiyn.

<sup>5</sup> “Giyṅgiyiyn kun ak, biyomb Gor nup sim-bonḱep gok sek, bi kanjsol gok sek aṅgñiḱem, kiyk yesek aṅgip ma aṅgñiḱgambay; niḱind aṅgip

anġningambay. Biyomb kun gok, yand Damaskas amning genik, yip minj gunap tikñiyak. Minj kun ak tikiy anġyak, 'Pol nup kondenimimb; nuk Damaskas biynimb Jiysis nup gosimb niñbay gok kuyip miñ ay, dand Jerusalem biy winimun anġyak.' Pen yand minj kun ak diy kuyip miñ ay, dand Jerusalem apen, gos niñningambay anġnik.

*Pol Jiysis Nup Gosimb Niñak Kesim*

<sup>6</sup> "Pen yand minj kun gok bi gunap yip dand am am, pumbnamb yoŋ won ak, Damaskas maŋ maŋ ginukniŋ, melik yomb ak, semb ar biyoŋ nimb añañaŋ rek diy owak. <sup>7</sup> Kun gek, yand apyap piknikniŋ, minim bap yip anġak, 'Sol! Sol! Yip yenen per timey gipan?'

<sup>8</sup> "Anġek, yand anġnik, 'Biyomb! Nand an?'

"Anġenik, 'Yand bi Jiysis Nasaret nimb: yip per timey gipan anep anġak.'

<sup>9</sup> "Bi yand yip amonuk gok, melik yomb ak niñyak ak pen; minim maŋgiy ak ma niñyak.

<sup>10</sup> Yand pen anġnik, 'Biyomb. Yerginim?'

"Anġenik, yip anġak, "Tikjakiy, Damaskas amiy, Gor nup yerer giniŋgamban ak, niŋ anġningambay anġak.' <sup>11</sup> Melik kun ak, yomb yimb giy, windin yip ak pisnep koy gek, niñnim rek ma ayak. Kun gek, bi yand yip amninuk gok, yip ñin kind ak diy, dand Damaskas amniyak.

<sup>12</sup> "Pen Damaskas bi bap mindek. Yimb nuk ak Ananayas. Nuk Gor minim ak niñrep giy, minim chin yerip yerip mindip ak niñrep yimb giy gak. Bi kun anup, Jiŋwda biynimb Damaskas mindeyak gok, maŋgiyseŋ anġyak, 'Ak bi tep yimb anġyak.' <sup>13</sup> Pen nuk, yand mindenik maŋ siŋak

apiy angak, ‘Mam Pol, windin tip niñan angak.’ Kun angakniñ, windin yip koy gak ak, pisnep sun ayakniñ, nup niñnik. <sup>14</sup> Yip angak, ‘Gor Biyomb, basind apis sikop angniñyngipay ak, nip diy wonğ nuk ak ayniñğ gisap ak mey, Ñinuk Krays nup misenñ niñiy, minim nuk ak misenñ niñiy gipan. <sup>15</sup> Nip yerer gamb niñban kun ak, biynimb gok kuyip angñiniñgamban. <sup>16</sup> Kun ak ma kond mindenimin; tikjakiy Gor nup angniñiy, ñiñğ pikeniñgamban; timey gipan gach ak, Gor wiykyokniñgamb angak.’

### *Jiwda Mer Okok Kuyip Angñinimin Angak*

<sup>17</sup> “Kun angek, angak rek nep ginik. Kisen miñmon Jerusalem biy apiy, Gor angniñep korip ak amiy, Gor nup angniñ mindiy, day niñnik ak: <sup>18</sup> Jiysis yip angak, ‘Kasek Jerusalem kir-giy, miñmon key okok amninin. Biynimb guniy minim tep yip ak anğeniñgamban, ma niñniñgambay angak.’

<sup>19</sup> “Kun angek, yand angnik, ‘Biyomb. Kiyk key yip niñbay; yand nind nan-gep korip okok amiy, biynimb nip gosimb niñyak gok kuyip kalambis ay, takiy nep pikyngipiyn. <sup>20</sup> Pen ñin bap, bi minim tep nip anğep Stiypin nup pikayakniñ, panj angiy, bi nup pikeyak gok chech kiyk tunğasik ayak gok kond mindenik angnik.’ <sup>21</sup> Kun anğenik, Biyomb ak yip angak, ‘Yand nip anğyoken, am Jiwda mer gok kuyip, minim angñiniñgamban angak.’ ”

### *Amiybi Yomb Ak Pol Nup Kond Mindek*

<sup>22</sup> Jiwda biynimb, Pol minim angak ak ninmind dand amiy, minim kun ak angek ninjiy, kiyk minim yomb yimb angyi angyak, “Bi kun ak rek ma mindenimun; nuk Gor nup angyiwas rek, nup pisnep pikayep angyak.”

<sup>23</sup> Kun angying, chech yomb kiyk gok tungasik yokiy, silkul gok yiprunj dingey aranak. <sup>24</sup> Kun geyak, amiybi yomb yimb ak, binuk gunap kuyip angak, “Nup dand korip mingan amiy, pikenimimb, biynimb guniy yenen nup minim yomb aspay kiñinj ak, nimbip angnimun angak.”

<sup>25</sup> Kun angek, nup pikning, dand amiy miñ tiwning ayak. Pen Pol amiybi yomb yep man kun sinjak jak mindek anup angak, “Chin Rom biynimb low bap kun giy mindip? Bi Rom nimb yipund giy gok kuyip kor ma giy, monmon pikpay sek?”

<sup>26</sup> Pol kun angek, amiybi yomb kun ak, amiybi yomb yimb anup angak, “Nand yergining gispan? Bi kun ak nuk Rom yipund giy angak.”

<sup>27</sup> Kun angek, amiybi yomb yimb ak apiy, Pol nup angak, “Nand Rom nimb yipund giy akan, yip angyey ninjiyn?”

Angak, Pol angak, “Yaw. Yand Rom nimb yipund giy angak.”

<sup>28</sup> Angak, amiybi yomb yimb ak angak, “Yand maniy yomb yimb ak yokiy mey, Rom bi mindpiyn angak.”

Angak, Pol pen angak, “Rom kay yip tikyak ak mey, yand Rom bi mindpiyn angak.”

<sup>29</sup> Kun angek, bi nup miñ ayak gok pirikyak. Amiybi yomb yimb ak, bi biy Rom nimb ak pen; nup miñ aypiyn angyi, kunep pirikak.

<sup>30</sup> Minek pen, amiybi yomb yimb ak, Jiwda kay Pol nup minim yerip aspay ak ninrep giyn angyi, Gor nup simbongep yomb gok sek, bi Jiwda kanjsol gok sek mangyisek, suk angek ap nan-geyak, angek Pol nup am wisik dand apiy, mindeyak man sinjak ayak.

## 23

### *Pol Jiwda Kanjsol Gok Kuyip Minim Angak*

<sup>1</sup> Pol nup kun giy wisik dap ayeyak; nuk Jiwda kanjsol kun gok kuyip ninmindyng angak, “Mam sikop. Yand Gor angyip rek per gipiyn ak mey, gospar ayng ma mindpiyn angak.”

<sup>2</sup> Kun angek, Ananayas Gor nup simbongep biyomb yimb ak, bi man sinjak mindeyak gok kuyip angak, “Minim yesek angyip jonjimb band, ak piktopil gim angak.”

<sup>3</sup> Kun angek, nup pikeyak, Pol nuk biyomb kun anup angak, “Biyimb gok nip niney, bi tep rek mindpan ak pen; gos timund nak ak, timey yimb ninban. Kun gipan kun ak, Gor nip pen pikningamb. Chin Jiwda gipun rek ninjiy, yip kor gipan ak pen; Jiwda gipun ar ak kirgiy, ‘Nup monmon pikim apan’ angak.”

<sup>4</sup> Pol kun angek, bi man sinjak mindeyak kun gok angyak, “Gor nup simbongep biyomb yimb anup angyiwsipan?”

<sup>5</sup> Angey, Pol angak, “Mam sikop. Nuk Gor nup simbongep biyomb yimb angyi ma ninbiyn.

Baybol buk ak tikiy angyak, ‘Biyomb nimb gok kuyip ma anjjiwnimimb angyak.’”

6-8 Won kun ak Pol niñak; bi kanjsol mindeyak kun gok, gunap Sanjiwsiy biynimb niñbay rek niñyak, gunap Peresiy biynimb niñbay rek niñyak. Bi Sanjiwsiy gok gos kiyk ak niñiy angyingipay, “Enjol gok ma mindpay. Kawnan ma mindip. Biynimb gok kumiy pisnep kumbay angyingipay.” Pol nuk layn keykey mindeyak kun ak niñiy, minim yomb angyi angak, “Mam sikop. Basind apis yand gok mangyisek Peresiy biynimb: yand kunep Peresiy bap. Biynimb kumiy tikjakpay minim ak angen, yip pen kor gispay angak.”

9-10 Kun angek, bi Sanjiwsiy kanjsol gok asik key ay, bi Peresiy kanjsol gok asik key ay, kilpul yomb angyak. Angeyak, Peresiy kay bi low tiysa kiyk gok, menj miñgan dand araniy angyak, “Bi biy tap timey bap gip angyi, ma apun. Nuk Damaskas amnak ñin ak, Gor Kawnan ak akan, enjol bap niñak rek ayip; chin ma niñbun angyak.” Kun angyi, penpen ang dand amniyakniñ, amiybi yomb yimb ak niñiy, mindak kun ang dand amiy, Pol nup tungrik day day ayningiy rek ayek niñiy, amiybi nuk gok kuyip angek, Pol nup poñind dam korip kiyk yomb miñgan ak ayak.

11 Pen ñin kun ak kisyimken biyañ, Jiysis ap Pol mindek siñak jak mindiy angak, “Gos sek mindenimin. Minim tep yand ak Jerusalem biy apan rek, Rom amiy, kunep angnimin angak.”

*Pol Nup Pikningambun Angyak*



12-13 Minek pen, Jiwda biynimb ñin jiwiy omiñal rek ap nan-giy, minim aņg ar nokom ay aņgyak, “Chin Pol nup ma pikaypun won biy; tap ma ñimbiy, ñiņg ma ñimbiy giniņgambun aņgyak.”

14 Kun aņgiy, am Gor nup simboņep biyomb gok sek, bi kanjsol yikop gok sek kuyip aņgyak, “Chin niņind yimb apun. Tap ma ñiņniņgambun: Pol nup pisnep pik ay mey, kisen tap ñiņniņgambun.

15 Kun ak nimb, amiybi yomb anup minim yokiy, yesek aņgiy aņgnimimb, ‘Pol nup dand biy apey, nup minim gunap sek aņgniņ tep ginjun aņgnimimb.’ Yesek kun aņgem mey, chin ñiluk ay mindoniņgambun; apeniņgamb, pisnep pikayniņgambun aņgyak.”

16 Pen Pol nunay ñinuk ak, Pol nup pikayniņg giyak minim kun ak niņiy, numbap Pol nup dam ayak korip ak amiy, aņgñak. 17 Aņgñek, Pol niņiy, amiybi kuyip kond mindep bi bap nup aņgak, “Bi paranj biy, minim bap mindip. Nup poņind amiybi yomb yimb mindip ak amey, minim kun ak aņgaņ aņgak.”

18 Aņgek, nunay ñinuk kun anup poņind amiybi yomb yimb mindek ak amiy aņgak, “Pol kalambis bi ak aņgip, ‘Bi paranj biy minim bap mindip nen, nup poņind dand, biyomb yimb ak mindip amey, minim kun ak aņgnimun aņgek;’ poņind aswiyn aņgak.”

19 Kun aņgek, amiybi yomb yimb ak, ñi kun anup ñin kind ak diy, poņind gol okok amiy aņgak, “Yip minim aņgniņg apan kun ak, aņgan aņgak.”

20 Aņgek, ñi paranj kun ak aņgak, “Jiwda biynimb gok toy nip minim yokiy, yesek

anġningambay, ‘Pol nup dand kanjsol mindpay ak apenimin, minim gunap sek anġniġrep ġinjun anġningambay.’ <sup>21</sup> Kun ak minim kiy anġningiy ak, ma niġninin. Bi kiyk ñin ġiwiy omiġal rek, Pol nup ñanġ ay nep mey, tap ñiġningambun anġiy, minim anġaypay. Kiyk minim nip ak niġiy, kun ġinjun anġiy kond mindpay anġak.”

<sup>22</sup> Kun anġek, amiybi yomb yimb ak niġiy, nup anġyokiyġ anġak, “Biynimb gunap kuyip niġiy, amiybi yomb yimb anup, kun kun ġiy anġiy aswiyn ma anġninin anġak.”

*Pol Gapman Biyomb Piyliyks Mindek Ak Amnak*

<sup>23</sup> Amiybi yomb yimb ak kun anġiy, amiybi kond mindep nuk omiġal ak suk anġek aper anġak, “Pol nup pik ayniġ minim aspay. Kun ak miñiy kisyimnamb biyan, nup poġind dand Siysariya amnimimb. Bi kusay diniġiy gok, ñin ġiwiy onep wanġrem ak diy, amiybi gok, ñin ġiwiy onep wanġrem ak diy, kanġ hos sek diniġiy gok, ñin ġiwiy omiġal nokom, andikiy onep wanġrem ak diy dand amnimimb. <sup>24</sup> Pol nup hos gunap sek di namb ay, poġind dam, gapman biyomb Piyliyks mindip ak yokiy winimimb anġak.”

<sup>25</sup> Kun anġiy, nuk biyomb Piyliyks nup minġ bap tikiy anġak, <sup>26</sup> “Yand Kilodiyas Liysiyas; nip gapman biyomb Piyliyks minġ tiksipiyn. ‘Nand mindpan?’ <sup>27</sup> Bi nip yoksipiyn biy, ġiwda biynimb pikayniġ gey, yand niġnik: nuk bi Rom nimb ak niġiy mey, amiybi yand gunap yip amiy, nup dand winuk. <sup>28</sup> Dand apiy, nup pikniġ ġiyak minim kiñiġ kun ak niġiyn anġiy, nup dand kanjsol miytiyġ kiyk ak amiy niġnik: <sup>29</sup> ġiwda

biynimb kiyk gipay rek minim ar gunap nep mindek. Pen nuk tap gunap gek, nup pisnep pik ayep akan, kalambis ayep minim kiñiñ bap ma mindek. <sup>30</sup> Pen minim bap apay, ‘Bi kun anup ñiluk ay mindiy ñañgningambun angey’ mey, nand mindpan ak yoksipiyn. Bi nup minim aspay kun gok, kunep angyoken amiy, minim kiñiñ kun ak nip angningambay. Tep.”

<sup>31</sup> Amiybi yomb yimb ak kun angyi, minj tikñek; amiybi gok, Pol nup kisyim biyan nep poñind am am, Antiypatriys amjakyak. <sup>32</sup> Minek, amiybi yikop gok mañgiysek andkind korip wiyak. Amiybi kanj hos sek gok nep, Pol nup dand Sisariya amiy, <sup>33</sup> gapman biyomb anup minj ñiy angyak, “Kalambis bi dand opun biy, yimb nuk Pol angyak.”

<sup>34</sup> Biyomb ak nuk minj riytiym giningiy, Pol nup angak, “Nand propens akay nimb?”

Angek, Pol angak, “Propens yand Siyliysiya angak.”

<sup>35</sup> Kun angek, biyomb ak niñiy nup angak, “Bi nip minim apay gok apey, minim angningambun angak.” Kun angyi, binuk gunap kuyip angak, “Nup dam gapman biyomb Herot korip ak ay, kond mindrep ginimimb angak.”

## 24

### *Jiwda Biyomb Gok Pol Nup Kor Giyak*

<sup>1</sup> Pol nup kun giy dam ayey, ñin onep tingawip ak mindek. Minek mamind ak, Gor nup simbongep biyomb yimb Ananayas, Siysariya aning, Jiwda kanjsol kiyk gunap poñind, bi minim

anġep kiyk Tetiwas yip, Siysariya amniyak. Amiy, gapman biyomb Piyliyks nup niŋiy anġyak, “Pol nup kor gun anġyak.”

<sup>2</sup> Kun anġeyak, gapman biyomb ak, Pol nup anġek apek, bi minim anġep Tetiwas, Pol nup kor giniŋ, gapman biyomb Piyliyks nup anġak, “Nand mey, gos niŋrep giy chinup kond mindey mindrep gipun. <sup>3</sup> Gipan kun ak, chin nip tep yimb apun. <sup>4</sup> Nip minim paryomb ma anġniŋayn; minim maŋ won anġniŋ gispiyn ak, timund pik niŋnimin.

<sup>5</sup> “Chin niŋbun: bi kun biy per timey nep gip. Miñmon akay akay amimb okok, Jiwda kay kuyip tungasik keykey ayakniŋ, pernep penpen gipay. Biynimb Jiysis bi Nasaret nimb anup gosimb niŋbay gok, biyomb kiyk mey kun ak. <sup>6-7</sup> Nuk Gor anġniŋep korip chinup ak kunep gek timey ginimur rek ayek mey, nup diy, tap chinup gip kun ak kor giniŋ gonuk, amiybi yomb yimb Laysiyas, kaljiw apiy, <sup>8</sup> nup dand amiy anġak, ‘Bi nup kor giniŋ gipay gok, biyomb Piyliyks mindip ak amiy, kor giniŋgiy anġak.’ Kun anġek mey, miñiy opun. Minim kun ak, Pol nup anġniŋeniŋgamban, nuk key, nup kor gipun minim kiñiŋ ak anġek, niŋniŋgamban.” <sup>9</sup> Tetiwas kun anġek, bi Jiwda ap mindeyak gok, minim nup ak kindik giy anġyak, “Niŋind yimb anġip anġyak.”

### *Pol Biyomb Piyliyks Nup Minim Anġak*

<sup>10</sup> Gapman biyomb ak, Pol nup minim anġan anġek, Pol anġak, “Nand simiy kuŋaynep miñmon biy kond mindiy, niŋrep gipan rek, yipund giy nep anġniŋgamban. Kun ak mey, yip tep gakniŋ

nip minim aspiyn. <sup>11</sup> Yip Jerusalem per girangip angey ma niñningamban; yand Gor nup angniniyn angyi, menikarik sinbiy nep, Gor angninep korip ak amninik. <sup>12</sup> Yand biynimb gunap diy Gor angninep korip ak akan, Jiwda nan-gep korip okok akan, dawin yomb namb okok akan; simb-wur timey gep rek minim gunap ma angnik. <sup>13</sup> Yip miñiy kor gispay ak, nand niñningamban; minim kiñiñ bap ma mindeningamb.

<sup>14</sup> “Pen nip minim bap misen angning gispiyn. Yip apay ‘Pol chin Jiwda gunap gipun rek ma gip. Nuk Jiysis nup kisen giying, Gor nup angninimb apay.’ Minim kun ak niñind apay. Yand Jiysis binuk yimb ak mey, kun gipiyn. Apis basind sikop Gor angninyingipay anep, yand angninbiyn. Bi Gor minim angep gok, minim tikyak ak ma kirpiyn. <sup>15-16</sup> Jiwda gunap, ‘Biynimb tep gok sek, biynimb timey gok sek mangyisek, kumiy tikjakningambay angyi niñbay rek ak’ yand kunep niñbiyn. Gor yip am mindeningambiyn angyi, monmon ma gipiyn. Gor niñiy akan, biynimb gok niñiy, sisker gip angningambay ak niñiy mey, niñrep giy, mindrep gipiyn.

<sup>17</sup> “Pen yand simiy gunap, miñmon okok tangyi, biynimb yand tap ma mindip gok kuyip maniy ñiy, Gor nup tap simboñg ñiyn angyi, Jerusalem amninik. <sup>18</sup> Amiy, Gor nup tap simboñg ñiyn angyi, ñiñg pikrep giy, Gor angninep korip ak am mindenik. Pen biynimb kuñay ma ap mindeyak ak mey, penpen angep rek minim gunap ma angnik.

<sup>19</sup> “Pen Jiwda biynimb Esiya nimb gok, ap

yesek angyi, yip diyak. Minim kiyk mindombikop ak, biy apiy minim kun ak apyap. <sup>20</sup> Ma opay ak, bi kanjsol guniy, yip Jerusalem biy kor giy, timey gen minim kiñiñ ninyak ak, angey niñnimin! <sup>21</sup> Pen yip kor giyak ñin ak, minim nokom bap nep angnik. Menj mingan dand araniy angnik, ‘Yand biynimb kumiy tikjakpay angyi gos anep niñen, yip kor gispim angnik.’ ”

<sup>22</sup> Pol kun angakniñ, gapman biyomb Piyliyks, biynimb Jiysis nup gosimb niñyngipay gok per girep gey niñak ak mey, Jiwda biynimb minim ar kuyip ak ma diy angak, “Kisen amiybi yomb yimb Liysis apek, minim nup ak niñiy, minim kun ak angningayn angak.”

<sup>23</sup> Kun angyi, bi kalambis kay kuyip kond mindrep anup angak, “Pol nup miñ ay, kond mindrep ginimin. Pen nup pisnep miñ wos ma aynimin; nuk tap gunap ma mindek, biynimb nuk gok kuyip angninek, nup ñiniñgiy angak.”

### *Pol Kalambis Simiy Omiñal Mindek*

<sup>24</sup> Kisen minek bap, Piyliyks biynuk Driwsiyla yip, Pol nup niñning wirik. Biyn Driwsiyla kun ak, nuk Jiwda biyn bap. Pen kiyber apiy, nunyumiy Pol nup suk angek apek, Pol nuk Jiysis nup yergiy chingipay minim ak anğ dand amyng angak, <sup>25</sup> “Gos chin ar ak key ma niñjun, Gor angyip rek niñiy, mindrep ginjun. Mer ak kor yomb ak niñningambun angak.” Kun angek, gapman biyomb Piyliyks minim kun ak niñiy pirikiy, jep di giy, Pol nup angak, “Nand miñiy am mindenimin; kisen yikop mindiy ker nip suk angen winimin angak.”

<sup>26</sup> Pen biyomb kun ak, gos nuk okok nep ninjiy angak, yand Pol nup minek minek suk angen apek mey, gos nuk ak ninjiy angingamb, “Yand nup kapkap maniy ñiy amniyn angyi, yip maniy ñiningamb angak. Pen gos kun ak niñak rek, Pol nup minek minek suk angek apek, minim angyingipiy.” <sup>27</sup> Pen Piyliyks, Pol nup yikop wisik yoknim angyi niñak ak pen; Jiwda biynimb yip yiruk niñningambay angyi kirgak.

Pol kalambis nep mindek, simiy omiñal yinakniñ, binak Posiyas Pestas, Piyliyks tip nup ak diy, Siysariya propens ak kond mindek.

## 25

### *Pol Biyomb Siysa Nep Yip Kor Niñningamb Angak*

<sup>1</sup> Pen biyomb Pestas, Siysariya apiy, ñin omiñal nokom mindiy, Jerusalem amnakniñ, <sup>2-3</sup> Gor nup simbongep biyomb gok sek, Jiwda biyomb gunap sek nup ninjiy; Pol nup kinjeñnamb ak ñiluk ay pikayniñ angyak, “Chinup simb ninjiy, bi nand gunap angenimin, Pol nup kasek dand Jerusalem winiñgiy angyak.”

<sup>4</sup> Kun angeyak, Pestas angak, “Pol kalambis mindip Siysariya. Kun ak, yand amniñ gispiyn rek, <sup>5</sup> nup minim gunap mindonimun, biyomb nimb gunap angem, yand yip Siysariya amiy, nup kor giniñgiy angak.”

<sup>6</sup> Kun angyi, nuk ñin kaw bap mindiy, biyomb kiyk gunap Pestas yip Siysariya amniyak. Minek, kor gep miñgan ak amiy, Pestas angek, <sup>7</sup> Pol nup dand apeyak, Jiwda bi Jerusalem nimb wiyak

gok ap nup pinij kus kus giy, minim ar keykey kunaynep angyak. Pen minim angyak ar kun gok, minim kiñij mindek ma angyak; yesek nep angyak.

<sup>8</sup> Pen Pol tikjakiy angak, “Yand Jiwda biynimb minim ar ak akan, Gor angnijep korip minim ar ak akan, Rom biyomb Siysa low minim nup ar ak, ma timbrikpiyn angak.”

<sup>9</sup> Angek, biyomb Pestas gos nuk ak key ninij angak, “Pol nup Jerusalem yoken, Jiwda biynimb yip ninij tep giniᅅgamb angyi,” Pol nup angnijiy angak, “Kor minim kun biy, Jerusalem amiy angyun?”

<sup>10</sup> Angek Pol angak, “Miñiy Rom biyomb Siysa kor ar nuk ak mindpiyn. Yenen Jerusalem amiy angyun? Yand Jiwda biynimb kuyip tap bap ma yimb gipiyn ak, nand kunep ninban. <sup>11</sup> Pen tap bap gen, kor giy yip pikayun apyap ak; ma pirikpinip. Ak yip monmon pikpiyap. Pen kor giy, minim kiñij ma mindip ak, yip Jiwda biynimb kuyip ñiniᅅ gispan ak, yipund ma gip. Rom biyomb yimb Siysa, low nuk bap kun giy ma mindip. Kun ak yand biyomb Siysa mindip ak amiy, minim kun biy angnijayn. Pen yand Jerusalem ma amniᅅgayn angak.”

<sup>12</sup> Pol kun angek, biyomb Pestas am binuk gok yip minim kun ak anᅅ amiy apiy giy, andkind apiy angak, “Biyomb Siysa kor yip ak niñniᅅgamb apan ak mey, nip Siysa mindip Rom angyokon, kor kun ak giniᅅgamban angak.”

*Pol Biyomb Angriypa Nup Minim Anᅅñak*



13-14 Pen ñin bap, kiyη Anḡriypa yip, nunay nuk Baniys yip anḡrik, “Binak Pestas miñiy ap biynimb kond mindip Siysariya. Chir am nup niñiy owiyη anḡrik.” Kun anḡiy, Siysariya amiy, Pestas yip ñin kaw bap mindyηḡ; Pestas kiyη Anḡriypa nup anḡak, “Yand kisen winik; nind Piyliyks miñmon biy kond mindek ñin ak, bi Pol apay anup, kor giyak ak mey, kor ginyηḡ ap kond mindip biy. <sup>15</sup> Yand Jerusalem amenik, Gor nup simbonḡep biyomb gok sek, bi Jiwda kanjsol gok sek maḡgiyseḡ anḡyak, ‘Pol nup pikaynimimb anḡyak.’ <sup>16</sup> Pen minim kiñiy bap ma anḡeyak kuyip anḡnik, ‘Chin Rom biynimb low bap kun giy ma mindip. Biynimb yikop ma pikpun; kor giy, minim junj bap mindamb nep mey, kun gipun anḡnik.’ <sup>17</sup> Kun anḡiy, yand yip Jerusalem biy apiy, minek mey, am kor gipay korip miḡgan ak bisgiy, Pol nup suk anḡen owak. <sup>18</sup> Yand anḡniñnik-eḡ, minim yomb yimb mindip anḡnik ak pen, bi nup kor giyak gok, minim anḡyakniñ niñnik; minim yomb ma mindek. <sup>19</sup> Kiyk yikop anḡyak, ‘Gor minim ak, chin anḡrep gipun rek ma anḡip; nuk gunap sisker anḡip anḡyak.’ Bi bap yimb nuk Jiysis anḡyak ak kunep; kiyk pis-nep kumimb anḡyak’ ak pen; Pol anḡak, ‘Miñiy tikjakiy kim mindip anḡak.’ <sup>20</sup> Gor minim anḡiy kor gipay ak, yand niñrep ma gipiyn rek, nup anḡnik, ‘Jerusalem amiy, minim kiñiy kun ak anḡñinyḡamban akan anḡenik,’ <sup>21</sup> ‘Mer! Yand kalambis nep mindenyḡayn. Kisen Rom biyomb yimb Siysa, nuk key minim kun ak anḡniñḡamb anḡak.’ Kun anḡek, yand nup Siysa ker yokniḡ,

kalambis aypiyn rek mindip angnik.”

<sup>22</sup> Pestas kun angek, kiyn Anagriypa angak, “Pestas. Bi kun ak minim nuk key angek, yand niñningayn angak.” Angek angak, “Kun ak toy niñnimin angak.”

<sup>23</sup> Kun angek, minek, Anagriypa nunay Baniys yip, chech tep tep nep ay, amiybi yomb gunap, biyomb miñmon kun ak nimb gunap yip wilikiy, biynimb yomb aswun angyi, yiñrimey giying, kor niñep korip miñgan ak wiyak. Ap mindyakniñ, Pestas bi gunap kuyip angak, “Pol nup am dand owim angak.”

<sup>24</sup> Angek, dand apeyak, Pestas tikjakiy angak, “Kiyñ Anagriypa sek, biynimb ap mindpim guniy sek bi biy nup niñim. Jiwda biynimb nup kor giy, minim yomb angyi, bi kun biy pisnep pikayep apay. Jerusalem minden, yip kun anep apay; biy apen, kun anep apay. <sup>25</sup> Yand niñbiyn: biynimb gok tap timey yimb gey, ñin gunap pikaypay ak pen, bi biy nup kor giy niñnik: tap kun ak rek bap ma gak. Nuk key angak, ‘Biyomb Siysa nep minim yip kun ak angningamb angak.’ Kun ak mey, yand gos kun ak niñiy, Siysa ker yokning gispiyn. <sup>26</sup> Pen yand bi kun biy tap yerip yerip gip minim kiñiñ ak, minj sek tikñinim rek ma ayip. Kun ak, kiyn Anagriypa sek, biynimb yikop gok sek nimb minim nup ak niñiy, tap gunap yerip yerip gip ak angem, minj sek tikiy, biyomb Siysa mindip ak yoknim. <sup>27</sup> Yikop yokningambiyn ak, yand niñen yipund ma giningamb angak.”

*Pol Kiyņ Anġriypa Nup Minim Anġak*

<sup>1</sup> Pen kiyņ Anġriypa Pol nup anġak, “Yand nip niņsipiyn nen, minim anġan anġak.”

<sup>2</sup> Anġek, Pol ñin dand araniy anġak, “Kiyņ Anġriypa. Nand nep apiy yip minim anġnimin anġey, Jiwda biynimb minim yip apay ak, nip anġniņġ gispiyn ak; yip tep gip. <sup>3</sup> Chin Jiwda biynimb gipun gipun ar ak nand maņġiysek niņban ak mey; nip nep anġniņġ gispiyn ak, yip tep gip. Kun ak minim anġen, yip yiruk ma niņnimin.

<sup>4-6</sup> “Jiwda biynimb Jerusalem nimb gok, yip kor gispay ak; Gor wosrey basind apis sikop kuyip minim tep anġek, gos sek kond mindyņġipay minim anep anġen, yip kor gispay. Pen yand bi key okok nimb rek, minim bap key anġnim: yand bi key okok nimb mer; bi Peresiy, Jiwda low minim niņiy, asik tep yimb gipiyn bap. Ñiskoy miņġ mindiy, mind dand apiy, miñiy mindpiyn ñin biy, miñmon yand Tasas nimb, Jerusalem nimb gipiyn. Kun ak yip Peresiy anġiy niņbay ak pen, minim kun ak weyġiy, yip kor gispay.

<sup>7</sup> “Nand niņban: ‘Chin Jiwda biynimb gok kiñiņ keykey onep wimiņġan ak mindpun. Chin maņġiysek, Gor basind apis sikop kuyip anġak minim tep ak kond mindpun. Nuk biynimb kumbay gok, gen tikjakniņġambay anġak minim ak niņmindiy, pumbnamb kisyimken, nup anġniņyinyņ mindpun. Pen kiyņ Anġriypa nand niņan! Kumiy tip tikjakniņġambun minim anep anġen, yip kor gipay! <sup>8</sup> Pen nimb yenen biynimb kumbay gok, Gor gek ma tikjakniņġambay anġiy niņbim?’

9 “Pen yand key, nind Jiysis Nasaret nimb minim ak, yipund ma gip angyi, Gor biynimb nuk gok kuyip, timey yimb giyিংgipiy. 10 Pen Jerusalem minden, Gor nup simbongep biyomb gok yip angey, Jiysis ker mindeyak biynimb gok kuyip am dand apen, kalambis ayিংgipay. Gunap pisnep pikayিংgipay. Biynimb pikayিংgipay gok kuyip panj angyingipiy. 11 Jiwda nan-gep korip okok tangyi, biynimb Jiysis nup gosimb niñyak gok kuyip niñen, yip milukrimey yapek; minim kun ak kirginimimb angyi, kuyip timey giyিংgipiy. Ñin gunap biynimb kun gok piyow niñiy angyi, miñmon paryomb okok amyingipiy.

### *Pol Jiysis Nup Gosimb Niñak Kesim*

12 “Pen ñin bap Damaskas biynimb Jiysis nup gosimb niñyak gok kuyip, miñ ay dand wiyn angen, Gor nup simbongep biyomb gok yaw angyi, minj tikñey, dand sanđinik. 13 Pumbnamb yomb yoñ won ak, kinjenamb ak amying niñnik; melik yomb ak semb biyoñ nimb, chin amninuk ak niñak. Biyomb niñan! Melik niñak kun ak, pumb melik rek mer; melik kun ak key yimb gak. 14 Kun gek, chin mañgiysek apyap pikiy, yand niñnik; minim bap, minim yimb chin Hiybriw minim angyi, yip angak, ‘Sol! Sol! Yip yenen per miluk niñiy timey gipan? Nip per kinjen tep yomiyn apiyn ak pen; yip timey gipan ak, nip key yiwur gisap angak.’

15 Angek, yand angnik, ‘Biyomb nand an?’ Angenik angak, ‘Yand Biyomb Jiysis; yip per timey

gipan ak nep angak.’ <sup>16</sup> Kun angyi, yip angak, ‘Tik-jakan! Yand nip minim angning opiyn ak angning gispiyn. Nand wong yip ak giy, yip miñiy ninban rek, pen kisen yomen ninrep giningamban rek, biynimb gunap kuyip angniningamban. <sup>17</sup> Kun giy angniyiing tangnakni, Jiwda biynimb gok sek, biynimb Jiwda mer gok sek nip timey giyakni, kond mindeningayn. <sup>18</sup> Kun ak biynimb kisyim wip okok mindpay gok, melik tep ak ninningambay. Seytan nup gos ak kirgiy, Bapiy gosimb chirupapiy anep ninningambay. Yip diningambay kun ak, tap yerip yerip timey giyak gok, Bapiy ninji kirginingamb. Nuk kuyip ninjek, biynimb yand nindnimb gok ninjek tep gip rek ak giningamb angak.’

*Pol Gor Nup Wong Giyingip Ak Angnak*

<sup>19</sup> “Pen kiya Anagriya. Yand melik semb biyon nimb apiy minim angak kun ak, ma kirginik. <sup>20</sup> Damaskas amiy, biynimb kun okok kuyip Jiysis minim tep ak angninik. Kisen am Jerusalem biynimb kuyip angniy, Jiwdiya biynimb okok kuyip angniy, biynimb Jiwda mer miñmon okok angniy ginik. Kuyip angniy angnik, ‘Tap siy tap timey gipim gok yenen kun gipun angyi kirgiy, Gor nup gosimb nokom ninji, anqip rek ginimimb angnik.’ <sup>21</sup> Jiwda biynimb mer gok sek, minim kun ak angninik ak mey, kisen Gor angninrep korip ak amenik, Jiwda biynimb yip ninji mey pikayak. <sup>22</sup> Pen Gor yip kond nep mindip rek, minim tep nup ak, biynimb yimb mindip gok sek, biynimb yimb ma mindip gok sek angniyiing nep mindpiyn. Minim angnimbiyn kun ak, ar bap key

mer; binak Mosis sek, bi Gor minim anǵep gunap sek anǵyak rek nep anǵñimbiyn. <sup>23</sup> Kiyk anǵyak:

“Krays apiy, miker diyiǵ, kumiy tikjakniǵamb ak mey; Jiwda biynimb gok sek, Jiwda biynimb mer gok sek kumiy, tikjakep kinjeŋ ak niŋniǵambay anǵyak.” ”

<sup>24</sup> Pol minim kun ak anǵakniŋ, biyomb Pestas minim yomb anǵiy anǵak, “Pol. Nand minim ar keykey layniym gipan rek, jun muk nip ak milip gek aspan anǵak.”

<sup>25</sup> Anǵek, Pol anǵak, “Biyomb Pestas. Yip jun muk milip gek ma aspiyn; gos niŋyiǵ, minim niŋind yimb ak aspiyn. <sup>26</sup> Kiyŋ Anǵriypa! Chin niŋiy gipun ar ak, nand niŋban ak mey, yand nip pirikiy ma aspiyn. Yand niŋbiyn: Jiysis nup yerer giyak ak weygiy ma giyak; misenŋ nep geyak niŋnak ak mey, tap bap ma niŋban mer; maŋgiysek niŋban.

<sup>27</sup> “Nand bi Gor minim anǵep gok, minim anǵyak ak, niŋind anǵyak anǵiy, gos niŋban? Yand niŋen; nand niŋind apay anǵiy niŋban rek ayip anǵak.”

<sup>28</sup> Pol kun anǵek, kiyn Anǵriypa anǵak, “Pol. Nand yip, minim sikoy bap anǵen, Jiysis binuk bap mindenŋ anǵiy, yip minim kun ak aspan?”

<sup>29</sup> Anǵek, Pol anǵak, “Minim paryomb anǵiy akaŋ, minim maŋ won anǵiy ma apiyn; yikop Gor nup anǵniŋiy apiyn, “Nand sek, biynimb minim anǵen niŋmindpay guniy sek yand mindpiyn rek, mindeniŋiy anǵiy apiyn. Pen yip sen aypay rek, kuyip ma ayniŋiy anǵiy apiyn.”

30-31 Pol kun angek, biyomb Pestas ak, kiyη Angriypa ak, nunay Baniys ak, biynimb mindeyak gok mangiysek mis tikjakiy angyak, “Biynimb gok timey gey mey, kor giy, gunap kalambis ay, gunap pisnep pik ay gipay; pen bi biy tap timey bap ma gip angyak.”

32 Kun angyi, kiyη Angriypa, Pestas nup angak, “Miñiy kalambis kirgiy mis ambikop ak pen; nuk Siysa kor yip niñningamb anqip ak mey, kalam-bis mindiy, biyomb Siysa mindip ak amningamb angak.”

## 27

### *Pol Nup Yokon Rom Amningamb Angyak*

1 Kisen minim angay angyak, “Bi kalambis gok kuyip, biyomb Jiwliyas, amiybi kuñay yimb kond mindip anup ñon, amiybi nuk gunap yip poñind biyomb Siysa mindip Rom amniyan angyak.” Amiybi kun gok kuyip angyingipay, “Biyomb Siysa amiybi nuk yimb angyingipay.” 2 Pen ñin kun ak, siyip Andramaytiyam nimb ak, miñmon Esiya amning gek mey, siyip kun ak dinuk. Bi Masedoniya propens nimb bap yip amninuk. Yimb nuk Ariystakas. Miñmon sikoy nuk ak mey Tesalonayka.

3 Minek Saydon amjakonuk. Pen Jiwliyas Pol nup ma girimey gak; nup angak, “Am bungiy nand gok kuyip niñey, nip tap yerip tikdinimun gok, ñiningiy angak.” 4-5 Pen chin Saydon kun ak kiring amying niñnuk; yingen yomb yimb ak apiy, ñing siy ak pangek. Kun gek, Saypras bak okok amiy, am am Siyliysiya sil giy, am Pampiyliya sil

giy, miñmon yomb Lisiya amiy, am Mayra amjaknuk. <sup>6</sup> Amjakiy, amiy biyomb bi kalambis kay kuyip kond mindek ak niñak; siyip Aleksandriya nimb ak, Rom amning gek. Niñiy, chinup angek siyip kun ak dinuk. <sup>7</sup> Diy, kapkap nep am am, Naydas amjaknuk. Pen yingen yomb ma apek, yipund giy amemb rek ma ayek mey, piskind okok nep am am, Salmoney sil giy, Kriyt bak okok amiy, <sup>8</sup> kosyam am am, Per-Heypens amjaknuk. Miñmon kun ak, miñmon yomb Lasiya mañ okok. <sup>9-10</sup> Chin kun giy sayn nep girangnukniñ mey, Jiwda biynimb tap ma ñimbay ñin ak pandikek; ñiñg siy yomb pañgep ñin ak owak.

Pen Pol nuk, bi siyip kapten ak sek, bi siyip nop ak sek kuyip angak, “Bi guniy. Amemb rek ma ayip ak; amoninğambun, tap kakaw timey giy, siyip timey giy, chinup gunap pikayningamb angak.”

<sup>11</sup> Pol kun angak ak pen, siyip kapten ak sek, bi siyip nop ak sek angrik, “Miñmon biy miñmon timey. Yingen nep dip ak, siyip ak mindrep ginimuj rek ma ayip angrik.” Kun angerik, amiybi yomb Jiwliyas, Pol minim ak kirgiy, minim kuyip ak dak. <sup>12</sup> Bi siyip nop ak sek, bi siyip wonğ giyak gunap sek angyak, “Yingen yomb dip ñin biy, miñmon timey kun biy ma mindonjun; Piydiyks mañ mindip ak am mindonjun. Yingen yomb wip ñin ak, siyip dam miñmon kun ak ayey, timey ma gip angyak.”

### *Yingen Yomb Apiy Ñiñg Siy Pañgak*

<sup>13</sup> Kun angyiy, kun ak mindiy, yingen siskoy owak ñin bap, miñiy amiy, amjakningambun



anġiy, anġa yokyak ak lipiņg diy, ñiņg timb kusgak Kriyt kun ak, ñiņg gol ar ak amninuk.

<sup>14</sup> Kun giy amninukniņ, yiņgen yomb ak amninuk okok ken apiy, chinup dand yesek okok amniņg rek gak. <sup>15</sup> Kun gek, bi siyip nop gok, dand yipund giy amnun anġiy, gi mer niņiy kirgiyak. Chinup sesek dand ñiņg solwara namb yomb okok amnak.

<sup>16</sup> Kun giy dand amek, am am, ñiņg timb kusgak miñmon sikoy Kawda anġyak ak bak okok amiy anġnuk, “Yiņgen siskoy asaw rek, bot sikoy band ak diy, siyip yomb miņgan ak ayun anġiy, kosyam yimb daynuk. <sup>17</sup> Dayrep giy, siyip yomb ak paņgnimuņ anġiy, miñ gok, okok nimb okok nimb tiwniņgrop giyak. Pen “Yiņgen yomb asaw biy, siyip chinup ak dand Apriyka amiy, kamb kalnas akan, kamb kilup ak piņiyek, paņgningamb anġiy, ser tiwniņgiyak ak wisik yepyey, jel pirikiyning amninuk. <sup>18</sup> Yiņgen yomb apyiņg nep mindek ak mey, minek siyip ak awan amnaņ anġiy, tap kakaw gok, yisik ñiņg solwara yokyak. <sup>19</sup> Minek ak kunep, yiņgen di nep mindek mey, tap yerip yerip siyip timey gek giņjun anġiy dayey mindek gok, ñinen maņgiysek diyokyak. <sup>20</sup> Chin minek minek pumb gap gok ma nep niņyiņgipun. Pen yiņgen ak kun giy di nep mindek ak mey, miñmon bap ma amniņgambun; kum diniņgambun anġiy niņnuk.

<sup>21</sup> Pen tap ma nep ñimbyiņgipay rek, Pol mindeyak namb ak tikjakiy anġak, “Minim yand anġnik ak niņbikip rek anġep, chin Kriyt nep mindiy, tap kakaw tap gok ma diyokpinup. <sup>22</sup> Pen

gos kuṅay ma niṅnimimb. Chin bap ma kum-  
ningambun; siyip ak nep pisnep timey giningamb.

<sup>23-24</sup> “Yand Gor binuk ak, nup aṅgniṅiyiṅ nep mindpiyn ak mey, miñiy kinambiyn, enjol bap yokek ap yand mindambiyn maṅ sijak apiy, aṅgip, ‘Pol ma piriknimin! Gor nip kond mindeningamb ma kumningamban. Mindiy, biyomb Siysa mindip ak amiy, kor niṅningamban. Biynimb siyip miṅgan guniy kuyip kunep kond mindek ma kumningambay aṅgip.’

<sup>25</sup> “Kun ak ma piriknimimb. Yand niṅbiyn; Gor aṅgip rek nep giningamb. <sup>26</sup> Pen chin am am, miñmon ñiṅ timb kugak bap amningambun aṅgak.”

### *Siyip Pisnep Timey Gak*

<sup>27</sup> Pen yiṅgen ak chinup kun giy dand am am, ñin wanjrem piskind ak, kisyimken biyaṅ mey, ñiṅ solwara ‘Edriyatiyk’ apay namb ak amyiṅ, bi siyip woṅ giyak gok, gos bap niṅiy, miñmon sikoy bap apchaksipun rek ayip aṅgyak. <sup>28</sup> Kiyk gos kun ak niṅiy, kamb kilup maṅ maṅ mindip akaṅ aṅgiy, ay niṅbay tap bap ay niṅyak: par yomb yomb mindek. Takiy sikoy won bap amiy, tip ak ay niṅyak: tapin maṅ yimb mindek.

<sup>29</sup> Kun gek, chin kamb sek okok amjipun rek ayip aṅgiy, pirikiy, aṅga omiṅal omiṅal yokeyak, siyip ak aland gak. Aland gek mindyiṅ, Gor nup aṅgniṅiy aṅgyak, “Miñmon kasek yapiy, pumb ak niṅaṅ aṅgyak.” <sup>30</sup> Pen bi siyip woṅ giyak gok, miñmon ñiṅ timb kugak yep maṅ kun ak amniṅ; biynimb gok niṅmindeyak rek, yesek tom

giy angyak, “Bot sikoy ak dam jun aknej ken yokiy, anga gunap sek yokun angyak.”

<sup>31</sup> Kiyk yesek kun giyaknij, Pol ninij, Jiwliyas amiybi nuk gok yip kuyip angak, “Bi siyip wong gipay biy, kiyk bot sikoy ak diy mangiysek am dining gispay. Kun ak kiyk amdeningambay, siyip biy an kond mindek mindoningambun? Ak kum diningambun angak.” <sup>32</sup> Kun angek, amiybi gok, minim kun ak ninij, bot ning biyan yokning geyak miñ ak, pisnep timbrik yokyak.

<sup>33</sup> Pen miñmon yowning gak won ak, Pol kuyip angak, “Ñin onep wanjrem piskind ak gos kunjay ninying, tap ma ñimbiy, yikop nep mindpim. <sup>34</sup> Pen nimbip aspiyn, tap bap ma yimb giningamb. Kun ak yikop mindiy, yergiy mindeningambim; tap ñinimimb angak.”

<sup>35-36</sup> Pol kun angyi, biret ak diy, Gor nup angninij, tipang ñinaknij, kiyk kunep simbwur tep gek tap ñinyak. <sup>37</sup> Chin biynimb tiw handret sendiy sikis, siyip mingan kun ak mindonuk. <sup>38</sup> Pen tap ñimbiy, siyip ak awan amnan angyi, wiyt mindek gok ning solwara biyan diyokyak.

<sup>39</sup> Miñmon tikaknij, ning timb kuskak miñmon won ak ninuk ak pen, miñmon kun biy yerip angyi, ma ninuk. Pen kiyk ninyak; ning solwara aknej timbsak amnak ak, kamb kilup tep yimb ak mindek ak mey, angyak, “Siyip ak ar kun ak yipund giy amningambun angyi,” <sup>40</sup> siyip anga yokyak miñ gok timbrikiy, siyip pis pis ayak stiya ominal ak wisik yepiy, ser yomb wisik ayak ak, tip ak tiwningiy, sanjinuk. <sup>41</sup> Am am mey, siyip jun day ak, kamb kalnas day ak pinij; aldi wos

gak. Kun giy aldi wos gek, ñiņg solwara ak paņg apiy, siyip sumb day okok ken, pisnep pikpaņg pikek amnak. <sup>42</sup> Kun gek, amiybi gunap, ap biyomb kiyk Jiwliyas nup angyak, “Siyip ak timey gisap. Bi kalambis gok pirik amey, chinup anğ giniņgambay. Kun ak kuyip pikayun angyak.”

<sup>43</sup> Kun angyak ak pen, Jiwliyas Pol nup gos niņiy, kuyip mer anğiy anğak, “Bi ñiņg kas pilik niņbay gok, nind ñiņg kas pilikiy ameniņgiy; <sup>44</sup> kisen bi ñiņg kas ma pilik niņbay gok, pilaņ day day gok, chichiy diy amniņgiy anğak.” Anğek, anğak rek nep ginuk. Bi bap ñiņg ma ñiņnuk; maņgiysek kim amninuk.

## 28

### *Pol Miñmon Molta Mindek*

<sup>1</sup> Pen chin miñmon ñiņg timb kusgak kun ak amonuk, biynimb kun gok mindeyak gok, chinup angyak, “Miñmon biy, Molta angyak.” <sup>2</sup> Kun anğiy, chinup girep giyak. Chinup miñmon pik pir gak rek; mon dap daņgiyey, maņiy tep ginuk.

<sup>3</sup> Pol pen am mon alik gunap yipruņg dand apiy, daņgiyakniņ, kondkol ak mon alik dand wak namb kun okok mindek ak mey, pipon gek, araniy Pol nup ñin kind ak siwyinjsek ayak.

<sup>4</sup> Kun gek, biynimb miñmon kun ak mindeyak gok niņiy, kiyk key angyak, “Kalambis bi biy, timey gip rek, kim amnimun rek ma ayip. Ñiņg solwara namb ak mindiy, siyip ak timey gek ma kumimb ak pen; miñiy kumniņgamb angyak.”

<sup>5</sup> Kun angyak ak pen, Pol ñin maņgiy nuk ak pipal pikek, kondkol kun ak yapiy, mon yinak.

<sup>6</sup> Biynimb kun gok pen, Pol nup kondkol siwip ak, siw giningamb akan, kasek kumningamb angyi, tapin niñmindey, nup tap bap ma gek angyak, “Bi kun ak biyimb bap mer: nuk gor bap angyak.”

<sup>7</sup> Pen biyomb miñmon kun ak kond mindek ak, yimb nuk ak Pabliyas. Korip miñmon nuk ak man kun sinjak mindek ak mey, chinup dand korip nuk ak amiy, ñin omiñal nokom kond mindrep yimb gak. <sup>8</sup> Biyomb kun ak, nop nuk ak, mumbwak nup okok mon rek yiniy, simb kongil kunep giy, kum mindek. Pol Gor nup angninjiy, nup dininjek, tap gak kun ak pisnep suñ ayak. <sup>9</sup> Kun gek niñiy, biynimb miñmon kun ak tap gak gok, apeyak, Pol dininjek, kuyip suñ ayak. <sup>10</sup> Pol kun gek mey, chinup kond mindrep yimb giy; siyip diy amning ginuk ñin ak, tap yerip ma mindek gok, chinup monmon ñiyak.

### *Pol Rom Amjakak*

<sup>11</sup> Pen miñmon kun ak, siyip Aleksandriya nimb bap ap mindek. Siyip kun ak yimb nuk ak “Tamsek” angyak. Ñin kun ak yinjen yomb dep ñin ak owak ak mey, amemb rek ma ayek, kun ak mindek. Chin kunep miñmon kun ak mindon, takin omiñal nokom amnakniñ, <sup>12</sup> yinjen yomb ma dep ñin ak apek, siyip Tamsek kun ak diy, Sayrakus amninuk. Amiy, ñin omiñal nokom kun ak mindiy, <sup>13</sup> siyip kun ak nep diy, Resiyam amninuk. Minek, yinjen yomb ak kund okok ken apiy, siyip ak dand kasek amek mey, ñin omiñal ñinñg namb okok mindiy, Puteyoliy amjaknuk. <sup>14</sup> Miñmon kun ak, biynimb Jiysis nup gosimb niñyak gunap mindeyak ak mey, chinup angyak,

“Chin yip mindiy amnimimb angyak.” Angeyak, kiy yip ñin onep ar ak mindiy, Rom amnun angyi sanḍinuk.

<sup>15</sup> Pen Rom biynimb Jiysis nup gosimb niḡyak gok, chinup asway anḡey niḡiy, gunap ap chinup Apiyas maker namb ak, namb pikyak; gunap ap chinup namb pikyak; stowa omiḡal nokom mindek miñmon ak. Pen chinup ap namb pikyak rek, Pol kuyip niḡiy, simbwur nup ak tep gek, Gor nup, “Tep” anḡak.

<sup>16</sup> Pen chin Rom amonuk, gapman biyomb ak, Pol nup anḡak, “Korip nak bap key kinimin anḡek,” nuk korip bap piyow niḡiy kin mindakniḡ, amiybi bap nup kond mindyḡip.

### *Pol Jiysis Minim Tep Ak Anḡak Miñmon Rom*

<sup>17</sup> Pol ñin omiḡal nokom mindiy, minim anḡniḡ, Jiwda biyomb miñmon kun ak mindeyak gok kuyip suk anḡek, ap nan-geyak anḡak, “Mam sikop. Yand biynimb chin gok ma miluk niḡiy, basind apis sikop minim anḡyak ak ma timbriknik ak pen, Jiwda biyomb Jerusalem nimb gok, yip kalambis ay, dam Rom gapman biyomb kun okok mindpay gok kuyip ñeyak, <sup>18-19</sup> yip kor giy niḡyak: minim kiñiḡ bap ma mindek. Yip pikniḡiy rek ma ayak. Kun gek mey, yip wisikyokun anḡiy niḡyak ak pen; Jiwda kay mindeyak gok, kilis timey giy, yip tip ak kor geyak mey anḡnik, ‘Biyomb Siysa nep kor yip ak niḡniḡamb anḡnik.’ Biynimb yand gok kuyip minim bap mindek kun ma ginik. <sup>20</sup> Pen chin Jiwda gok, minim tep gos sek kond mindpun ak

nep anġen; yip miñ aypay. Minim kun ak anġning mey, nimbip suk apiyn anġak.”

<sup>21</sup> Pol kun anġek, nup anġyak, “Bi Jiwdiya nimb kun gok, biy apiy akan, minj ñey apek, minim timey gunap nip anġey, ma niñbun. <sup>22</sup> Kun ak, nand minim nand key anġey chin niñjun. Pen chin niñbun: Jiwda biynimb gok apay, ‘Biynimb gos nand niñban rek niñbay gok, biynimb tep mer apay’ anġyak.”

<sup>23</sup> Pen kiyk kun anġiy, ñin bap minim anġningambun anġiy, anġgayak. Kisen ñin anġgayak kun ak apek, biynimb nind wiyak rek mer, kuñay yimb nep Pol mindek korip ak, maynamb yimb ap nan-giyak. Kun giy ap nan-geyak, Pol nuk Gor biynimb diy kond mindeningamb minim ak anġñiyiñġ; Mosis sek, bi Gor minim anġep gunap sek Jiysis kun kun giy giniñgamb anġiy tikiyak minim ak sek anġñiy gak. Jiysis nup minim ak anġen niñyan anġiy, minim kun ak anġ mindakniñ, pumb pañind amnak.

<sup>24</sup> Pen minim anġak kun ak, gunap anġak rek niñyak; gunap ma niñyak. <sup>25</sup> Biynimb ma niñyak gok kuyip anġak, “Wosrey Gor Kawnan ak, Asaya nup bak ayek, niñind yimb, basind apis chinup gok kuyip minim bap anġak. <sup>26</sup> Minim kun ak, Baybol buk ak tikiy anġyak:

‘Jiwda biynimb gok kuyip am anġiy anġnimin, “Minim anġey niñningambim ak pen; minim anġip ak anġiy ma niñningambim. Windin niñningambim ak pen, tap bap ma niñningambim. <sup>27</sup> Biynimb guniy minim yand apiyn ak kuyip yiruk gek, ma yimb niñbay. Gor minim niñon,

chinup gek, biynimb nuk mindenjun rek ma ayip angyi, timund pil giy, windin jukiy nep mindpay' angyak.”

<sup>28</sup> “Kun ak, Jiwda biynimb guniy. Nimb Jiwda kay, Gor minim tep ak kirpim rek, nuk angek amjap biynimb wikan gunap kuyip. Kiyk nep niñningambay angak.” <sup>29</sup> Pol kuyip minim kun ak anjjiwakniñ, Jiwda gok kiyk key amyinğ, pen angek pen angek giyinğ amniyak.

<sup>30</sup> Pen Pol miñmon Rom kin mindyinqip korig ak, tawyinq tawyinq nep kin mindek; simiy ominjal yinak. <sup>31</sup> Biynimb nup ker wiyak gok, kuyip mangyisek direp yimb giy, Gor biynimb diy kond mindeningamb minim ak, anğñiy; Jiysis Krays minim ak anğñiy gak. Nuk kun gek, Rom gapman biyomb gok, nup ma anğ giyak ak mey, biynimb gok kuyip minim kilis giy angyi, yipund giy nep anğñiyinqip.



**Kalam Baybol Buk Gor minim nuk kisin  
angayak  
The New Testament in the Kalam Language of Papua  
New Guinea  
Nupela Testamen long tokples Kalam long Niugini**

copyright © 1992 Wycliffe Bible Translators, Inc.

Language: Kalam

Dialect: central

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

---

PDF generated using Haiola and XeLaTeX on 21 Feb 2024 from source files dated 31 Aug 2023

1491c109-3ee2-5565-9b83-06c480168547